



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.153/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.153/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINAFL 2.0.153/a

THOMÆ REINESII
Phil. & Medic. Doct. Critici atque
Polyhistoris famigeratissimi
EPISTOLARUM

NESTEROS, PATREM ET
FILIUM

CONSCRIPTARUM FARRAGO:
IN QVA VARIA MEDICA ET PHILOLOGI-
CA LECTU JUCUNDA CONTINENTUR:

Antehac à B. Authore nunquam edita;

M.DC.



LXX.

LIPSIÆ,

Sumptibus SCHÜRERL-GÖTZIANORUM HEREDUM
ET JOH. FRITSCHIL

ILLUSTRI
S. ROM. IMP.
REIP. NORIMBERGENSIS
SENATUI
MAGNIFIC. NOBILISS. STRENUISS.
DNN.
DUUM VIRIS,
SEPTEMVIRIS,
CONSULIBUS ET
SCABINIS,
PATRIÆ PATRIBUS
PRUDENTISS.
SUMMIS MUSARUM MECÆNATIBUS
1STÆ
REINESIANI NOMINIS RELIQUIÆ
D. D. D.
SACRÆ SUNTO.



DE Atheniensibus memo-
riæ proditum est, quod *Viros bonos do-
ctosque*, & vivos & mortuos hono-
rârint; Idque Exemplis, probatur:
maximè honorum, quibus Hippocratem Coum
Medicorum Principem, & Zenonem Cittieum
Philosophum, sepulturâ huic post obitum in publi-
co exstructâ, utrique aureâ mille aureorum coronâ
donatâ, mactârunt. Utamque & *Eruditionis* &
Bonitatis, si quisquam, laudem promeruit, Attica
simul & Latina Musa *sive Siren*: quo *Anagram-
mate* aptè notari mihi videtur, *Medicorum Philo-
sophorumque* hoc seculo Phoster, ὁ μεταρίτης *Reine-
sius*. Nec infelix, ut sæpius aliorum, Viri Germa-
niæ nostræ invidendi virtus, debito sibi præmio,
se decoratam videns, non à maximis tantum *Im-
perii Proceribus*, sed etiam ab externo *Rege* grati-
am, ab universo orbe literario gloriam, dum vixit,
retulit. Nunc verò, dum vivere desiit Vir trisecli-
senio dignus, restat nobis in morte decorandus:

quam sicuti pars ipsius diviniore, coelo suo reddita,
devitavit; ita alia corporis exuviis nobilior pars,
nunquam intermorituri nominis fama & memo-
ria, Libitinæ impatiens, vivere in oculis & animis
nostris velle videtur. Urnam superstites è rogo
cineres, doctæ mentis reliquæ, poscunt: si non
argenteam, veterum more, auroque coronatam;
chartaceam tamen, & applausu exornatam. De
Menandri Bactrorum Regis cineribus & reliquiis,
contentionem ortam esse, scribit Plutarchus: ubi
partibus æquis tandem digressi litigantes, singuli
monumentum ipsi excitârunt. *Reinesiana* alii
alia sibi habeant, condenda vel potius in publicum
edenda! Ego iis, quas ad Excellentissimos *Neste-
ros* dedit, doctissimis *Epistolis* obtentis, ne non ty-
pis meis Reip. Literariæ eas transcriberem, mea-
rum partium esse credidi.

Illis *ILLUSTRE NOMEN VESTRUM,
MECÆNATES OPTIMI MAXIMI*, ut
præscriberem, à causis non unis me animatum re-
colo. *URBS VESTRA* incluta, (quæ
--- tantum alias inter caput extulit urbes
quantum lenta solent inter viburna cupressi,)

ut

ut quondam Romæ L. Luculli domus, commune
Literarum Pritanæum audit: eam igitur, si *Reine-*
fius, post fata, sibi hospitium vel parti cinerum
suorum monumentum legit, à splendore VESTRO
multum lucis sibi fœnerandi veniam non despe-
rare potest. Ergo ad exemplum C. Julii Cæsa-
ris, qui omnes *Medicinam* Romæ Professos & *Li-*
beralium Artium Doctores civitate donavit, *BE-*
NIGNISSIMI MUSARUM FAUTORES
& *FOTORES*! *Reinesium* hunc ab inferiis re-
ducem, vel sibimet quasi posthumum, *VESTRA*
etiam *URBE* donandum non dedignamini. Nec
propior & domestica nuncupationis hujus causa,
me destituit. In *URBE VESTRA* hanc ego,
quæ me exercet, Artem didici; sub *AQUILÆ*
VESTRÆ alis, aliquot annorum vitam egi: Jure
igitur meritòque *VESTRO*, *HEROES MA-*
GNIFICENTISSIMI, aliquem è Typographéo
meo fructum, gratæque mentis à Cliente pignus,
PATRONI, reposcitis. Utrumque hîc humil-
limus offero, ac ut me meumque hoc rei litera-
riæ inserviendi studium benevolentia *VESTRÆ*

§:(o):§

clypeo protegere, tutari ac beare satagatis, ob-
nixè rogo. Valete, **NOBILISSIMI PA-
TRIAE VESTRAE ATLANTES**, & Sa-
luti publicæ rem benè gerite. Dab. Baruthi po-
strid. Eid. April. A. O. R. MDCLXIX.

**VESTR. NOBILISS. STRENUISS.
MAGNIFICENT.**

*Humillimus ac Observantissimus
Cultor & Cliens*

Johannes Gebhardus

PRÆ

PRÆFATIO

ad
Benevolum Lectorem.

Quanta valuerit doctrinâ Philologicâ THOMAS REINESIUS, quantâ excelluerit idem Experienciâ Medicâ, quantâq; doctriâ tñ nōtā, quam in libris variarum lectionum ceterisq; Scriptis suis declaravit, uti testatur Johannes Vorstius in Præfat. Epist. Reinesii, incluserit Tēs Lēctor candide, nequaquam latere arbitror. Etenim Germaniam totam simul atque Italiam, quin & Galliam præprimis, ob insignem Eruditionis excellentiam, summo virum istum in honore habuisse atq; existimatione, notum in vulgus est. Unde factum postea quoque, ut tantâ Viri famâ motus Potentissimus Gallia Rex, summâ Eum gratiâ complecteretur non modo, verum ad significandam liberalitatem suam Regiam atque munificentiam quadringentos ipsi coronatos, uti fando percepi, Lipsiam transmitteret. Et dubium certè non est, quin Regiâ pariter gratiâ atque munificentia prosecutus Eum fuisset ulterius, si Altissimus vires vitamque Reinesio diutius concessisset. Dolendum autem summopere est, quod eruditissima ejus Scripta, quorum plurima coacervavit atque collegit, lucem publicam hæcenus nondum viderint. Oprandum itaque præprimis, egregia illa atque suavitate referta, quæ hinc inde ad Viros eruditione non minus, quam autoritate celeberrimos exaravit Epistolia, cum propter elegantem in stylo venustatem, tum propter rarissimas simul ac doctissimas in illis scribendi materias, in vulgus ut disseminentur. Initium fecit Johannes Vorstius, qui ante biennium Epistolarum à B. Reinesio ad se conscriptarum Fasciculum Coloniae Brandenburgicæ excudi typis curavit. Quas cum accepisset non ita prius Typographus noster Johannes Gebhardus, nec ignorasse idem, quod cum


Dn. Parente per integrum id temporis spatium, quò
Medi-

Medicus Ordinarius aequè ac Consul Rochlitzii primum, postmodum vero Serenissimis Saxoniae Electoribus Johanni Georgio I & II a Consiliis Medicis per sedecim & quod excurrit, extiterit, quin & mecum quam conjunctissime quondam vixerit REINESIUS, non à prima aetate tantum paterno me prosequens amore, sed & in Academicis studiorum gratia versantem, post etiam Physicum Snerbergensem Ordinarium, & tandem Serenissima Principis Altenburgensis vix ex ætate per octo ferè annos Archiatrum, crebris siq; elegantissimis compellans literis: maximo me rogavit opere nominatim Typographus, conscripseris illas sibi ut traderem Epistolas, sumptibus propriis suisque typis excudendas. Permultæ sanè eaq; pregnantibus mihi non defuissent causæ, propter quas petitis ejus locum dare non debuissim, præsertim cum durissima in nonnullis reperire Epistolis verba liceat: quæ tamen nemo, qui sane mentis est, vitio mihi vertere poterit, cum quia nullo modo sibi contradici Reinesius patiebatur; tum etiam quia ego eo tempore discendi cupidus, indies magis magisque experiri de tanto Viro atque addiscere desiderabam, ob quam causam non jocosè tantum verba, sed seria insuper quævis atque dura bono animo perferebam.

Quod cum Viri multi, qui beatissimum nostrum Reinesium norunt non nescirent, mecumque consentirent omnes, simul etiam, istas in publicam committi lucem Epistolas ut paterer, rogarent, eorum pariter ac Typographi petitis morem gerere nullus recusavi. Has itaque Tibi, Lector Amice, de meliori commendo, summoq; studio ut easdem perlegas, quin & verba morosa atque dura si inveneris quandoq; (invenies autem sepius,) in bonam partem interpreteris, & si quæ fortè ex Typothetarum incuria me absente irreperierint sphalmata, pro tua prudentia ut corrigas, mihiq; porro faveas, est quod obnoxie rogo. Bene ac Feliciter Vale.

Johannes Matthias Nesterus D.
Sereniss. Marchion. Brandenburg. Archiatre

EPI-



EPISTOLA I.

שש



On sum ille δυσπρόσιτος, neque difficilis tam ad manum amicus hasce injectiones, mi Dn.D. NESTERE; Et nosse hoc pectus observantissimum, si quodquam, & tenacissimum amicitiarum potuisti jam a novennio è patriâ tuâ, siquidem laborasses: Sed tu ætatis vitio, quæ talium incuriosior est, (eâ ergà te æquitate sum, vides, ut juventæ transcribam, quod fortè aliis causis possem) tum eras alienior: nunc verò echinus ille cortice suo exutus est, & mituit, quicquid id tandem fuit, factumq; ut quam olim negligere & respuere videbaris capillatam amicitia occasionem oblatam, ablatam hæcenus jam per literas interpretes captes, ambiasq;: B.F. mutare hominem, & in melius. Et certè hæc prensatio tuâ ambitusq; deliberatissimò nunc à te susceptus est, quem si olim contigisset, solus impetus & temerarium πολυφιλόσπονδον peperisse videri poterat: & ita amicum non quem primus & sæpè fallax conspectus obtulit, sed quem integra annorum enneas probatum perspectumque penitus ostendit adquisivisti: Faxo etiam ut expectationi tuæ aliquà quæ tenuitas mea est, respondeam, Tuq; sincerè excolentem te amores hosce non minore serietate à me redamari sentias. Lis hæc amoris & adfectus mutui inter nos ferveat: amor litium inter varas & vanas illas mentes, quæ illis ut sanie ulcerosarum carniū muscæ & cicutâ sturni pinguefaciunt. Judicium de Chemiatriâ meâ tuum gratiis meis dignum est; vereor autem ne adfectum id magis tuum quàm meritum aliquod meum exprimat: *ἡ φιλικὴ γὰρ οὐδὲ τὸ φιλέμενον ὁφείλει.* Nosti dies diei eructat verbum & nox nocti indicat scientiam: & nescio quomodo alieni labores me impensius delectent, & cupidius amentur, displiceant proprii. Minas illas Tuas de natura Venenorum, Contagii & Putredinis laudo: etsi τὸ πολλὰ τοιμᾶν πολλὰ ἀμαρτάνειν ποιεῖν certò auditurus sis à Sycophantis, ut sunt nunc πλείονες ἐκρινῶν φύλλων: miror autem quod ingenii vires in materiebus difficilimis & nemini medicorum, nec doctis. Fernelio l. de abd. rer. caus. verè-aureo, nec Fracastorio acutissimo, nec subtilis. Erasmo satis pervisus experiri constitueris: Suaserim ego Tibi τὸν βῆν ἐθέλοντα ἱλάνειν, h. e. fumere materiam scri-

A

bentis

THOMÆ REINESII

bentis viribus æquam. Fiet enim ita ut bovem feras vel ferte possis, si titulum ferre didiceris. καὶ ὅγ' ἐμοὶ δοκεῖν. Tu amici candidam admonitionem & mores ita noveris, tuleris etiam benè, non oderis. Consilium etiam antilepticum rependo ἰσορρόπων ἰσιν: In eo velim examines quæ de radiculâ elsenichio tradidi: quin & in comm. inscript. de Comitiva Palat. Lateranensis idem facito, & si quid super ea monere me potueris, ne omitte. Porismata quæ inde nata sunt consultò rescidi, ut vides: ea lectori emunctæ naris addere facile erit. Inprimis verò videntur mihi ii quibus Comites Palatinos Cæsareos esse sordet nisi & Palatium Lateranense, & aulam Cæsaream, & Consistorium Imperiale superadsumas, entia præter necessitatem multiplicare & titulos eos ita cumulos inania esse κομπολογημα. Ita mihi benè longumq; Vale, mi Dn. D. Nestere, & in amore mei perenna. Pariabo. Scrib. Geræ-Ruthen. 30. Jan. 1626.

Commentationis de Palat-Later. ἀντιγραφον præter hoc mihi non suppetit: gratum ergò erit, si hoc meum datâ occasione latoris certi remiseris.

Ὅσος ὁ Σὺς

Thom. Reinesius D.
Phyl. Ruth. ordin.

EPISTOLA II.

χαίρειν.

ESto, mi Dn. D. Nestere, SIMUS AMICI, & DUM SUMUS. Sic enim honestè procantem quis sine rusticitatis notâ rejecerit? Sunt amicitie in vita hac, quod Sol in hoc universo: & nihil æquè ad doctrinam sive parandam sive augendam confert, quam amicus si fidus ille, si apertè pectoris, si rerum suarum liberalis, ἀφθονος & φιλοκοινωνος. Ut enim aroma semper odorem tangenti adfricat: Ita Boni & Docti aliquid virtutis suæ & eruditionis. Tum, quod spondes, quâ poteris, fove hunc ignem: Ego oleum suffundere nunquam pigror. Gratissimum fecisses, si, quod petieram, mea examinaasses, præsertim Philologico-Historicum id μελέτημα de Comitiva Lateran. Palatinâ: cui & ipse quid debes. Elsenichium non Untzero tantum sed & Botanicis, quod sciam, omnibus ignotum est inductumque: unus Turneiserus, (c. 14. hist. plant.) in quem pronuper incidi,

incidi, exactè depingit. Notum id fuerit etiam aliis, non tamen hoc nomine, quod Marchici, Pomerani Megaloponenſes, & cæteri maris Balthici adcolæ impoſuerunt. Copioſa reperimus in alnetis ad Viadrum Francofurti, petroſelino apiove tenello foliolis non abſimile cum floribus ſeu umbella alba. Et quia nec Galenus (l. de medic. expert.) tacuit quid ab Ægyptio advena didicerit; & Paracellſus (l. de occ. phil. ſub fin.) etiam vetulas, Zigerianos, agyrtas, ſeniores ruſticos, &c. præceptores habuiſſe fatetur, non pudeat medicos, & per rhizotomos circumforaneos profeciſſe. Hi enim non verum retinuere, ut vulgus talium tenaciſſimum eſt, & radicem ſocordia medicorum, quibus ſæpe vulgaria præ exoticis ſordent, neglectam officinisq; ignoratam, plebi in ulum ſubminiſtrare. Tertianas hinc habemus epidemias, inprimis duplices, (perperam vocat quotidianas, qui dierum numero & acceſſionibus tantum æſtimant, cum deberent ſignorum proprietate) ſed mali, præquam ſolent, moris, pertinaces, comitatas miris ſymptomatibus: obſervavi ſeſe eaſdem hæmorrhagias narium frequentes & copioſas, anguſtiam peſtoris & ſummam reſpirationis ſine ullo adfectus thoracis ſigno difficultatem, herpetes & ulcera ichorem foetidum fundentia, (conſpexi una nocte totum pedem erodere & ſuperficiarie exulcerare ſeu excoriare) tubercula pruriginosa alba per totum corpus inſtar monticulorum ſubito prorumpentia, ſubitoq; diſparientia: urinas ſummè variantes, modò tenues, modò craſſas, modò cum laudabili eneoſemate: plerumque cum ſedimento lateritio copioſiſſimo & ſpuma ex albo flavelcente; omnes rubras, quæ citiſſimè turbarentur, & ſupernè concretam haberent cœruleam nebulam, quaſi membranam pinguem. (*Herè obſervabam membranam illam, qua hætenus cœrulea fuerat, variorum colorum (inſtar iridis) puniceam, viridem, flavam variè interdiſtinctam & ſplendeſcentem, reliquo urina corpore flavo, cum laudabili eneoſemate, in juvene tertiana duplici ſcorbutica jam per menſem laborante, poſt ſudoriferum exhibitum.*) Feliciter mihi ceſſit habitâ ratione febris ejusque cauſæ antiſcorbutica alterantia exhibere: quod quia non attendérunt alii, ludere ſcilicet & latere ſcorbutum ſub typis februm, etiam veteranos & exercitatos medicos nihil ſe perfeciſſe (& pertæſos agros reliquiſſe) conqueri memini. Mixtura antiſcorbutica mea, quam plurimum contuliſſe expertus ſum aliquoties, talis eſt:

A 2

B. R. hob.

THOMÆ REINESII

R. Rhob. junip. ℥vj.
conf. alchem. ℥j℔.
ess. cochlear.

apsinth. an. ℥vj.

meliss. ℥ij.

l. fassastr. ℥j.

aq. antiscorbutic. ℥js.

carbuncul. ℥℔. diger. aliquandiu, post

colentur. Colaturæ adm. Mixt. è 3. Spirit. ℥iij. Succì è Conf. cochlear. expr. depurat. ℥ijs. Syr. è cinnam. ℥j. calam. ar. ℥℔. Ubi febris complicatæ ratio habenda erat, succum acetosæ rec. Syr. Diasereos è succo cichor. endiv. &c. substitui. Extracto Zingiberis sudores movi in illis, in quibus plures scorbuti quàm febris notas reperire erat. Idem obtinui usu salis fraxini, juniper. genistæ, si febris requireret, in aq. sudorif. frigida mea exhibiti. Universum autem verum est, scorbuticos etiam calidiora facillimè tolerare: nam & humor morbosus frigidus, & viscus, quod plerumq; hunc morbum fovet, ipsum frigidum est, & atonia flaccorq; ventriculi, qui semper comitatur, calidis potius quàm frigidis corrigitur. Sed quò vago! extra epistolæ cancellos jam sum: Tu, mi Dn. D. NESTERE, ignosce, & si quid observas ipse quo artem nostram si non locupletari, illustrari tamen posse censeas, communica. Tantum enim, mi Cl. NESTERE, Tu affectum mihi tuum persevera; Ego Tibi meum, si quisquam, fidissimè simplicissimum purissimumque. V. & S. Geræ d. 25. April. 1626.

T.

omni fide

Reinecius D.



EPISTOLA III.

S. P.

CL. NESTERE.

Ista quidem vis est, ista inclementia FATI
Unam tot pessum stragibus ire domum!
Ista quidem vis est, ista inclementia FATI,
Non uni è paucis parcere pignoribus!

Me

*Me miserum PATREM! sed per crudelia Fata,
Fata, quibus nequias opposuisse manus.
Forma ait, hos oculos, PATER, hac mea lumina conde.
Salve, vige, & longum mater amata VALE.
Quid gemis & lacrimas, quod te miseranda relinquo?
Quod commune PATRI est, atq; TIBI, id patior.
Hic cubat HEINRICUS generis spes unica vestri
REINESI, & justam sit cinis ante diem.
Addormit FRATRI quasi trima SORORCULA: nostra
fac lapis inscriptis stet super ossa notis.
Sparge autem flores supra mea busta viator:
favisti vivo forsitan ipse mihi.
Quodq; futurus eram, me carmine dicito, PHOEBE,
Cultores inter pars quotacunaq; tuos.
Hac ait, & rosea pallent lividine mala,
Iucundusq; jacet Syphar inane puer.*

*Tu, FILI, angelicas inter, carissime, turbas
letus abis, positusq; DEUM jam corpore cernis
& frueris meliore die, mandosq; piorum,
nox cui nulla subit, cujus nil gaudia turbat.
Cum dulci NATA salve, FILI optime, salve
atenumq; VALE FILI, ô dulcissime FILI.
Nos mæsti interea stemus, fortisq; futura
anxii in extremô miseri squalore moramur
ὡς θάλοι ἐν πυρὸς ὀρεῶν σωθέντες, egeni
& nudi, sceleti solum larvaq; videndi.*

Agnoscis, mi CL. NESTERE, ista à dolore laxato meo esse: sed
ignosces simul. Tantum enim vulnus meum est, ut ne tempore, de
quo malis aliis omnibus medicinam finemq; venire vetus Sophus tradidit,
miserescere ejus dolores, multominus id vel leviter coire posse videatur. O
orbitas, quàm triste malum, & quo non ἀνεκλότηρον ullum! Tot millia
Imperialium perdidisse, direpta esse momento quæ à viginti quasi annis
mnciatim comparferis; adfili, raptari, concuti, spoliari ab impurissimis
nebulonibus & Satanae satellitibus, jocum Fortunæ malè fidæ ptes esse,
si funera domestica filiorum desideratissimorum, & quos senii tandem
obrepentis solamen fore rebatur miseri, juxta componas. Ejus mali

A 3

sensum

ſenſum ad Te etiam, CL. NESTERE, perveniſſe quòd ſignificas tuis literis, hinc pietatem tuam, verèq; Chriſtianam κοινονημοσύνην, de qua Te plurimum amo, æſtimare potui; quòd me ſimul tot laudibus oneras id affectui in me tuo reſcribo, non meo merito, habeoq; potiùs pro tua voluntatis, imò benevolentia, quàm mea alicujus υπερεξοχῆς dignitatisq; teſtimonio. Si qua in me virtus eſt, candor eſt, & humilitas, eaq; non adfectata: Ea dum gloriam fugit, gloriam, puto, meretur. Alii ſunt ἀνὰ οἱ ἐν νεφέλαις. Ego verò humi repo, terramq; pennis rado paſſer ut marinus ſolet, benè conſcius & humani intellectus anguſtia, & rerum ſcitu neceſſariorum infinitiei. Maximum eorum quæ ſcimus minimum eſt eorum quæ ignoramus: quod ſi plures hodiè intelligerent, minus invidi, minus eſſent ſuperbi; quanquam quī poſſent aliter homines imperitiſſimi, & nullo præterea alio quàm ſuo typho, quo ſimpliciores, & præſumptione ſcientiæ, quā ſeipſos deludunt, conſpicui, quàm eſſe impudentiſſimi? cum quibus propterea incertamen fruſtrà quis veniat. Μακρὰν χαίρετ' ὡς αὖτ' ἰſta monſtra θυριώδη καὶ θεοβλαβῆ, & ſint per me vel

inter præcipuos, ſitq; illis aurea barba:

Sufficit γὰρ εἶναι μὲν ἐμῷ, & viros prudentes & graves, licet paucos, deſtari tales una mecum. Ego verò nec poſthac deſinam publicè benè mereri, ſolâq; conſcientia promotorum commodorum publicorum, DEO permittens cætera, triumpho; eſt ſolennis infelicitas mea, qua pro benefactis malè patior, deterrere poterat. Sint ſanè iſta nunc quidem; at erit aliquando poſteritas, quæ quòd amiſere, quòd ſpervẽre hi majores ſui, requireret ſtudioſè, amplexabitur cupidè, & lubenter deprædicabit. Sed quòd delabor? Filiis, heu! meis cippum erexi marmoreum, cujus exemplum mitto: chartaceum etiam molior; eòq; apud amicos ἐπιθαιάτια corrogo: lis ſi & te adjunxeris, miſerisq; breve aliquod & quòd ætatem ferat, quamprimùm, feceris mihi per quam gratum. Ut autem de redhoſtimento certus ſis, & de ſtudiis meditamentisq; meis judicare poſſis, en, in antecellum caput unicum ex Adverſariis meis medicis. Si quid ſentias, ſi delectari te divino Critices ſtudio reſciero, habebis ejus generis plura. De hoſtili incurſione varii nos rumores terrent. Vereor

-- -- ἔγωγε πάντων ἐπὶ πείρᾳ ἀέθλων

ἤλθομεν, ἀλλ' ἐγὼ ὅπῃθεν ἀμέλῃς πόνος ἔσται.

DEUS protector noſter miſereatur noſtri

-- καὶ φήμας εἰς τὸ λαίον ἐνδραμεῖν

τεύξεσθαι.

Tu, CL. mi NESTERE, me ama, & amorem tuum mihi

con-

tatem quā illos, qui ea, quæ artis medicæ sunt, probè enarrare nequeunt, ad tales argutias deflectere scribit com. 2. t. 82. l. 1. Epid. itemq; morositatem, quando talia inquirenda illis relinquor qui medicinalia prætereuntes Hippocratem ut Grammatici malunt quàm Medici interpretari com. 2. t. 35. in 6. epid. nihil moror, neq; in parergis superfluous neq; in necessariis deficiens. τὸ μὲν γὰρ ἄγαν ἄγαν με λέρωσι. Et cur quæso Grammaticos tantoperè vellicat, qui sibi à studio Gramm. tam temperare non potuit, ut commentariorum de vocabulis, Atticis maximè, libros 48. & de vocabulorum rectitudine alium, conscripserit, fatente ipso l. de ordine libr. suorum c. 6. Securus igitur iudicii Galeni, quod perversum hic quidem est, pergo in Hippocrate emendando, uti voluisti. Textum istum l. 4. Epidem. ὁ ἀπὸ τῆ κεραμῆς ἵππῃ καταπεσὼν, ὃς οὐ προσεβλήθη ἀλύσια σκύν, ἔσθ' ἐκαύθη: quæ Foësius ita vertit, qui è fictili equo cecidit, cui nec illicò admota est cucurbitula, intus ustus est: cum lego, risu ferè concutior, & supinitatem interpretum, scilicet ita habebant omnia exemplaria, etiam manuscriptum regium, inquit Foësius, conspuo. Quid, viti boni? Ergò ne inter figulorum in Græcia opera erant etiam equi tantæ magnitudinis, ut si qui sessor decideret, Chirurgo opus haberet, fracta scilicet costa, vel concusso cerebro, vel fracto femore? Quanta verò, quæso, fornaces, ubi equi isti coquerentur? Nugæ. Una literula est, quæ tam absurdam & ridiculam sententiam, & quam nemo sanus (illos enim omnes cum ratione insanivisse puto, qui hæcenus ita legerunt, ita acceperunt, ita interpretati sunt) percipiet, peperit, π seu π pro ν posita. Lego, ὁ ἀπὸ τῆ κεραμῆς ἵππῃ, & verto, qui de fornace figuli, vel de furno figulino ceciderat. Hæc emendatio mea probabit se spero Doctis omnibus, ut ego taceam. Neq; igitur laborandum mihi est in stolidâ sententia detegenda; prodit enim se satis ipsa; & quia reprehendere sedulò, quæ nulla digna sunt sedulitate, ineptum est, Galeni monito comm. 1. ad 3. Epid. Quisq; verò iudicet. B. V. & S. Scr. Altenburgi 19. Aug. 1634.

T.

Reinesius D.

P. S.

Clarissimo WEITZIO, qui me albo Poëtarum Thuringie inscribere voluit, & quod olim fecerat, nuper admodum literis mihi significavit, ita præ proluxa gratia sua egi gratias:

Inter DÖRINGOS & ME censere POETAS

qui non sum, WEITZI, νὴ Δία, suave nefas,

Non

EPISTOLÆ.

9

Non aliter poteris felicior esse POETA.

Fingis enim & non-ens ens tamen esse facis.

(a) Sic Tibii quondam contempto vilis Othone (b)

In bis septenis visa sedere manus.

Victima quod centum de cruribus est Hecatombe: (c)

Hoc eodem fuero nempe POETA modo.

Et ex intervallo.

Deprecor hos, WEITZI, Pœnos, Arabasq; , Syrosq;

Sin; Tu TE IPSE mihi Car, Geta -- --

Si laudare voles, fac de propiore: meorum

Fortè aliquid laudum suppeditet patria.

Quæ de longinquis narrare Palæphaton (d) audis.

Vix ea pro veris vulgus habere solet.

(a) De Tibius, servili genere Galen. 1. m. m. c. 1. Tibius servile nomen apud Atticos.

(b) Alludo ad Roscium Othonem, qui primus instituit Patritios sedentes in quatuordecim spectare ludos, plebem servosq; seorsim & stantes.

(c) De Hecatombe τὸ ὄν, seu verà & ἑκατόμβη vide Hofm. comm. ad l. 3. Gal. de usu part. c. 10.

(d) Palæphatus mirabilium historiarum scriptor, & qui quæ omnibus videntur paradoxa & incredibilia, persuaderet tamen.

EPISTOLA V.

CL. NESTERE.

Singulariter me TIBI devincis candore isto tuo, quem spirant gratissime me mihi & ἰσχυροὶ literæ, quas nunc abs te accipio: In eo verò, per communes Musas te rogo, mihi persevera; redhostiam, si potero, amicitia, cultu & officiis. Verè autem divinas me in Proloquio Diatribes de L. P. tangere bucconem & brochum istum ἀνταδόχομον, vacantium, & arrosorem doctorum, quos imitari non potest, omnium. Is verò sibi res suas habeat: invidet, ringatur, & irriat dum illa ipsi rumpantur. Ego felicitatis meæ partem in eo sitam esse puto maximam, quod mali & imperiti me oderint; dum ament & admirentur boni & periti. Solidam à

B

me

me inibis gratiam si inea tanti esse putaveris & pellegeris; solidiorem longè, si de quibus dubites me apertè & liberè monueris. Quod ut facias, en, laciniam mearum Variarum sub prælo tandiu, tam morosè gementium: Excusi sunt præter 24. hos, quos mitto, quaterniones XVI. sed eos mittam cum liber secundus fuerit absolutus. Expectare autem jubeo ejusmodi minimum X. Velim etiam ne in vulgus dimanent per TE, antequam colophonem iis impositum videris. Operæ typorum lentè procedunt, quod me malè admodum habet. De Professione in Acad. Witteb. significo, à Dn. D. Oppelio dudum ad me esse perscriptum & exquisitum, vel tentatum animum meum: nondum ei respondi, quod quid facturus tandem sim, nondum constituere potuerim. Remora in conjugio, quo incommodo utor, maxima est, & in tricis rei familiaris, in quas se induit antehac, & me involvit nunc simul uxor. Invenient, spero, Fata viâ. Etsi enim non una vice ad hanc vel aliam lucem seu professionem vocatus sim, non expugnari tamen me passus sum, ut tales illecebras & arrisum famæ qualiscunq; præferrem huic, cum qua per DEI gratiam vivo, mediocritati; in qua etsi non caream æmulis, qui me exerceant, facilius tamen unius alteriusvè incommodos mores tolero, interdum quoq; carpo liberius, & audentius oppugno temerè mihi adversantes, quàm in Academia tot factiosorum ambiciosorumq; intemperies eram sustenturus, ubi nimirum *συνπαθήσεις* alicujus & scandali metus major, & sæpè falsa quoque, quia vel inveteraverunt vel animis seductorum & minus intelligentium imbibita sunt penitiùs, sinere oportet, dum agnita sponte & sine strepitu evanescant. Crastino Dn. D. Opelio respondebo; sed aliud, quàm quod TIBI, non potero, nisi nox certius quid suggererit. Cur splendidiore loco esse adfectarem ego, cui in obscuro hoc angulo malevoli invidiq; ad eò detrahunt, & clanculum (nemo enim audet cominus) insulant? tum verò omnino contabescerent, scio. Quicquid sit, commendo vias meas DOMINO, IPSE faciet. TU, mi CL. NESTERE, in amore mei perenna & persuade TIBI, quicquid REINESIO fueris gratificatus, non perire, sed cum fœnore aliquando ad Te rediturum. Optimè Vale, mi amicissime NESTERE, & quamprimum *αὐτοπροσώπως*, si potes, ad me vise. Excipiam Te, prout potero, humanissimè, & habebo gratissimè. Festinantissimè Altenburgi 13. Jul. 1634.

T. Excell.

*omni affectu & fide & officiis
dicatis.*

D. Reinesius.

EPISTOLÆ.

II

P. S.

Respondissem maturius, nisi luctu acerbissimo super obitu conjugis dulcissimæ nunc defungi, DEO sic disponente, cogerer. Occubuit autem ea die morbi undecimo, invasa XV. Julii dum peragrè per triduum abessem, hamorrhagiâ ex utero, obruptas, sine evidente procatactica causâ, uti quidem referebat, ullâ arterias tam uteri ipsius quàm fœtus: quam extremo quarti mensis gravidæ non nisi lethalem accidere potuisse certò certius est; idq; præsenferat ipsa primò accidentis impetu, eaq; abjecta vitæ spe omni, compositis maturè rebus, commissâ DEO animâ, mortem masculè excepit, eamq; 26. Jul. hor. 12. nocturnâ placidissimam obiit, me spectatorem *ἐπίδανδον ἀνικον καὶ ἀδραστον* miseriæ suæ & immissi divinitus deplorati adfectus potius habens, quàm medicum. Iterum Vale. d. 31. Jul. 1634.

EPISTOLA VI.

CL. NESTERE.

TU verò *βάλ' ἑταρ*. Perge mecum, quæ in literis vel securè nimis arripuere, vel præteriè fastidiosè, vel infelicitè constituere priores expendere, interpretari, dispungere. Utilitas publica erit & bonum seculi, cui nati sumus; etsi in eo sint, qui nos natos esse fortasse nolint: Ita acerba res est superciliosis & delicatis nostris *δυσπιστοφῆς & διοβόταις* veritatis indicina & castigatio, etiam justa. Ego verò semper judicavi iudicio, imò sensu carere eos, qui cum homines sint & errare se posse idè non nesciant, istâ tamen pestilente persuasione, sua examine omni superiora esse, neminem audere contrà hiscere, adflati turgidiq; incedant & contradicentem neminem ferre velint. Miseros Suffenos, & qui frustrâ magna & gravia quævis secum cornicentur homullos! In gratiam veritatis proprias sententias confutare, ea verò Sapientum consuetudo est, qui pro Sapientibus habentur vel propterea, quòd sua non ament nimium & sibi plus iusto non tribuant credantvè, aestimatores etiam aliorum. Qui verò nihil nisi quod ipsi fecerint dixerintvè rectum putant, contemptores reliquorum omnium, insipientibus meritò adconsentur: Omnis quippe superbus est stultus. A Cl. Barthio, quem tu tantum non in cælum effers, & quem sua defensorum esse scribis, nihil indigni iniquivè ex pectò; tam licet ipsi in

B 2

meis,

meis, si quando lucem adspicient publicam, (lenta autem res est, & fortasse incumbit in spongiam, ut olim illius Ajax) quam in ipsius mihi licere visum est experiri; non existimo autem Soli oblocuturum esse. Sunt enim pleraque, quae nunc quidem produxi, adeo certa liquidaque, ut nisi temere litigare velit, ne calarum quidem contradicturnus mihi tingere debeat. Perpende, quæso, mi carissime NESTERE, *ἀνὲρ πάθεις*, ubicunque ab eo dissentio: maxime verò examina, quæ cap. 8. l. 2. quo ejus in Plinium Valerianum, dictum Empiricum illatæ emendationes producuntur, trado, & miraberis hominis doctissimi manifestissimas inascitias, frustrationes, & puerilia *παρορμήματα*, audaces etiam conjecturas in autorem non intellectum invectas deprehendes magno numero. Istas si quis præfractè tueri præsumserit, eum ne sani quidem capitis esse dixerò; Barthium autem mecum fore & visurum me, quamvis indigno indice, id quod verum est nullus dubito. Ecquid verò Cl. Meisnerus? Nam & ab isto dissentio, ut vides: an & hunc offendit candor meus & *καλόπαιδον*? DI meliora! Tu Cl. NESTERE, utrobique officium tuum, hoc est, amici, facies, & omnia, quæ virorum, cæteroquin bonorum ac eruditorum, malè suspicacium morbus sinistrè interpretari velle videbitur, tuâ moderatione salvas: malevolorum & invidorum *ἔδεις λόγος*; Iis igitur ne tenta quidem respondere. Hoc unicum TE per communia hæc Musarum sacra rogo, ut subindices mihi, quisnam sit ISTE, quem meis partibus minùs favere videas. Novi me, TE, non placere omnibus, ne quidem si placere essemus, ut de inimico non adeo quærendum mihi sit; expedit tamen scire quem amicum quem inimicum habeam, ut cuivis prudenter cautèque converterer. Aliter enim amico, eiq; probato me ostendam; aliter homini fidei dubiæ me adcommodem; aliter Ei, qui me odio sive merito aliquo meo, sive gratis h. e. cujus ipse fortasse nullas rationes habet, persequitur. Dejerare ausim, Eum quem me odisse ais, me ne novisse quidam, multòminus aliquid mali à me passum esse: Cur igitur odit ignotum, innocentem? Calumnia fecit, ut tam gravi in proximum suum peccato se innodaret sciens: auribus igitur ut pendeat dignus est qui calumniantem non audit tantum, sed & ei obedit; O tempora! O mores! Accipis nunc quaterniones quindecim; ultra enim non progressus est Typographus: & strigat nunc planè: Vides igitur facile fieri posse, ut lucem nunquam adspiciant ista; & propterea carere poterunt nonnulli hoc metu, qui hactenus ipsos torfit, partim iste, errores suos publicè innotescere, partim illè, Reinesium nimis inclarescere, quam ipsi obscuratum, immò perditum mallerent.

mallent. Benè Vale cum Tuis, CL. NESTERE, & quamprimum responde. Scribo ἀπορῆς, cum me tuæ Gnandensteinio redderetur, 31. Mart. 1638.

Tuus seria fide

Reinesius D.

EPISTOLA VII.

CL. NESTERE.

Cum Varias meas Tibi misi, præstiti quod receperam: quorsum ergo tantæ tuæ gratiæ pro debito soluto? Deinde neq; tanti sunt ea ut prolixas gratias promereantur. Saltem lege, judica, & pronuncia; sed ἀνεπαίσχυντος; non enim prohibuissim Te à me dissentire si aliò aurigatur ratio & Veritas; impunè id licet, & amicitia nostrâ tamen salvâ. Id vero quicquid sit, quod me non pervidisse rebaris, candidè perscribe; quod percipere non potes, de eò vel morosè me interroga & liberè; amo enim ἀπορητικός, ὑψηλός, καὶ ἐξελκυστικός, si quisquam & neminis dissensu, si rationalis sit & modestè instituatur, offendor quidquam. Id saltem genus nequam odi, qui quæ non intelligunt, carpunt; antequam intelligunt, lacerant; & quæ adsequi desperant, deæstimant. Laudes verò istas sentio esse me amantis; amantium autem plerumq; pravum judicium est; præterea sarcina mihi venit inde, unde æstimas rem præmii commeare ut loquatur cum Ennodio; quomodo enim sustinebo tam amplas laudes tantillus? quomodo satisfaciam tam luculentæ expectationi ego qui me humi repere scio; sed quem Tu ad coelam usq; extollis? Deprecor igitur istas laudes; cognosco amplectorq; adfectionis calorem; qui ne divisione locorum & silentio quocunq; tepescat provide. Persevera mihi favorem istum, imò auge; in reliquis te velim parciolem; ecquid enim sumus homulli, etiam cum magnum spiramus? Ex omnibus aliquid fortasse fieri potest; è singulis minùs poenè quàm nihil: ad quem ἐξουθενισμὸν quotidie me proficere sentio etiam cum in literis maximè proficere videor. Ego de humanæ perfectionis schemate nec præsumo aliquid, nec tamen timeo: removeatur fiducia literarum inaniter concepta, & formido tamen absit; fortasse qui officium locumq; inter summates renuit verecundè, luculenter


B 3

& con-

& constanter implebit. Ita mihi, mi carissime NESTERE, optimè Vale & salve. Altenb. Cal. Jul. 1640.

Tuus omni fide

Reinesius D.



EPISTOLA VIII.

CLARISSIME NESTERE:

UTinam hesterno diei similes alii mihi illucescerent! Etsi enim iter non fuerit sine molestiâ; eam tamen suavissima vestra conversatio, & vultus amicissimi, & frontes limpidæ, & literatæ fabulæ omnem mihi detulerunt adeo, & jucundius me diem agitare vix meminerim: ita me vestra omnia delectarunt. Benè autem TIBI sit, mi carissime DN. D. NESTERE, qui ejus gaudii mihi fuisti pararius, & me non solum IPSE amantissimè complecti voluisti, sed ut idem faceret Amplis, Dominus Præfectus, dux autorq; extitisti: Pro qua insigni benevolentia ecquid TIBI rependam? *Τῆς ἐμῆς φίλος καὶ τὸν φίλον ὡς φίλον εἶδεν*: scilicet hoc in manu mea est, *ἀντιφιλεῖν ὡς φιλέοντας*. De aliis, quia à tenuitate mea proficisci nequeunt, nolo Tibi fieri vanò promissor hiatus; odi enim factiosos linguâ, inertes operâ. Hodie familiare est, quod de suo tempore querebatur Moschus: *κακῇ φρένι ἡδὺ λάλημα*; sed me à talibus noveris eximium, & de candore meo omnia summa Tibi pollicearis; Eum in filium quoq; tuum, & si quid præterea valuerò omne, lubens lætusq; derivabo; & ab hoc ipso momento deliberare incipio, quâ NESTERIS beneficiam. Manuscriptos tuos Græcos (sunt autem duodecim) & Suidam Basilicæ excusum, quamprimum licuerit per occupationes, diligenter evolam & conferam; dispiciam etiam quid cum unoquoq; fieri possit. Unus alterq; sunt qui hæcenus *ἀνέκδοτοι* videntur (possum tamen de hoc falli) non indigni tamen cognitione *φιλομαθῶν*. Si vitæ usuram mihi concederet Omnipotens: insigne aliquid de iis & cum iis minarer. Sextum adversus disciplinarum quarumvis Professores (hi enim sunt quos vocat *μαθηματικῆς*: quod non omne hæcenus intellexere) omnium primum salutabo & comparabo cum interprete suo Gent. Herveto; cujus versio, quâ solâ hæcenus uti potui, sæpè mihi stomachum movit. De precio (donari enim mihi nolo quæ in liberorum tuorum patrimonio censentur) optimâ fide tecum constitutam

Rituiam enim ad Vos venero; veniam autem εἰ θέλῃ το θέλημα τῷ θεῷ, certissime quamprimum à molestis hisce περιόδους & curationibus variolorum respiravero; non veniam tamen nisi præmisso, qui ne intempestivè veniam, de rebus vestris expiscetur & remunciet; nolim enim Vobis molestus esse aut occupatis me ingerere; nihil odiosius ἀπάργω De causa morbi & mortis τοῦ δεινῶς, quam philtro quosdam tribuere scribis, vanum est, & ulterior omnis disquisitione supervacua. Laboravit febris illa specie, quam à principali Symptomate causum cordis & prunellam vocamus vulgariter; alii Ungaricum morbum: alii ἐνκεφαλόποννον. Eum quia Ungari vernaculum sibi Elschtemmerle h. e. vermem cerebri adpellant, quid miri est, si cerebrum ejusq; actiones inprimis colædantur; & hinc atroces dolores capitis, vigilæ, comata, deliria & convulsiones inexpugnabiles eum comitentur & terminent. Ursâ igitur præsentia vestigia ejus quærunt, & cum duo tantum sint, tria tamen, ut est in adagiis, vident, quibus ista Symptomata quæ manifestas ex ipsa morbi natura resultantes causas habent, ad occultam vim philti, ignoti cujus, & à quibus, & quando exhibiti, referunt. Super gesticationibus variis & motibus convulsarum partium pariter nihil est, quod mireris: respondent enim tales tam imaginationi, quæ quia per variorum idolorum oblationem corrupta est in talibus, etiam variè ineptit; quàm diversarum in genere nervoso partium seu differentiarum à fumis malignis factæ vellicationi. Convulsiones illæ admirandæ, quarum ex Horstio meministi (reperies exempla similium in Höchsteteri observat. decadibus & alibi) ad casum nostrum nihil attinent: ibi enim morbi primarii locum habuere, & adfixere cætera fanos; item ex intervallis benè longis hîc verò ἐπιγένημα fuere, morbi acutissimi supervenere collapsis viribus ægroto, còq; extremi periculi signa facientes potius ad formandum prognosticum, quàm ad curam sui instituendam. De soporifero poteras omittere quod scribis: meministi enim non fuisse exhibendum, nisi à delirio (quod semper ajebas esse periodicum; ego continuum fuisse, non semper eadem vehementia, & ἀσαφές, puto, vel primò febris insultui cohærens, vel paulò post superveniens) se recollegisset modicum: In acutis juvenum præsertim, morbis, tempestivè sobrièq; exhibita narcotica quid præstent, nolo Tibi ab experientia mea, est enim sanè quàm tenuis, suggerere; ratione hoc deprehenditur, & testimoniis gravissimorum autorum constat, multos eorum sobrio & tempestivo usu, cum desperata viderentur omnia, & metus tamen incertus esset, ex orci portis revocatos esse. Imò satius est, medicamentum anceps, quo tamen

ægro-

ægotum nihil læsurum te esse scias, experiri, si per rationes ægroti liceat, quam omninò nullum. Quare non est ut consilium istud meum, quod cum conditione dabam, tanquam absolutè datum interpreteris; hæc enim esset Sophistica cavillatio. Utile futurum erat, si adhibere ægrotò potuissetis: nunc quia adhibere non potuistis, eventù scil. mortis præventi, quid opus est gratias agere DEO quod non adhibueritis? merè αούρηλας α καὶ ἀνύστα ista sunt. Quemadmodum nihil agendum est medico prudenti & cordato, quo famam aucupetur, & adplausum imperiti vulgi; (est enim iste inter brevia, fugacia, caduca) hoc Hipp. l. πρὸ ἐυχρημοσ. adpellat ποιῆν μετὰ φνῆστας: vide sis Varias p. 143. ita nihil quod ad salutem ægri facturum esse agnoscit, de quo tamen sinistrè judicaturum esse opinatur vulgum, omittendum est: artis regulas & conscientiam suam debet habere pro norma; quibus si satisfecerit, siue laudetur siue culpetur ab imperitis, habeat in promiscuo. Quid enim timeas, si imperiti culpam tibi impingant, quàm tamen carcas? Magnum solatium est, inquit Tullius ad Marium, culpâ carere: & ad Torquatum: Conscientia rectæ voluntatis maxima consolatio est rerum incommodarum: & ad Toranum l. 3. ep. 22. Magna consolatio est cum recordaris, etiam si secus acciderit, te tamen verè sensisse & rectè egisse. Crantor hoc φράμακεν ἀλυπίας esse dixit, scil. si scias te rectè & ex artis præscripto egisse, nihil pertimescendum est, nihil dolendum; si fecisti ea mente, quam ratio & veritas præscribit, culpâ carebis, & omnia humana placatè & moderatè feres: Peccati autem dolor, h. e. si te errasse, tuâ operâ læsum esse ægotum, agnoscas tandem, & maximus & æternus est. Ignosce, mi CL. NESTERE, si hæc tibi φιλοσοφικώτερον καὶ μετὰ παρηγορίας suggero: videris enim in hoc negotio fluctuare: Ego verò Te, si qua possim, adversus humana ista, quæ nemo etiam cum maxime cavet, etiam cum suis optimè gestis, effugere potest, firmare exemplò meo velim: sanè ab amico benevolo & de quo amica quævis tibi spondes, proficiscuntur ista, & benevolè te accepturum & in optimam partem interpretarum spero: nihil in me fellis, nihil fuci est. Possem in eam rem plura scribere; sed τὸ λίαν ἀκριβὲς, λυπηρὸν: & spero me Tibi sic satis exposuisse mentem meam. Optimè Vale, mi optimè NESTERE, & favorem tuum mihi persevera. Scr. properanter ad lucernam 13. Jun. 1642.

Tum omni fide

Reinesius D.

EPI.

EPISTOLA IX.

CLARISSIME NESTERE.

Suidam tuum hoc latore recipis & simul pro commodatō gratias; nihil adedē mihi profuit, quod Æ. Portus, quo ego utor, suam Colon. Allobrogum An. 1619. excusam ex hac edit. Basil. expresserit; unde factum est, ut ubiq; isti similis sit. Venetianam Aldi correctiorem esse deprehendo ē notis Porti & lectiones ejus, ubi scil. διτοργραφία est, meliores. De Codd. tuis manuscr. plus speraveram: sunt autem pleriq; interea excusi; arbitror ē bibliothecis Venetis descriptos esse & quidem ante annos non plenos nonaginta. Non sunt igitur ea, quā videbantur esse, vetustate. Librariorum qui mercede aliquos ex illis descripserunt, alter ex Epidaurō alter ex urbe Peloponnesi Navplia fuit; non nimis docti & qui hoc servitii genere libros describendi vitam tolerarunt, cum an. Chr. 1551. Nunc de unō quovis volumipe sigillatim: De Chronico, quod Συγγέλιον, Syncelli, qui vixit cum Patriarcha CPolitano Tarasio cum an. Chr. 800. fucum nobis fecit ille, qui titulo huic, χρονικὸν σύντομον ἐν διαφόρων χρονογραφῶν ἐξηγήτων, συλλεγὲν γὰρ καὶ συντεθὲν ὑπὸ Γεωργίου ἀμαρτωλοῦ μοναχῆ primū concepto, alia manu præfixit hunc Γεωργίου τῷ Συγγέλιον. Syncelli enim Chronicon fol. 19. incipit: Est igitur ista παράφρασις alius Georgii; & si divinaretur ex annalibus Georgii Cedreni monachi, quos à condito mundo usq; ad Is. Comnenum deduxit desumptum fragmentum mutilum; non autem pertingit usq; ultrā Alex. M. tempora. Cum autem Syncelli Chronicon in hoc codice ab Adamo ad imperium Michaëlis cum Theodora matre, cujus initium cum anno Chr. 841. coincidit, perductum sit, adparet hinc dubium aliquo modo esse, quod hætenus adserviēre docti, Voss. l. 2. de hist. Gr. c. 24. & Scaliger in Epistolis, Syncellum desinere in Diocletiano reliqua in ejusdem Chronici serie ad Heracleonam Imp. usq; addidisse Theophanem. Etsi verò quæ in Cod. biblioth. Augustanæ ad Heracleonem usq; leguntur, Syncello adscribantur: non impedit tamen, etiam reliqua quæ ad annum usq; 841. eidem tribuuntur in Codice tuo, qui omnia ista uni Syncello auctori adscribit, nusquam Theophanis meminit, Syncelli esse: & hoc modo tuus ille Codex & Augustano, & eo quo Scaliger usus est, fuerit integrior. Sin placet adfentiri Vossio (testantur enim Cedrenus & Glycas Syncellum morte præventum in Diocletiano desinere, tum incipere Theophanem ei coætaneum) dicendum erit, tuum Codicem

C

69

eo loco quo nominare Theophanem debebat, scil. initio Constantii Chlo-
ri, mutilum esse, omisâ nimirum mentione Theophanis. Ita nimirum
fit ut librariorum negligentia volumina alia aliis sunt fastiora, alia contra-
ctiora. Quæ post Syncellana, sive Theophaniana sunt, leguntur in hoc
Codice, Logothetæ cuidam tribuuntur & continent historiam, maximè
urbis C. Politanæ, annorum 120. (cum enim ab Imp. Michaële incipiant,
desinunt in An. 960. quo Romanus Imp. CP. obiit.) Iste Logotheta, ab
officio ita dictus quis fuerit & quando vixerit, non liquet: nisi ille Georgius
est qui historiam annorum 58. nempe ab An. 1203. descripsit. Omnes au-
tem quos hætenus nominavi Chronographos Cedrenum, Theophanem,
Syncellum, typis expressos, quos cum Codice tuo conferre oportet; mirè
enim differunt Codices mscr. unius provinciæ à Codicibus alterius; tuus
sine dubio è Venetis bibliothecis descriptus est, hinc inde tamen librarii
negligentia imperfectus & cum vastis lacunis.

II. Georgii Pachymeris qui circà An. 1280. floruit, Philosophiam
Aristotelicam XII. libris constantem, qui nihil aliud sunt quàm paraphrasis
omnium totius Philosophiæ Aristotelicæ partium, Latine vertit Phil. Be-
roaldus: ediderunt Basil. An. 1560. Græca hætenus inedita esse puto.
Particulæ ejus paraphraseos in bibliothecis Italiæ hinc inde conservatæ fue-
runt, teste Gesnero: tuus autem Codex integram hominis istius operam
exhibet. Extremo ejus sub titulo *ἡ περὶ μηχανικῶν*, tractatur quæstio, quæ
fiat quòd dentes faciliùs instrumento dentiduco, quàm manu educantur:
cujus lectio ad medico-mathematicum pertinet. De cæteris habebis quam-
plurimum: Nunc te Valere & salvere jubeo, mi Caris. NESTERE. Altenb.
18. Jun. 1642.

P. S.

Pinguetudinis ascie piscis modicum ve-
lim si potes, mihi colligas, & prima
quavis occasione mittas.

Tuus fide servus

Reineſius D.

EPI.

EPISTOLA X.
CLARISSIME NESTERE.

UT fidem meam VOBIS liberem, pergo in Codd, tuis mscr. recensendis.

III. Theodori Metochitæ CXX. argumenta seu capita, continent Philosophica è phisicis Ethicis & Politicis desumpta plurima; historica nonnulla; num. etiam III. historiarum cognitionem cuius literato maximè necessariam & rem in communi vita utilissimam esse docet. Criticen exercet cum de Xenophonte c. 19. de Platone & Aristotele, c. 12. 2. 5. 10. 21. 25. & alibi: de Plutarcho c. 71. de Philone c. 15. de Josepho c. 14. de Dione Prusicensi c. 18. & Synesio c. 17. deserit. Ad Oratorium pertinent θρήνοι, quos adpellat, super statu Imp. Rom. infelice c. 37. 38. 39. 40. super vitæ humanæ miseriis, c. 27. & instabilitate fortunæ c. 127. de quâ ipse optimè dicere potuit, qui de summo honorum fastigio (erat enim magnus Logotheta, ab Imperatore secundus) in extremam egestatem decidit, in exilium ab Imperatore Andronico Jun. ejectus, bonis omnibus spoliatus, monachi habitu sumto obiit An. Chr. 332. Reliqua hujus viri planè summi & majoris seculo suo si voles cognoscere, vide Meurs. notas in ejus historiam Rom. & Vols. I. 2. de hist. Græc. c. 28. nondumq; sciam edita sunt ista κεφάλαια, lectu tamen dignissima.

IV. & V. Olympiodori comm. in Platonis Dialogos 4. Alcibiadem, Phædonem, Philebum, & Gorgiam. Vixit autor & Philosophiam Aristotelicam professus est Alexandria, ipse Thebis Ægyptiis natus, magister Procli, sub Theodosio juniore. Commentariorum horum tantquam in Bibliothecis Bonon. & Venet. latitantium meminit Simlerus. Fuit etiam inter ποιητὰς h. e. professores artis Chymicæ seu χημικοῦ: quo de vide Varias meas I. 2. c. 5. & I. 1. c. 2. Historiarum ejus libros legit & excerptis Photius Cod. 80. In ejus comm. in Gorgiam est ad medicinam pertinens locus iste, f. 95. ὥσπερ γὰρ ὁ ἰατρός ἔχει τὰς ὑπερετέοντας αὐτῶν οἶον καπνίλους διὰ καλὸν οἶνον. καὶ ἀγχειοράτας διὰ τὸ κελύειν θάλαπιδας τὸ σῶμα. καὶ σπημιαεῖς. ὡσαύτως καὶ ὁ γυμναστής ἔχει ὀφιοπίδας καὶ τὰς τοιαύτας. κάπηλοι & σπημιαεῖς noti sunt: ἀγχειοράται non item: & fortasse nullibi præterea eos reperias. Sunt autem qui caprinæ ovillasve pelles divendunt, quibus corpora ægrorum involvere veteres solebant medici diversis intentionibus; maximè ad rarefaciendum apertis adplicatione vel etiam injectione recens detractarum & calentium poris halitum & transpi-

rationem promovendam, vel ad trahendum æqualiter ex profundo & ex habitu noxium. Vidi in Italiâ qui præcipitatum ex altô cæmentarium & concusso corpore luxatum universaliter vituli anniculi corio calenti, infueret, adhibita simul embrochâ olei calentis, non sine insigni fructu; vulgus nostrate talem ἐγχειρησιν sive θεραπείαν derideret. Αἰγιοπαράτας hosce primùm ex me audis, mi carissime NESTERE; frustra excuteret Lexicos de interpretamento.

VI. Cl. Ptolomæi de Musica seu Ἀρμονικῶν libri tres: Eos Latinè vertit & edidit Venetiis Anton. Herm. Gogava Graviensis. Græcè nondum editi sunt: in eos commentatus est Porphyrius. Sequitur scriptum ἀδυσίον de re militari; ego verò deprehendi esse Æliani Tactica; quæ olim Latina fecit Theod. Gaza: edidit Græcè & Latinè Fr. Robortellus an. 1552. Venetiis: & novissimè Sixtus Arcerius cum annotationibus Lugd. Batav. 1613. in 4to. In tuo isto codice sub finem fragmentum additur de παραστάξει ἱεραπλέρων, quod in edit. Arceriana non comparet. De reliquis in eo volumine egi nuper ad Præfectum vestratem.

VII. In Ptolomæi quadripartitæ constructionis seu de Judiciis Astrologicis libros 4. Commentarius anonymi cujusdam: Simlerus Porphyrio tribuit: Ejus libros duos priores vertit aliquando Camerarius. Porphyrii Isagoge in apotelesmaticen Ptolomæi: de hac jampridem tradidit Simlerus, extare Venetiis manuscriptam.

VIII. Jamblichi Chalcidensis liber de vita Pythagoræ: adhortatorius ad philosophiam: de communi scientiâ Mathematica: de Nicomachi Arithmetices Isagoge. Priores duos Græcè & Latinè habemus publicatos ab Arcerio cum notis apud Commelinos in 4to. Tertii & quarti meminit Simlerus velut ineditorum. Nicomachi Gerafeni Arithmetices meminit Photius, cod. 187. In eam etiam commentati sunt Heronas, & proclus: Meursi, not. ad Nicom. ἀριθμολογία.

IX. Abammonis ad epistolam porphyrii ad Anebō ἱερογραμματεῖα Αἰγυπτίων scriptam responsio: hanc Broclus Jamblichæ autori tribuit; quò referendum est, quod etiam Jamblichi nomen, præter Abammonis in codice tuo præfixum est. Simlerus etiam inter Jambl. opera eam recenset. Epistola autem porphyrii ad Anebō quid continuerit discas ex Eusebio qui l. 3. præp. Evang. c. 4. & l. 5. c. 9. & 10. ex ea aliquam multa de Ægyptiorum Theologia adducit.

J. Vita

X. Vita Plotini philosophi & index librorum ejus autore Porphyrio : in Italia Græcè impressa esse dicit Simlerus. Plotini philosophica opera librorum LIV. in Enneadas VI. distributa : Latine versa sunt & edita à Marf. Ficino.

XI. Scholia in Dionysi Areopagitæ librum, de coelesti hierarchia, de Eccl. hierarchia, de divinis nominibus, de mystica Theologia : in Epistolas 4. ad Cajum, ad Dorotheum, ad Polycarpum, ad Demophilum, ad Titum, ad Johannem Theologum. Ista Scholia videntur esse G. pachymerii, scripsiq; ea de re nonnulla ad vestratem præfatum.

XII. Sexti Sceptici seu pyrrhonii contrà omnium disciplinarum professores libri X. Latine eos vertit Gentianus Hervetus : ed. parisi. an. 1569. in fol. Sunt in eodem volumine capita quædam de bono & malo ; de pulcro & turpi ; de justo & injusto ; de veritate & mendacio, quæ eidem Sexto adscribuntur, Doricâ Dialecto descripta.

Orphei Argomantica, quorum initium, versuum 60. circiter, pariter mihi communicasti, non sunt illius vetusti vatis Thracici. Sed Crotoniatæ, poëtæ heroici : cujus meminit Suidas. Græcè ea edidit Aldus Venet. an. 1517. Cum Latinâ interpretatione eodem carminis genere Cratander Basil. an. 1523. Versus ἀλλὰ γὰρ σοὶ καταλέξω, cum sequentibus duobus quasi Thracicus, Eurydices maritus ea diceret, præ se ferunt ; sed certè simulat ista poëta, ut sua sub Thracici celeberrimo nomine extrudat, & Thracicum inducit loquentem, cum ipse sit longè alius, & recentior Orpheus. Tantum de tuis codicibus.

Visam, ni vis major prohibuerit, hisce diebus ad pastorem quendam in vicinia vestra, qui consilium meum rogat ; eâ occasione fortasse fiet ut conveniamus : recipies tum Catalogum bibliothecæ tuæ. Benè Vale & Salve.

Altenburg. 22. Junii,

An. 1642.

Tuus omni fide

Reinesius D.

C 3

EPI-

THOMÆ REINESII
EPISTOLA XI.

Mi clarissime Dn. D. NESTERE.

Tὸ λίαν ἀκρηβὲς λυπηρὸν, inquit Aristoteles, & vel mel saturis insuave est. De quæsito igitur inter nos modò pax. Ego faciliè dissensum tuum ferre possum, & sustineo cum pacatissimè salvâ amicitîâ, cujus ne tantillum mutabo ego, etiâ si acriùs impudentiusq; mihi contradixisses. Ter-tiânam continuam sexto jugulasse ἡδὲ ἐρμῇ λέγοντι credet medicorum quisquam; quare non est ut hoc agas contentiosius; malignitas eaq; non le-vis, pestilenti dispositioni proxima, fecit. Si fauces ægroti, quas inter oris distorsiones observabamus gulæ caminariæ similes, & modum deglutitionis, & loquelam intercisam considerasses attentius, de summa earum aviditate ex inflammatione partium spiritalium & circa œsophagum, quod febris malignæ symptoma est, & τῆς ἐγκεφαλόνος proprium, subiisset suspicio. Et cui fini bezoardica, quæ dicebas, adhibuisti, si malignitatis nihil suberat? Cur insigniter aded calida, si causum esse sciebas? Sentin' igitur te nunc quidem ἐν σκότῳ ῥέμβεσθαι, & περιελθὸν τῆ λατρῆς περιγίγνεσθαι, podicem superare lotionem seu lavacrum, ut est in proverbio, h. e. causam non bonam patrocinio fieri deteriore. De eo, quòd medicamenta apud vulgus infamentur, si adhibeantur deploratis, multa dicebam ex intima philosophia: scil. Christianos medicos non vulgo sed conscientia satisfacere debere; & quando cum notabili periculo incertus tamen metus est & incerta desperatio, non de errore ægrotum, sed præmisso prognostico, tentare naturam & moliri aliquid, quo ægrotum se non esse læsuros sciant. Etiam cum omnia ex arte egerint medici, à vulgi tamen importuna loquacitate non sunt immunes; unde colligere potes conscientiam ipsis solam sufficere ad veram animi tranquillitatem, & vulgus nullo modo esse attendendum; hujus enim judicium, varium, instabile, corruptum; ideoq; nau-ci & futile & quod sapiens non æstimet pluris quàm canum latratus Luna. Præstat sanè cunctatorem esse & cautum in tractandis morbis, sed in acutis tamen quævis procrastinatio noxia est, & in re difficili perplexâq; ubi animo præsentē & factō opus est, timiditas intempestiva. Δειλὸς ἀνὴρ ὁ ἴσσει τρόπαιον. Τοῦτόν τὸ ἐμὸν φρόνημα. à quo porrò dissentire, mi carissime NESTERE, tibi placuerit, neq; mirabor neq; indignabor; nolim enim tibi præjudicare cujusq; auctoritatem, multò minis meam, quàm sen- sio esse perexiguam; hoc agam potius ut me ex animo TIBI favere, & com-

fugillatis eas adhibitas unico die perfanare & abolere vřbices seu ὑποπνεύ-
 μους flagellatorum baculorumvé. Inter glossas seu verba inusitata
 Græca, quæ à Lexicis frustra requiretis, referte & ista: τραχιλάγχη, pro
 numella, γλοιώ, boja, sive ligno ferrové collum constringente: extat apud
 Evnap. in vita maximi. Matth. Paris. in hist. Ansl. in re simili utitur vo-
 cabulo, Ρæna collistrigialiū. Formarem inde collistrigium, i. e. τραχιλάγχη.
 Καραπάραι, i. e. κεφαλόμοι, ἀποκεφαλίσαι: ita vocati sunt è Thraciæ
 populis aliqui, quod solerent hostibus captis capita amputare: derivem
 ἀπὸ τῆ ἀρεν τὰς κάρας: Alii ex iisdem ἀποσκελίσαι adpellati sunt quod
 crura hominibus præcidere solerent. Sunt ista, apud Strabonem l. XI.
 sed alteros Σαραπάραι, alteros περισκελίσαι vocat. Utrumq; nomen ego
 depravatam esse puto, & legendum uti dixi cap. 6. l. 3. Variar. p. 457. Si-
 milia de ἀποσκελίσαι apud Persas invenietis. Ἰατρομαῖα i. e. fœmina quæ
 cum arte obstetricia medicinam etiam exercet. Lapis Romanus apud
 Grut. Inscr. f. 1110. D. M. VALERIE. BERECUNDAE. JATRO-
 MEAE. REGIONIS. SUAE. PRIMAE. QV. V. ANN. XXXIII. &c.
 Cujasius in Basilicis ad l. pen. C. de postum. heredibus, reperit ἰάτραμα;
 quæ formatio scil. à masculino ἰατρίῳ satis legitima est; sed vocabulum non
 includit simul obstetricatum, ut prius illud. MEA pro MAEA, μαῖα est
 in faxe Mediolanensi i. b. f. 1042. AURELIA. VIRGINIA. MEA.
 quam obstetricem expono. Ἀφιλήκοος seu ἀφιλήκως pro eo qui non de-
 lectatur auditione alicujus rei, extat apud Julianum misopogone p. 91.
 Adderem alia, nisi charta excluderet. Tu mi carissime NESTERE Vale &
 me ama. Altenb. 6. Jul. an. 1642.

Studiosiss. Tui

Reinesius D.

*****?*****

EPISTOLA XIII.

CLARISSIME NESTERE.

NE putes me fallere cum ἀγριοπαράτας apud Olympiodorum expo-
 sui venditores caprinarum pellium; hos enim significari insinuant
 sequentia in ῥήσει ista: διὰ τὸ κελύειν θάλλπεδς τὸ σῶμα: ad fomenta
 autem corporum expetuntur pelles. Ipsarum autem caprarum negotia-
 tores, quos tu hac voce denotari rebaris, ἀγριοπαράται adpellarentur: non
 ἀγριο-

do Reip. prodesse possis neutiquam dubitæ; Erit quoq; solidæ eruditioni, virtuti non fucatæ & morum honestati suus honos, & præmia constabunt meritis; qua spe si vixeris, simulq; opus vocationis strenuè urseris, omnes studiorum difficultates faciliè superabis. Sed hæc talia à parente tuo & præceptoribus, quibus intimiùs nota tua sunt, suggerentur plenius explicatiùsq;. Cl. Dn. D. CUNDISIO pro amica compellatione gratias ago maximas; amplector etiam benevolentissimum in Me adfectum; redhōstiamq; quacunq; potuero, promptissimè; Eum meo nomine peramanter saluta & de recens adita Sparta gratulare; quam ut exornet felicissimè, inq; eā omnia ^{καὶ γνώμην} experiatur, animitùs precor. In Disput. ejus placuit quod legi th. 32. de Cameronis observatione ex Heinsl Exercitationibus sacris ventilata. Nōrit autem etiam D. Höpnerum p. m. quod è familiari ejus quodam ante annos benè multos, antequam Cameronis myrothecium cederetur, intellexi, in eadem fuisse sententia, aliterq; distinxisse verba Paulina quàm hodiè ea legimus: item A. Scultetum observat. in 1. ad Tim. c. 18. Hoc saltem simul adnotari oportuit, quod autor *Ἰνπνεσίδιον* istud non obtrudat Ecclesiæ tanquam authenticum, sed receptam quoq; lectionem defendi posse largiatur; quam modestiam ponamus in laude potiùs, quàm de benè cogitatis viri docti sentiamus iniquiùs. Sunt sanè circà distinctiones in codice Novi Testamenti nondum omnia aded liquida. Ego vel ided non aded improbarem, quod sic voluerunt isti à me nominati, quod hoc modo molestissimis Pontificiorum de Ecclesiæ suprà Scripturam autoritate coccyemis defungi possimus. HEINSIUM, ita meretur, magnifacio; sed hominem esse memini tamen; & sunt in mundo SALMASI ceræ miniatulæ quas exercitationibus ejus subinde adpingit. In ejus ipsius loci Paulini expositione, quàm multi adhuc scrupi? Sed quò delabor? Tu, mi carissime NESTERE,

ἀλλήμιος ἕως ἵνα τις τῶν ὀφηγύων σ' ἀνέωσῃ.
Scr. ως λάχις α Altenburgo Misnica 13. Octob. an. 1643.

Tuus omni fide & adfectu

Reinesius D.

EPI-

EPISTOLÆ.
EPISTOLA XV.

27

MI CLARISSIME NESTERE.

Obstupui lectis ad me tuis, simulq; indolui querelis quas prolixas de-
fers; id autem ægerrimè fero, me corrigere non posse, ut maximè
velim, quod molestum TIBI accidit ab Eo, quem putabam sincerè amicum
TIBI. Quid facias? cedendum est tempori, & firmandus eò unò animus
quod careas culpâ (hoc enim maximum in adversis solatium) neq; feceris
quò minus amicitia staret inter Vos diutiùs. Ambulant voluntates homi-
nū & favores, non valdè consistunt. Consilium quod de mutatione ce-
pisti interim, non adèò probem, hoc præsertim iniquissimo tempore &
statu rerum tuarum, putemq; pressius deliberandum esse; Differ, habent
parvæ commoda magna moræ: & patronos quarendos ubiubi possis. In
Frisiis non parùm præsidii repositum TIBI esse reor: tentare etiam poteris
si quos Lipsiæ habes addictos TIBI; est enim ita, uti scribis, pleriq; omnes
empirici sunt tibi & impudentes è furnis Chymicis jactatores, si unum al-
terumq; excipias. Si de Chemnicensium voluntate certus esse posses, non
dissuaderem vel mediocri stipendio istis TE operam tuam addicere: sunt
enim & humaniores Rochliciensibus, & in re lautiore, ut fileam reliqua:
habiturusq; esses in tanta vicinia nihilominus vestrales obnoxios. Quic-
quid sit hujus negotii cave præcipientes, motus offensâ aliquâ leviculâ & for-
tasse facilè sanabili: Cortice depositò mollis echinus erit. Scis πανδομά-
τωρ ὁ χεῖρος. FILII nomine gratias TE mihi agere superfluit; Ipse pro exi-
guo beneficio egit satis magnas, & mihi luculenter satisfecit: nolimq; rem
parvam extolli, & prædicari in plateis, quod in angulo ἐν ἀπλάτοτητι καρδίας
(hanc enim in liberalitate nostra requirit Apostolus) gestum esse volui,
datumq;. Dedi spontè, libenter, gratis, hilariter, sine ullâ ostentatione,
DEUS benedicat & benignitatem meam nominis sui gloriæ inservire lar-
giatur. Tantillum respondere hac vice potui, mi carissime NESTERE. Tu
candidè interpretaberis & me quacunq; potero studere commodis tuis seriò
tibi persuadebis. Opt. V. & S,

Altenb. 28. Octobr.

an. 1643.

a cultore Nominis tui

Reinesio D.

D 2

EPI.

THOMÆ REINESII
EPISTOLA XVI.

Mi J. M. NESTERE.

Proluxum adfectum tuum vel tribus verbis declarasses, longè fecisses gratius. Argutum aliquod epigramma pluris apud me est, quam Poësis Oratoria & longi super re exigua logi: ista Mularum Apollinis Pindi, & si quæ alia talia; item oberrationes eâdem chordâ *ταυλοποιεῖς* planè putent. Græca velim diligentius tractes; neq; te pudeat Grammaticos libros terere; nondum enim sine isto corticè natare posse agnosceris. Græculificationes autem in sermone Latino ubi suppetunt æquè significantia Latina, & nisi elegantia vel alia necessitas ita suadeat, devita. Video Vestratium cuidam mirè placere τὰ γυναικεία Lutheranâ Universitate: & ducitur argumentis planè *ἐλιδανοῖς*: & maleferiatorum παραληρήματα; sed rident ostentationem putidam docti prudentesq;: Tu ab ejusmodi nugis maturè disce abhorre; discas à talibus, quæ olim cum rubore dediscenda erunt, si audias & imbibas. Emplastri Opodeltoch descriptiones extant apud diversos variæ; cum iis velim conferre eam, quam Rolfincc. Vobis promissit; de effectis ejus differunt Libavius lib. singulari: Johan. Matth. Quæst. med. 29: Jac. Primirofius l. 3. de err. vulgi in med. c. 48: Sennert. Pr. l. 5. p. 4. c. 12. quid ultrà hos doceri hac de re possit, velim audire. Vocant etiam Unguentum B. Anselmi: Losel. de pod. p. 298: sed perperam: curationes enim ejusmodi vulnorum quæ adflatu, admurmuratione, osculo, vel etiam nuda lintei adpositione factæ sunt & fiunt hodièq; ad Anselmum Parmensem magum potiùs quàm ad Sanctum aliquem referuntur; Inde & qui hanc artem profitentur, Anselmadores ab Hispanis, J. R. Moxius præf. meth. med. morb. mul. per venæsect. adpellantur. Uti salutatores qui per superindictas preculas, & ensalmadores, qui per salivas & halitum eadem efficiunt. Similia feruntur sanationum dona habere ii quos Gentiles S. Catharinæ, aut S. Pauli appellant; item filii feriæ sextæ parasceves: de quibus Delr. Disquis. Mag. l. 1. c. 3. qu. 4. Pertinet ad eosdem familia quædam in urbe Lucâ Italiæ experimento contrâ morsus canis rabidi clara; meminit Jos. de Aromatar. dissert. de rabie contag. parte 5. c. 3. καὶ τὰντα μὲν ταῦτα. Civis quidam meus Joh. Bruno, Theol. Stud. disputationem præsentē Dillero habuit de Conscientia: Eam inquirere, si potes, & mitte, sunt quatuor quaterniones. Quin & si quas rarioris argumenti Theol. medicas, philologicas emisierint Vestrates.

Ut

Ut coëmere posses sine tuo intertrimento, accepisti nuper præter 12. Imperiales, tanquam hyperocham, XV. grossos. Tenta, quæso, bibliopolas vestros, si aliquot Variarum mearum exemplaribus alios libros permutare velint. Novi, & quotidie experior, requiri eas è bibliopoliis, sed non reperiri. Cl. D. D. Cundisum velim meo nomine plurimum salutes. Benè Vale & S.

Altenb. 22. Dec.
an. 1643.

à studio commodorum Tuorum

REINESIO D.

*****2*****

EPISTOLA XVII.

Mi carissime J. M. NESTERE.

DE emplastro Opodeltoch seu Stictico, quod vocant, cum scriberes, ego aliud quasi agens ob affinitatem negotii de unguento Sympathetico cogitavi: ineptus autem sit qui existimet non differre. Satis nota sunt ambo: de unguento verò quod addebam ab Anselmo quodam etiam agnominari; id verò rarum est, quare notabis. Hospitem tuum meis verbis peramanter salutabis, & gratulaberis novos honores magistratus, quem initurus est; expectavi hæcenus ejus literas; sed fortasse non erat ipsi, quod scriberet: quare excuso silentium. Parenti tuo non succedit negotium quod Chemnitii quæsierat: ita intelligo è literis quas ad me dedit herè: tum pharmacopolæ alias, quas suis adjunxerat. Ego suasi aliquando ut maneret in statione, etiam si viderentur nonnulla aspera subeunda & devorandæ injuriæ: Id etiam nunc faciam cum ipsi respondero, Benè V. & S. à

Altenb. XI. Januar.
an. 1644.

Tuo

REINESIO D.

D 3

EPI-

THOMÆ REINESII
EPISTOLA XVIII.

Mi carissime J. M. NESTERE.

GRatissimum mihi accidit domum ex itinere difficili reverso, & salutato musæo meo reperire tuas cum mantissa *ἐπὶ χολῆς*: de qua quid sentiam, fortasse ad Cl. Dn. D. Mœbium, quem meis verbis & quidem accuratè reverenterq; salutabis, perscribam plenius. Mallem autem audisse quomodo ejusmodi paradoxa de usibus bilis apud Vos defenderentur; miror doceri. Scio ex unico Nemesio plerosq; usus istos adferri ab anatomicis, à Bauhino & Riolano inprimis; sed ejus ego Philosophi & sacri hominis auctoritati in arte medica non tribuendum esse tantum existimo, ut veterum anatomicorum & medicorum sententiis & placitis præferre eam velimus. Quid enim è lacunis & scriptis *ἀνατροχίτων* dogmata medica petam, cum fontes ipsi suppetant? Stabo potius cum naturæ genio, admirabili Aristotele, qui nos noxam bilis, & maleficium docuit, 4. de part. an. c. 2. causam *βίαν των παθῶν* esse dixit; & abuti quidem naturam excrementis suis *εἰς τὸ ὠφέλιμον*, sed non propterea affirmari debere omnia alicujus alterius gratiâ esse. Nullus usus excrementi, nullus finis in corpore, nisi excerni: excretum jam proderit fortasse variè; sed de utilitate non quaeritur, verùm de officio: Vos autem ista confunditis, & cum nihil operetur extus & in alio, uti intus, & in suo corpore, seu cujus pars quodammodo est, nemo Vobis concedet, propterea quia excrementa animalium variis affectibus utiliter adhibentur, etiam bilem, quâ adhuc pars corporis vivi est, tales quosdam effectus in ipso corpore edere: Adversatur morbo cum exhibetur legitime quodvis excrementum, etiam strigmenta cutis, sudores, saliva, menstrua, blenna, sulphur occidentale seu carbon, & reliqua obscena; sed dum in corpore restitat, partibus ejus nobilioribus & actionibus infestum est; & morbos potius facere quàm curare aut præcavere aptum natum. Deinde unì bili tribui istæ operationes non debent, neq; ab ejusmodi effectibus ab excreto manantibus argumentum Vobis nasci potuit ad usum nondum excreti sed adhuc conclusi in corpore & animâ vegetante totius informati, quia in excrementis alvinis præter bilem etiam aliæ substantiæ sunt, pituitosæ, viscosæ, salinæ, terrestres seu bolares; quibus suas quoq; esse partes vel inde adparet, quòd excrementis pro ciborum, à quibus residua sunt, diversitate diversa effecta assignari à medicis compertum est. Hepar calefacere contactu adflatuq; fel, quippe proximum,

num, nemo neget, & juvare digestionem secundam, sicut juvatur accensio ignis sub vase decoctio rei contentæ in eo, ut loquitur Nicolaus Flor. tr. 6. ferm. 5. c. 1. fel habet calefacere epar, ut confortetur ejus digestio, Carpus Comm. in anat. Mundi c. 12. idemq; fortassis facere si in ventriculo aliquid ejus chylo interveniat, (fortassis, scripsi: acido enim humori, pituitæ tenui potius quàm bili adsimilando, qui ventriculo congenitus, spiritibus præditus incisoriis, subtilis chylicationis administer, illa receptorum in ventriculum diversissimorum & elixandorum pervasio, subactio, lævigatio & fermentatio, quin etiam ipse appetitus vigor, adscribi debet: qua de re eruditè differit Høchsteterus in scholiis observ. med. decad. 5. cas. 1. 2. & 5.) sed quomodo calorem toti corpori largiatur humor, quem vesica fellea concluditis, cujus etiam in corpore quod ejus plurimum collegit vix pauca drachmæ stabulari reperiuntur, (de hoc enim solum loquimini, hoc solum nominatis: de eo autem qui in venis cum sanguinea massa circulatur ne mu quidem?) neq; intelligo ego, uti hebes sum, neq; fortasse Vos me docere poteritis: Qui enim succus alere corpus non potest, id nec calefaciet; bilem verò vel cysti sua inclusam vel per biliarios poros intestinis illabentem quam partem alere probabitis? nec ergò calefaciet aliquam, scil. ad perfectionem & sanitatem; calor autem acer, mordax, squalidus, siccus, quem in bilosis & in statu sanitatis propterea digressis deprehendimus adversarius potius vitæ est, quàm ullius coctionis opifex, quod Vobis imaginamini: sed hic effectus sanguinis spiritu vitali imprægnati proprius est, cujus *ἐκχυμώσεως* per excalescenscentiam procuratâ coloris fit reparatio, 2. epid. l. 4. & excitatio caloris; quæ ambo rationi humorum in venis respondent; ab iis qui vel sunt extrâ vasa, vel in partium cavis, vel propriis conceptaculis continentur, non valdè adficiuntur, nisi postquam hi succreverint adeò ut viscerum tonos violare & halitibus suis tætris ipsam sanguinis massam inficere potuerint. Omnium autem absurdissimum est, quod de præservandis per bilem partibus & massa sanguinea à putredine statutis. Sui prægeneri animam esse datam pro sale ne putresceret, Chrysippus ajebat, teste Cic. l. 5. de fin. & l. 2. de nat. D. vel Cleanthes, teste Clem. Al. l. 5. Strom. Vix me contineo quin exclamem, Vos homini bilem pro anima adsignare. Sunt qui dicant, fel præservare hepar à corruptione, inquit Nicolaus l. d. Qui autem, quales, quanti? Vesalius subtile commentum adpellat: Vos subtiliores etiam istis innominatis, qui partibus corporis & massæ sanguineæ hoc à bile præstari docetis, non tantum hepatis; & hoc igitur ignobilissimo excremento, ut vocat Piccolom.

l. 2.

I. 2. prælect. 20. quod Medici & Philosophi alii facultatum vitali, calori *διμερῶς* infuso & influenti, divino isti & astris analogo, tribuitis: quod absq; vitio & capitali errore (Vos talem Aristoteli & ejus discipulis omnibus imputatis non sine injuria) non fecisse animadvertetis, si intrā vos recollecti verum studiosius inquirere & videre volueritis: Sanè est cuiq; parti & humori suus inditus balsamus quo se, quamdiu rectè, temperatè, & naturaliter habet, contrā quamvis corruptionem vindicant; qui ipsis internus est & essentialis: Vos externum quendam, quasi custodem ostio canem catenarium adponeretis, & indignum adeò nobili provinciā huic negotio præficitis bilem, hæccine igitur cor quoq; & cerebrum defendit à putredine? ubi verò vel ad cordis portas, vel ad cerebri consistit? quam in corde & cerebro amaritiem, de hac enim inprimis prolixè exemplificatis testem præsentia bilis, demonstratis? Etli à putredine tuetur partes, quomodo in febribus putrescit ipsa? & putrescit interdum sola, aliis humoribus intactis, partibus etiam integris? Si enim partes & humores propter bilem non putrescunt, quod vos ait, certè bilis multò minùs putrescet, cum id propter quod unumquodq; tale est, magis sit tale. Infinita sunt quæ in hanc rem dici poterant, si epistolæ modus pateretur: sufficit nunc fecisse ut Vobis de meo circà hoc problema dissensu constare posset: quem non eò rapietis, ut præjudicare Vobis velle opinemini (nolo enim hoc, nolo) sed ut de iis quæ ad artem pertinent sententiam dicendi potestatem mihi quoq; liberam esse memineritis. Tum autem excusatos Vos habeo, si ista exercendorum ingeniorum gratia & eliciendæ per sententiarum collisionem veritati, non seriò & pro sanæ medicinæ infallibili & necessario dogmate proposuistis. Te verò etiam atq; etiam hortor, ut in ejusmodi quæstiunculis physicis & anatomicis, quæ in Medicinæ Hipp. & Gal. fundamenta feliciter & firmiter satis jacta arietant, & ad praxin interdum ne tantillum faciunt parçè verferis, & delibes potiùs quasi transcurrendo & *ἐπιλεγχόμεν*, non te immergas; fies enim ad magis necessaria & utiliora ineptior, si talibus nimium te dedideris & incontentiosum scrupulosumq; potiùs quàm in gratiosum & humanæ societati salutarem medicum evades. Ante omnia unum aliquem scriptorem ex omnibus Tibi selige, quem sequaris, eumq; lege multum, non multa, quibus obrueris priùs quàm erudièris. Probem autem si præter libellos Galeni Isagogicos & alios, quos Tibi nominabunt præceptores tui, Ferneliū & Capovaccium, & Sennertum habeas quàm familiarissimos ad principia artis benè penitus imbibenda; studio Græcarum literarum sedulò invigila, cui negotio Hippocratis

pocratis oracula quàm maximè adcommodata sunt, præter quod ipsa artis præcepta simul tradunt: Ea igitur si cum cura legeris, adhibito subinde interpretum fideliorum & accuratiorum, qui quamplurimi sunt, uno alteròve, & hæc & illas facillimè addisces; quod ut feliciter Tibi succedat, precor ex animo. De conatu isto tuo omnia æqua censeo; nisi qui videtur ἀποωρότατος & quàm pro viribus major: satis enim intelligo te istis minutis capiendis, multò verò magis defendendis ab adversario non sufficere. Poteras aliud argumentum utilius Physiologicum excerpere præ isto jejuno & nihilominus spinoso, & in eo proprio Marte elaborando viriculas tuas experiri; interim pro honorifica ista compellatione, quàm me dignari voluistis, unà cum Cl. Dn. D. Cundisio Præses tuus & Tu ipse, summas ago Vobis gratias, & qui utriq; illorum meam observantiam & studia, Tibi verò favorem meum adprobem, enixissimè curabo. In extremis ubi me allegas, Plinium debebas; vides enim me è Plinio adferre ista; aded quod aliud est mihi tribui fero molestè. Repetit autem Plinius eandem sententiam l. 20. c. 16. his verbis: Finum asinini pulli, quod primum edidit à partu, fabæ magnitudine, è vino medetur (regio morbo) intra diem tertium: quæ cum considero, incipio ista, *Poleam Syri vocant*, habere pro glossemate. Injusta querela vestra est, excrementorum à medicis nullum factum esse in exercenda arte periculum, aut fieri hodièque; Vel ea quæ de Xenocrate Aphrodisiensi, inprimis curioso, insuetis, odiosis & sordidis materialium generibus curante habet Galenus l. 10. de simpl. med. fac: & ego Var. l. 3. c. ult. p. 663. item quæ de viribus stercorum diversis generis idem l. d. Dioscor. l. 2. c. 73. Oribas. l. 2. de virt. simpl. l. 15. Collectan. c. 2. 14. c. 57: Aetius tetrab. 1. f. 2. c. 109. & seqq. Paulus l. 7. c. 3. inprimis quæ Plinius vel sexcentis in locis, & quæ novissimè Dan. Beckerus Dantisc. in Spagir. microc. c. 10. fidem luculentam faciunt, non neglectam ab iis hanc partem fuisse, etiam qui de Bile idem sentirent quod Aristoteles: Frigidum etiam planè est quod sanguini & spiritibus in statu suo motorem quendam, tanquam orbibus Intelligentias, constituitis bilem: an demeministis spiritus esse τὰ ἐνορμήσια & essentias mobiles suapte natura? quas ab humore qui corpus est, eòq; tardior, incitari ad ea, ad quæ feruntur αὐτομάτη, nemo sanus sibi persuadet; & propterea neq; hoc veresimile Democritum ideò ut motum sanguinis & spirituum à bile ipsis conciliari solitum agnosceret, bilis sedem & naturam in animalibus inquisivisse. Imò quid de motus spirituum & sanguinis vestigiis, quæ videre voluerit Democritus in animalibus jugulatis, mihi narratis fabulam? In-

E

spexit

Palat. Cæs. (ita enim omnes interpretantur tuas Co. P. Cæs. qui literas norunt) nominasti: quam appellationem iste, uti vir est sine fūco & fastu, bonus nunquam adfectavit, & nolet figmento tuo ita præter meritum extolli; Si Poëtam L. Cæs. volebas adpellare, cur non vulgari scribendi modo P. L. C. utebare: an hic tibi sordebat? Ego ejusmodi veteratoriam irideo; frigidam verò ambitionem, captandi ē positu literarum nescio quas eminentias, tuam ex animo detestor; teq; ut ejusmodi abstineas hortor; ad modestiam autem, quam semper Tibi commendavi, unicè dux & autor tibi sum: Nolim etiam Te quovis modo ineptiam istam colorare vel excusare apud me; pellucet enim quo animo id feceris. Neq; hoc probo, vel probabit quisquam prudens, quod parenti me prælocaveris: quorsum ista adulatio & palpus? quo genere me non capies, sed à Te avertes: an nesciebas quantum parenti deberes præ extraneo? Nihil dignitatis mihi accedit tuis laudationibus, sed honores meos deteris potius & devenustas, dum ineptè me honoras *μὴ λοδοῖνς φαντασίας καὶ πῆραν τῶ ἀποσπένοντος ἢ ἀπεπαιστος*. A manu Dn. D. MæbI accipies quatuordecim Joachimicos, quos meæ pro compellatione publicæ gratitudini imputabis. Disputationem D. RolfinckI primam etiam mitte, uti & clausulam secundæ: deficiit enim quaternio D. Cl. Dn. D. Cundisio meo nomine plurimam nunciabis salutem, ejus toties promissas literas expecto; sed fortasse argumentum deest. Ecquis autem Volckius iste, qui civem se meum prætetur, medicinæ & ipse lyta. Memini ipsius nomine scholasticum quendam exemplar Variarum mearum à me petere, & exhibui promptè, sed iste hactenus ne fassus quidem fuit accepisse, quod non valde civile est. CL. Sagittari Prof. quondam Jenens. & præceptoris mei τῷ μαθητῆς filium Pædagogeio apud Vos præesse audio; Eum à me salvere plurimùm jube, & vide ut inter amicos ab eo recipiare; est enim egregiè doctus & probatissimus moribus. Non intelligo, quid factum ut 12. Febr. acciperem tuas, quas septimò exarasse te dicis. Etiam hic aliquis fucus latet; sed quem, si tanti videretur, confiderem penetrare, B. V. & S. *ὡς τὰ χίλια* Altenburgi 14. Febr. an. 1644.

Tuis

Reinesius D.

E 2

EPI-

THOMÆ REINESII
EPISTOLA XX.

Salutem!

Mirè autem philosopharis, mi clarissime NESTERE, qui hominis nunci, erroris famosi & infimi versificis, ne nominandi quidem, gnomè, quam laudas, in angustis istis, in isto animi tui æstu & dividio te solaris; è sacris myrothecis longè graviora & certiora in hanc rem suppetrent, si Biblia, fontem divinæ sapientiæ & medelarum conditorium seu penum scrutari malles: an tibi non succurrebat Menander inter veteres Comicos sapientiæ laude spectatissimus, quem pueris proponere solebant antiqui in scholis ob singulare *παιδαγωγικόν* artificium & prudentissimè jactas sententias? Ejus hic est senarius, vel mille Zuberinis carminibus præferendus: *κρίσεις εἰ σοφοὶ τὰς οἰκίας βιάσας*. Quare judicium hîc quidem in te desiderem; candorem autem in eo quod nunc dicam: Suggesteram animo sanè benevolentissimo Tibi quicquid demulcendis querelis & leniendo dolori facturum esse putaveram; & quæ ipse in me ipso, qui varîe quoq; jactatus & fortasse plura & atrociora perpeßus fui, fueram expertus animum languentem erigere, ea liberaliter consulendo, monendo, dehortando communicaveram: Tu verò tantum non calcibus me impetis; *si tuo loco sim aliter me sensurum*; quæ incogitanter effutita esse ipse, si te recollegeris, deprehendes. Nihili igitur facis consilium meum, quod optimo animo proferam; neq; admittis eorum, tanquam minùs commodè & velut absurdè dictorum, quidquam? Insimulas præterea me, quasi aliud tibi dixissem, facturum aliud, si eodem, quo tu, fuero loco; quâ suspitione tuâ nimium quæ me prægravas & insignitam mihi facis injuriam; qui nihil ferè majore odio prosequor, quàm simulationem, hypocrisim, & sine re *ῥησιολογίας*; ejusmodi fuci nihil in me observare hæcenus potuisse te certus sum: quî ergò nunc de me dubitas, sermonibus meis consentire facta, & me quod suadeo alteri experturum in me ipso, & ipso demonstraturum opere. Aliter nunquam sentiam, mi NESTERE, quàm sensi; neq; faciam aliter, si usus fuerat, quàm locutus sum: oris & cordis consensum nunquam exuam nisi cum meipsum; id quod seriò me TIBI dicere existima. Quæstionem de hydrophobis ideò mihi molestam fuisse nôris, quod ad eam ipse tibi respondere posses, si voluisses legere, quem legisse tamen videri vis, Salium, quis sine tadio occupetur in frivolis? Lucernam tibi præferri postulabas meridiè merò; quod nemo tibi sine stomacho erat præ-

præstiturus. Dixi pro sententia mea satis; quibus si quid eruditi habes quod opponas, libenter auditorus sum. Libellos, quos petis, per ista viarum intuta tibi transmittere nolui, poteris eos Lipsiâ tibi comparare; Salius enim & Jofe. de Aromatariis Francofurti excusatus est; hujus etiam Tractatus novem solum quaternionum. Ἐγκυκλοπολεμίαν tuam exhorrescunt omnes: soli Græcè docti irrident; (nolo tibi Grammaticos nominare, quos fortasse eras contempturus) est enim frigidum planè, ἀχαρὲς καὶ ἀνόμαλον figmentum & monstrum vocabuli, quod furcillis ejicient Musæ Græcæ. Judicium meum de Disp. super natura Bilis Jenensium perscripti ad filium tuum; à quo literas meas, si tanti videbuntur, reposces. Nondum perluaferunt mihi νεώτερον suum, succum biliosum sub forma sanguinis in venis eundem esse cum excrementitio. cui peculiare conceptaculum est. Unâ hac distinctione potuit tyroaibus totum negotium tradi, nec opus erat istis logis, ne quid dicam acerbius. Filii autem tui propositum castigavi in aliis literis, quas ultimas ad ipsam dedi, cum de discessu suo Jenâ submussitaret: Eadem, quæ tibi displicere significas, perstrinxî εἰπὼν λευκώτατα. Frugem non faciunt ejusmodi ventosa ingenia; vellem quoq; me audivisset potius, qui semper ad modestiam ei hortator fui: verum ipse non vulgariter se sapere cum summâ interim ineptiâ putat: δοκῶν μὲν εἶναι βριάρως. ἐστὶ δὲ λαγρός. Pro publica compellatione satisfeci ipsi per D. Mæbium: per D. Cundisium etiam m. Nov. exeunte decem Joachimicos alteros cum aliqua ὑπεροχῇ miseram. Hæc Tibi, nescius ne effes. Optimè Vale, mi NESTERE, & salve à

T.

Alteub. Cal. Mart.

REINESIO D.

an. 1644.

EPISTOLA XXI.

Mi Carissime J. M. NESTERE.

Exemplaria iconismi mei in ære accipis, uti rogabas, ea communicabis cum quibus voles; accipis simul pro hospite tuo duo commentatuncula de Deo Endovellico, & in usus tuos ducatum unum unum. Dn. M. Gerhardo meo nomine agas gratias amicis. pro honorifica compellatione & missis diversis meletemasi. Pergratum mihi accidit, quod memoriam

E 3


con-

congressus nostri primi, cum in transitu ad ædes meas viseret, tam religiosè cum conservasse intelligam; inde in ruborem aliquà datus sum nunc luculenta humanitatis meæ deprædicatione, quasi adventorem & salutantem non sum complexus prolixè & exceperim humanè satis & habuerim liberalliter, uti conveniebat. Certè non memini exhibitum ipsi tum à mea tenuitate quidquam, præterquam conspectum adfatumque; & properabat fortalsè, vel occupato mihi superveniebat, quò minus præstare possem quod eram factururus, si tulisset occasio, lubentissimè. Quare ut benignus causam dandi solet excogitare; ita amans laudandi, & ad gratitudinem à natura formatus gratias agendi etiam cum nihil acceperit beneficii: fortalsè, si speret accipere, in antecessum. Hoc velim sibi persuadeat, me ex animo ipsius studiis favere, neq; defuturum ejus commodis promovendis, eiq; ornando quacunq; occasione licuerit. Ἀλλὰ τὰντα ἔσται ἀν' θεὸς ἐθέλει. Optimè Valete & Salyete

à studioso honorum commodorumq; vestrorum

Altenburg I 12. Mai
an. 1644.

REINESIO D.



EPISTOLA XXII.

Mi J. M. NESTERE.

PRæmissa honorificâ salutatione Hospiti tuo Dn. D. Cundissimo velim significes, constitutum jam esse in aulâ nostrate de itinere versus arcem venatoriam in vicinia vestra, reditu Electoris Joh. Friderici b.m. è custodia Hispanica, nobilem, septimana instante, nisi vis major impediât, capeffendo. Hoc quia nuper ex me quærebat, quid intereâ resciverim, intimandum esse duxi. B. V. & S.

Altenb. 19. Jun.
an. 1644.

REINESIO D.

EPI-

EPISTOLA XXIII.

Salutem!

Iterum autem querelas, mi clarissime NESTERE? & querelas quibus imederi nequeat, præter TE, nemo; sunt enim de domesticis tuis, quæ nemo exactius & penitius novit, quàm Tu-IPSE: querelas, quas si omiseris, h. e. si feras fortiter & æquò animò, quæ mutare posse nulla dum adparet occasio, non erit, quòd animum tuum ægrum angat ultrà, nunc huc nunc illuc dividat, & inturbulento variorum desideriorum salo circumagat; liber eris cogitationum vanarum & cupiditatum, omnisq; astus cum gravi sua molestia frustanei tamen, si tædium fortunæ, cum qua hætenus satis commodè, puto, vixisti, non obrepere Tibi permittas, si præsentia, qualiæcunq; tandem sint, boni consulas: ad quam παρόλῳ εἶργῳ & æquanimi-
tatem TE etiam atq; etiam hortor. Patriæ nostræ dulcissimæ calamitas, & tumultus illi publici prohibent de privatis esse μεμνημόνες: stamus eadimusq; cum publico: surgemus & jacebimus cum isto; nec quicquam conservabimus nostra, si, quod clementer avertat DEUS, publica pergamus porro perdere: sanè instant tætriora, & urgent hosce ditiones factorum suorum ultima; quæ pro ineffabili sua misericordia mitigare DOMINUS velit! non enim auferet; quia atrocissimè peccavimus & ad pœnam jam dudum fuimus damnati. Vix licet hodiè pedem efferre portâ: & tu de transferenda aliò familiâ cogitas, omni ad rem tantam necessario consilio auxilioq; destitutus; nescius etiam quò? Hic planè mirabilis συμφορὰ est & vertigo; quæ communem quoq; sensum tibi intervertit. Stultum est, timere, quod vitare non possis: quid dices, si quis captet incerta, & ne quidem leviter adparentia, procul posita, speiq; non alludentia, persequatur? Aves sectatur, ventos contrectat, & fumum amplectitur, quisquis de inconcessis & intra obscuritates futurorum contingentium latentibus longam spem inchoat. Fortassis de vicini pecoris grandiore ubere suspicaris? Error est: Nullibi impunè vivitur; ubiq; angustè habitatur & cum molestia: extra tela ictusq; ubinam consistere cuiquam datur? Ibi, ubi Sol trepidat; in excelsis istis despectabimus hæc humilia, vana, inquietà & infelicia; dum hîc sumus, semper rotamur & quotidie experimur, de quo dolere possumus, si dolori laxemus fibulam. (cuiq; mortalium ubique satis est quod ferat: commodè ferendo facillimè lenies necessitatem, quæ vitari non potest, inquit Erasmi, epist. l. 15 f. 503.) *In medio Tibure*
Sardinia

Sardinia est: an hic, alibi, Furias non esse imaginariis? Sequuntur nos ut umbræ corpora; & profugos latentesq; inveniunt & flagellant. Malim ego, si quid tolerandum asperi, inter notos & obnoxios tolerare, qui fortasse magis condoleant & citius succurrant, quam ignotorum animos experiri, de quorum amicitia & officiis nihil dum spondere mihi possim. Istud igitur, melius tibi fore si sis alibi, inter res nondum judicatas habeatur. Nescis, divinæ de Te providentiæ clavus quomodo fixus sit: scis, istò te vocavit, deduxit, posuit; dum non avocaris, dum non moveris locò, & educeris eo ipsa comite, noli exire, sed expecta ejus moras & horas, quæ non elabentur Te præterito, ad quem pertinent. Ego aliud consilium neq; mihi reperire posse videor, quàm quod suggero Tibi: scil. lenire aspera placidè ferendo. Quod si humanum esse causaberis, audi mihi divinum istud: *In silentio & spe erit fortitudo vestra.* Item antiquorum Sapientum hoc, *Maxima felicitas sua quacumq; esse contentum*: in animo hujus semper serenum est, nihil tumultuatur intus. Adfuescendum suæ conditioni, & quata minimum de illa querendum: spes effrenata, & animus in futura eminens habendus velut sub vinculis. Quare officio amici Me ad Te functum esse hanc quidem partem fateberis, & objurgatiuncula huic suspensæ ignosces; si enim meritò facta est, agnosces, quòd tibi sic profuerim; sin immeritò, scito tamen quòd prodesse voluerim: super talì verò voluntate amici indignari non est Sapientis. Ad discursum tuum de morbo commorforum à rabidis, quo displicere tibi significas, quòd cum ad anginam referre maluerim, & ἀναγὰς κατὰ τὴν ἐλπίδα, nunc non respondeo: dicturus enim essem, quæ audire nollas; Quare suadeo, ut Salium iterum iterumq; relegas; tum J. B. Codronchium, ut quid de morbo senserint veteres, & recentiores sentiant, planè cognoscas, Confer etiam observationes modernorum; tum ad me redi, & congregiar, si provocaveris. Integer mihi commentarius scribendus esset, si dicere de hydrophobia debere omnia, & recoquenda ea, quæ ipso tuo Marte, si autores bonos cum cura legas, adsequi poteras: quod genus scriptiōis non quadrat epistolari colloquio. Malè accusas veteres, quòd adpellârunt ὑδροφοβίαν: adpellârunt ita à Symptomate, quod in λυσσώδηλοις observabant; alii cum alia notassent accidentia, aliter nominare potuerunt; idem nobis quoq; integrum est; non, absurdum igitur, si vocemus anginam morbum, qui plurima, si non omnia cum angina habet communia, vita à nobis, etsi veteres non adtenderint: Hoc docere de poterit Jos. de Aromatariis Affisinas, qui singulari tractatu hoc unum egit, quod ego verbò solùm significo. Et cur, quod tibi

tibi sumis, mihi noles concedere? Vis ut in classem deliriorum referatur, & non omnes tamen λυσσodήκεις delirare toties à tot fide-dignis viris & artificibus audis: Procedis igitur & ipse à particulari. Experimentis particularibus & eventis, non ratiunculis frigidis, ostendendum est, in rabie semper esse delirium; quæ cum te deficient, quid facies, quàm ut adfirmes haud gravatè, adfectum, de quo loquimur, non esse deliriis præcisè accensendum, si essentialem definitionem quæramus. Id velim, accuratè notes, frustrà esse eos, qui morbis vel etiam rebus aliis talia nomina quærunt, quæ omnem earum naturam exhauriant; Valent vocabula usu ut nummi, ἐκ συνδύκεις, etsi interdum cum rebus, quas significant, minimè convenient. Pyxis voculam veteres ἀπὸ πύξου, à buxo formarunt, quod vas tale à buxo tum fieret; posterius eam retinuerunt, & vascula ex auro, argento, ære, ferro, cornu, & ligno quocunq; parata ita nominarunt, generale facientes, quod specialissimum erat; & nemo calumniatur, tanquam facere non liceret. Idem nostro negotio adplica, & eris æquior cum sinistra censura tua, & veteribus, qui vocabula ὑδροφοβίας, ἐνδροφοβίας, φευροβίας, φουροβίας, excogitarunt, & nobis, qui non adversantur: quos utrosq; vel non percipis, vel non percipere simulas, vel tuæ præconceptæ thesi malè adplicas. Metus strangulationis tam à liquidorum assumptione, quàm extra hanc, non est vanus & à corrupta imaginatione, & sine evidente causa, uti loqueris, sed ab impedita realiter demissione eorundem in æsophagum, quæ reverà ægrotos adffigit, non adparenter, & delusâ phantasiâ; resiliunt enim liquida per nares, renitentibus etiam, & si per vim ingerantur, cruciant ægrotos; ubi nullam imaginationem fingere licet. Nondum igitur evicisti, λυσσodήκεις omnes præter rationem agere; ista sanè, de quibus locutus sum, agunt & patiuntur scientes, & mente undiquaq; sani & sibi ista accedere nollent; hinc colligas sensibus interioribus, & exterioribus magis valere istos ægrotos, quàm quod hæc eos non pati & fingere præsumunt, medicos. Quod autem vocabulum ὕδωρ, vinum & alia liquida omnia comprehendere negas, & angustius esse adseris, hoc & Græci deridebunt, & Philosophi castigabunt, qui aquam omnium talium, utpote aquæ adfinium & ex aqua Confectorum summum genus esse constituerunt. ὕδωρ est, quicquid terminò suo nunquam, alieno difficulter, clauditur. Ne verò scias, ægrotus iste J. ab E. non erat meus, sed curabatur à Lipsiensibus: quod autem ego omnia maxima-minima ejus resciverim, indicio cujusdam Noribergensis, Medicinæ Studiosi, qui tum studia ipsius liberorum moderabatur, & frequenter mecum erat, jam verò agit Altorfii, fa-

F

Etum

Etum est. Sed mentitum me esse deprehendo nunc; scripseram me nihil
 TIBI responsurum, & respondi tam multis; quæ quod meâ manu exarata
 non sunt, effusa protinus, & dictata potius non adcurata intelligas, & à
 distracto variè profecta. Satisfaciam tamen, si requisiveris, plenius: hoc
 unicum abs Te rogo, ne quæstiunculis, quas per te solvere poteras, me
 non tam laceffas, quàm bonas horas perdere cogas. Casum amici commu-
 nis nostri deplorare Te mecum æquum est; (neq; enim tam eris barbarus,
 ut insultes & *ἐμυχαῖς*: aliud meretur virtus ejus & cætera eximia.)
 Ego sanè totis diebus & noctibus in eum defixus sum, ac precibus ad
 DEUM Opt. Max. adjuvo, quem aliter non licet per istas violentias & in-
 fanias. In exemplum ista à DEO permissa sunt nobis, ut discamus ne-
 mini nostrum in potestate esse fortunam suam, & nulli fortunæ minus quàm
 optimæ credi debere. Omnis conditio est versabilis; & quicquid in ul-
 lum incurrit posse in TE quoq; incurrere scito. Quæ excelsa videbantur,
 prærupta fuere: sub splendore præsidatus quantus Fortunæ dolus, quan-
 tum periculum delituit; quàm lubricum Viro optimo honores etiam de-
 biti? DEUS hunc ipsi in atrocissimo cui objectus est casu animum con-
 servet, ut adversa hæc benignè interpretetur, ut dolere de istis, non sentire
 ea possit; & erumpat tandem hunc laqueum quem Fortuna publica ei im-
 pegit. Turbæ tragicæ, quæ familiæ Domini à N. præter expectationem
 incubuerunt à genero ipsius futuro nobili N. (Is assassinii causam è carcere
 Eisenbergensi jam dicit) virum optimum miserabiliter exercent; unde non
 videtur intempestivum mihi si & tu in re omnium gravissima Consolatoriis
 ei subvenias. Sed nunc Te mitto, mi carissime NESTERE, post admoni-
 tionem liberio rem, sed amicam, & quod semper feci, faciamq; deinceps,
 officia mea & benevolentiam, & quicquid usui aut voluptatui Tibi apud
 me esse poterit, offero. Optimè Vale & Salve. Perfer. Altenburgi 10.
 Julii an. 1644.

Tuus ex animo

Reinesius D.

EPISTOLA XXIV.

Mi Carissime J. M. NESTERE.

Consilium tuum de iterum conscendenda cathedra Disputatoria, quæ
 pro bem,

problem, quî improbem, juxta nescio; ipse æstimabis & virēs tuas, & cui bono. De appetitu quatenus actioni ventriculi, quam *χύλωσιν* vocamus, minister quasi quidem inservit, si differere voles ventriculi constitutio, actiones publicæ, & privata, quæ est nutritio ejus ex anatomicis & Physiologia natura concoctionis primæ altius tibi repetenda erit; item de molestia, quam in fame & siti sentimus, & aliæ similes elegantioræ non minus utiles cognitu ad morbos ventriculi & symptom. ea actiones ei contingentia dijudicanda, quàm jucundæ. Velim autem ut præ reliquis Fernelium l. 5. Arch. Piccol. l. 2. lect. 15. c. 16; l. XI. lection. tribus Hofm. comm. ad de usu part. n. 199. 200. & 259; Valleriol. l. 2. Loc. comm. c. 6; Valles. l. 2. conn. c. 21. legas, iisq; te adtemperes, juxta tamen præscriptum Præsidis futuri. Proderunt etiam si practicos quæ de ventriculi morbis & symptomatibus agunt consuleris; Mercur. l. 3. c. 5. 6. 7. 8. 9. Varandæum: Cæsalpinum l. 7. c. 1. & 8; Capivacc. l. 3. c. 7. & 8. item Assellium tr. de ven. lact. c. 21. & C. Pisonem observ. select. p. 25. & seqq. nisi fortasse è præceptorum tuorum prælectionibus rem confectam daturus es; quæ ut benè vertat, opto. Magnifico Dn. hospiti tuo meo nomine plurimam nunciabis salutem; & Dn. Lic. MAJORI ut tradantur cum fasciculo meæ, quas vides, sedulò curabis. Benè Vale & Salve plurimùm

Altenb. 21. Jul,
an. 1644.

REINESIO.

EPISTOLA XXV.

Salutem & Amorem!

Mi Carissime J. M. NESTERE.

SÆpè admiratus fui antehac, quia & detestatus, Vestratium de N. im-
mensas glorias *ἀνὰ καὶ κατὰ θαυμάζοντων* literatorem ne quidem mediū
subsellii, multò minus, quod putabant isti supremæ cavæ, hominem (si
homo tamen adpellari meretur calumniator innocentum, detractor, & ar-
robor famæ proximi pestilens) sub larvâ modestiæ elatissimo animo, & qui
cum esset specie profundæ eruditionis vix inter semidoctos numerandum;
etiam Magisterii titulo ornatus esset, sordēbat is ipsi tamen, eumq; propterea
F 2 quasi

quasi ejuraverat, cum putaret se esse aliquid supra Magistrum. Mirum quàm pupugerie hominem simplex veritas, quàm excanduerit, quantas flaverit minas; sed quæ tamen cum nivibus istius hyemis solutæ sunt & abiē-
re εἰς κῦμα πολυφλοῖσβοιο θαλάσσης. Quare rectè fecisse Belgam, *τον δέινα*, de quo Dn. D. Cundisius audivit, existimo, si scabiem hominis sale, quo oportebat, defricuit; sic invidiâ, qua me quidam ex ista cohorte operave-
 rant, quasi auderem isti Hæstori ut Patellus quondam me opponere, ali-
 quo modo liberari videor. Faciat Dn. D. Cundisius ut rem resciscat ple-
 niùs, & si videbitur, mecum communiect. Ei quid hoc tempore scribe-
 rem, non erat; quare reverenter eum meo nomine salutes, velim; offerasq;
 simul exemplar Diatribes de Lingua Punica, alterum Dn. Lic. MAJORI;
 tertium, si ipse non retinebis, cuicumq; volueris. Jctorum & Philoso-
 phorum vestrarium concertationes, post exacerbatos utrinq; animos, &
 turbatam Academiae tranquillitatem in putidas *λογομαχίας*, abibunt; to-
 tumq; negotium ita comparatum esse videtur mihi, ut utrum velim sine nota
 gravioris alicujus absurditatis defendere posse cogitem; alterum si Jctus,
 alterum si Philosophus sim. Isti fructus sunt *τὰ λίαν ἀπειβῆς* quod in
 Juris disciplinâ & Reip. administratione minus obtinet, in cujus præce-
 ptis magis communis utilitas quàm disputandi subtilitas quaeritur; cum
 quâ si Jcti non semper incedunt, hoc Philosophis non curandum vel repre-
 hendendum fuit, uti nec Jctis irridendi & proculcandi Philosophi, si Prin-
 cipem Philosophorum secuti de argumento mixto secundum eum pro-
 nuncient, tantum salvo etiam inter diversa & contraria sentientes charitatis
 vinculo, quo omnes disciplinæ in eundem conspirent finem, salutem REIP.
 & Literarum. Etiam inter Philosophos & Medicos ejusmodi *ἀμφιβολα*
καὶ ἀμφιδέξια versantur magnò molimine, in quibus isti sæpè fide ratio-
 num superant hosce; hi sensuum evidentia & per experientias collectâ ob-
 servatione istorum acumen obtundunt; qui si capitalibus odiis propterea
 se exerceant invicem, solverent quo colligati sunt in communem utili-
 tatem consensum & navim qua vehuntur omnes perforarent. Crusius
 turpiter in eo negotio stetit; disputavit *ἀλογικῶς*, & Latine locutus est
ἡ γραμματικῶς & δυσλατινιστῶς. Fiebigius cautius rem agit, sed ut videtur
 statum controversiæ format aliter quàm ante, & quàm vellent formatum
 Philosophi: quo quid fiet aliud quàm ut Andabatas & quidem *νικτομα-*
χῶντας visuri sinus tandem, & post clamorosas digladiationes *τῇ κηπαίᾳ* tamen
 alteros ad alteros *ἀναχωρῶντας*? Quòd igitur post facturi sunt, cum tædebit
 pugnarum, quod manus sibi mutuò porrigant, & sententias amicè interpre-
 tentur;

tentur; cur non ante, salvis & rebus & auctoritate cujusq; , placide se invicem tolerant, & suffert ille quoq; qui sibi videtur sapientior, etiam minus sapientem, quod Christianismi professio requirit? Infelix animorum æstus ἀνὴρ ἀεικλύων, καὶ ὑπερῶχον ἔμμεται ἄλλων φιλοδοξία καὶ φιλονεικία hoc facit; & est aliqui superiorum Facultatum Professoribus vitio insitum ut inferiores disciplinas earumq; doctores contemnant; quasi qui parva ista tanquam super altra negligit ad magna illa pervenire feliciter eaq; decenter & cum bono Juventutis tractare possit. In REP. utiliter versabiter Jctus etiam sine præceptorum Logices & Grammatices usu; in schola nihil sani docebit ejusmodi ἀμύητος; certè vindicant contemptum sui linguæ & disciplinæ inferiores in Viris quoq; summis, quos serò deplorare nonnunquam audio sinistritatem judicii quod de istis, cum deberent aliter, juvenes tulissent. Sed quò feror? Tu ista tibi potiùs dicta putato, & sine linguarum artiumq; Logicarum dictarum cognitione disciplinarum adyta involanti seu irruenti idem accidere quod ferrum candens manibus attrectanti. Opt. V. & S. Altenb. Cal. Aug. an. 1644.

Тикис

REINESIUS D.

EPISTOLA XXVI.

Mi Clarissime Dn. D. NESTER E.

Tardiùs quidem respondeo tuis; quare dicere mihi posses, quod olim Brutus scripserat Byzantinis, αἱ βυλαὶ σὺ ὀλίγοι, καὶ αἱ ὑπερβαῖαι. Sed nota mihi est æquitas tua, quæ ut veniam rogem ejus ὑπερμείας, nec permittit, nec expectat. Sat citò tibi advenient etiam hæ cum testudineo gradu & morosæ; si satis commodæ & pro voto. Consilium tuum de ambienda Sparta publica Physicatus patriæ tuæ maximopere probo; & ex officio id facturus es (debet enim esse φιλοπατρίδας; patriæ quippe nati sumus) & fortasse, quod faxis Deus, cum emolumento rei familiaris tuæ. Ὁ ξένος ἐν καὶ ἀφρονέων πράγμα: quod vel meo exemplo doceri potes, qui quam invidiam, quas injurias, quas intemperies, facilius foris ἐτεροβυτάων sustinuerim, dum velut peregrinus & hic & alibi, extra patriam,

patriam, remotus à cognatis & necessariis vixi, non sine intimo dolore animi recordor. Inter pœnas & miseras id est, felicitatis verò pars non exigua, in amplexibus & conspectu suorum, ubi natus altusq; quis sit, vitam ducere etiam per extrema omnia. Ingrata solet esse patria; sed nec alibi valde gratos & beneficos experimur. Etsi sordeant plurimum domestica, uti Rhodiis artifex inter primos Protogenes, Plin. l. 35. c. 10. tamen si rationem benè subduxeris, monetam nullibi frequentiore esse & haberi honestius καὶ κατὰ τίμημα quàm ubi cusa ea est deprehendes. Certè dignationem majorem constituimus notæ quàm exoticæ. Non dubito, quin si rem agas seriò, & maturè satis, preces quos oportet, honestæ petitioni tuæ viri prudentes, & quid civi suo non degeneri sed patriæ illustratori vicissim debeant sapientes, sint adfensuri. Certè suaviùs requiesces cum Tuis in sinu Matris, πατρίδος ἢ μητρίδος; quam ego rem feliciter tibi succedere & expetere ex animi sententia, & diuturnam esse, DEUM Opt. Max. calidis precibus oro. Ceteris querelis Tuis, quibus meas nullo negotio & fortè non minus iustas jungere possem, inceditur, ita spondeo, mutatio; quare ut hanc primo quoq; tempore capeffere possis manibus pedibusq; labora. Πάντα, φασί, δὲν τὸν ἔμπορον καλῶν σείειν; hoc Tibi qui rem & necessariam maximè & utilissimam futuram ambis, dictum puta. Filius tuus iterum cathedram disputatoriam conscendere minatur, quam ad rem consilio meo usus est: Dixi sententiam λευκῆς, & quid facere quid omittere satius esse existimem significavi: si obtemperaverit, benè sibi providerit & mihi fecerit quàm gratissimum, qui nunquam decro laudibus conatibus καθύναμιν. Opt. Vale, mi Opt. NESTERE, & Dn. Wildvogelium à me amantissimè saluta, ὅτι τάχος. Altenb. 8. Aug. 1644.

Tuus sincero affectu

Reinesius D.

EPISTOLA XXVII.

Mi Suavissime NESTERE.

Nemo miretur, si asinus in obvium calcitret. Rhyakinus, quem omnes, etiam cum faciem modò viderint & elegans, pro horricomi & hircoso

hircoso Cynico nimirum, barbitium, pro fatuorum maximo, & fungo, & blenno, & pepone habent, suo more solens fecit, dum gratis malè voluit, & dixit malè mihi, qui optimè de ipso meritis fui circa examen *Κυριακίδωρ*. Vide autem & ride ineptias, sed detestare simul evidentissimam calumniam, qua me monstrum hominis adoritur; Ego nusquam Variarum mearum vel locum istum Plin. vel emendationem Barthi tetigeram; iste ut posset suam de abjicienda litera unâ obtrudere, mirari dicit quod non animadverterim & omiserim tam necessariam ego. *Βλαζ?* an me omnia Barthi examinatum esse receperam, ut si hic non ostendissem errorem ejus, sin' propterea abs Te reprehendendus? Fortasse eram facturus in libris posterioribus quibus Plinium à capite ad calcem, si interea exemplar Romanum nancisci daretur, me excussum esse promiseram. Si vel Barthium vel *Κυριακίδας* tuas crudas & triviales defendendas tibi sumseras, campus satis latus patebat: sed camelum deglutit, culicem vel muscam colat homo præposterus, argumento magno, recto stare telo & invictæ esse veritatis omnia, quæ circa Plinium Valer. & *Κυριακίδας* adversus utrumq; scripsi. Feram tamen æquissimè si dissentire à me quisquam voluerit, modo temerè id ne faciat, uti fecit Rhyakinus. De macula, quam diabolicæ malignitate, & pædagogicæ suæ sapientiæ honoratissimo familiæ meæ nomini inurere ausus est, dum id in fulem anagrammatismum convertit, sed scurriliter & pueriliter (defunt enim tot literæ, tot abundant) non angor: nocere voluit, non nocuit. Validius debet esse quod lædit eo quod læditur: non est fortior nequitia virtute, quæ fortuitis nihil indiget, libera, inviolabilis, immota, inconcussa, sic contra casus, contra plagas, contra convitia durata, ut nec inclinari quidem, nedum vinci possit. (Inde, si maxime actionem ei intendero, eam elidere poterit, negando se de REINESIO quidquam dictum voluisse.) Injuria non tentatur in bonos nisi à malis. Est quidem carmen malum, satyra, scomma, canticum, pictura famosa vel epistheis quæcumq; in contumeliam, fraudem, notamve alterius productio, injuria, teste Paulo l. 5. sent. tit. 4. & Ulp. in l. Lex Cornelia, D. de injur. & fam. lib. & graviter vindicatur à legibus; sed ob voluntatem solum & conatum, non quod bonus inde verè detrimentum acceperit; hoc est, quod Seneca alicubi ait, *posse evenire ut faciat aliquis injuriam mihi, & ego non accipiam*. Si deessent SALVATORIS nostri præcepta, qui quomodo ferendi sint calumniatores docuit voce & exemplo, & quamvis optimo jure nitamur, omitti à nobis juris persecutionem voluit; qui improbavit *ἀνευδοκίμους*, laudavit *ἀπεισιμους* h. e. eos qui minus quam justum est exigunt

ismo meum nomen perfringeret ; sed ut allusione soni id sceleret, quæ quàm frigida ipsi exierit & quàm frivola, iudicium esto penes Poëtarum elegantiores : inter pueros petulantes & mulierculas temulentas tale quid frequentatur, cum excanduerunt. Audi verò mihi, si vis, in Poëtam nugatorem nugas.

Hoc verò tanquam propriū sibi eligis iste. M.A.R.S. furit, & veluti frendens aper acriter innox

REINESI nomen dente sonace petit.

Quid faciam? rectum est VULCANUM immittere M.A.R.ti; huius nequitias detegit ille dolò.

Ergò age rumpe moras: *πορόμολ' ὦδ' ἡφαιστε*. theatris

M.A.R.S. stolidus risus omnibus unus erit.

In suo Pervigilio Medico multa ineptè ac pueriliter tractavit. Insomnia insaniam adfert, dicebat à Cæcilio BACHMANNU S. 5. Per consuetudinem insomniam sibi conciliavit BACHMANNU S, ipso fatente in *πορὰυλ*.

Quidni ergò rectè concludam, cum insanire; præsertim cum Idem bilem sibi eum adfectum auxisse fateatur similiter. Tantò minùs igitur curem, si me bile sua insanus aliquis & furens conspurcet.

Iterum:

ἄρχοντες ἡμετέρας μαίνονται; teste Aretæo;

BACHMANNU S est *ἄρχων* per consuetudinem:

Ergò B. per consuetudinem furit & atra bile vexatur facilè: Bacchæ autem bacchanti, si quis adversari velit, seipsum potius læserit; Ignosco igitur ut solent Sapientes furiosis.

En verò cor Zenodoti, jecur Cratetis! Docuero Festus *fraxare* idem esse ac *circumire vigiliam*. Hinc Dictatori isti placuit sancire, ut *fraxationem* posthac vocemus, quando quis *vigiliis frangitur*. Quibus fiduculis hoc ex illo exprimes, stercus Grammatici? Docti à Græco *φράζαι* deductum putant, quod vigiliarum instituto castra, vel quòd ista circuitione vigiliæ muniantur. Hos audiamus præ furioso literione. Optimè Vale, mi optime Amice, & Salve. Alten-

burgo *ἀνδ' ἡμετέρας*, 1644.

Tuus

Reinckius D.

G

EPI-

THOMÆ REINESII
EPISTOLA XXIX.
CLARISSIME NESTERE.

Festinus tui cum nuper ad me visisses discessus multa, super quibus eram rogaturus, intervertit; volebam quærere de Physicatu patriæ tuæ, de Wildvogelio nostro, de filio tuo, & si quæ similia hisce: fieri igitur cum iterum convenerimus. Advocationem patroni quem elegisti benè tibi succedere & ex animo, p̄cor; fiat ut uno ictu concidant qui adversus Te insurrexere, & de iniquitate triumphare possis. Inter ἀναισθησίας ἀγρῆ, imò nunquam coeunt ejusmodi vulnera, unaqualibet parte fovente suam causam tenerius: Sis igitur ἐλαττωτικὸς & publicæ tranquillitatis causa, redimendæ etiam inutilis vexæ, concedas etiam iniqua, quæ te non sint nimium læsura, postulantibus. Quod ad me attinet, in ejusmodi, nimirum ὑπερως δίκη, cessasse intra finem juris mei videri malim, quàm nimis pertinaciter in obtinendo tetendisse, ait Eumen. apud Livium l. 37. καὶ ταὐτὸ τὸ ἐμὸν φρονήμα: & hoc me reapse præstitisse, potuisti cum apud me esses cognoscere: cum enim ut adversarius tam nunc amicus iterum, damnatus publicâ diplomatis sententiâ in hoc, quod per calumniam injuriarum actionem mihi intentasset & innocentem, in multò plura damnetur facere potuissem, ab actione tamen destiti, & junxi dexteram volenti, ne essem justus nimis, neq; essem nimis sapiens, quod prohibitum sciebam ab Ecclesiastis c. 7. v. 16. Lindnero pro honorificâ compellatione gratias ago, & maximoperè studium ejus probo: autorq; & hortator ei sum, ut laudabilia orsa continuet & via qua incepit recta decurrere pergat: Ei ut meo nomine favoris mei intimandi ergò duos aureos Rhenanos, quos à Dn. D. Springsfeldio accipies, exhibeas velim; tertium, quem simul filio tuo destinavi. Duo solum exemplaria Dissert. misit Lindnerus; vellem misisset plura, quibus amicos demererer. Quærerem ex ipso quis Cæs. Vecell. Italicus de habitu antiquorum & modernorum scriptor, & quis ejus interpres Sulltatus? ubi, quando prodiit: an vidit apud Gueinzium? item quæ Theod. Disputat. de privilegiis? Optimè Vale, mi Opt. NESTERE, & Salve

à TIBI dedivissimo

Altenb. 26. Martii.

1645.

REINESIO D.

EPL

EPISTOLA XXX.

CLARISSIME DN. D. NESTERE.

DI tuam liberalitatem! Ita me adfecisti donario Cod. mscr. Græci, ut haut posses magis. Sunt quidem difficiles nugæ in istius Nicomachi Ilagoge arithmetica, & in Theologia ejus è numeris derivata, *ἐργα κενεμβάτων καὶ μεταβολῶν*, uti censet Photius, qui Cod. 188. istorum librorum epitomen tradit, plurimum paganicae vanitatis, verum ob antiquitatem scriptoris, imò ob donatoris auctoritatem & amicitiam servabo inter thesauros meos: sed possidebo tantum ut gryphes aurum Libycum; ad lectionem verò codicis turbatissime exarati si quis me damnaret, eligerem in latomias detrudi. Hippocratem & Maternum, cujus marginibus, uti & Arateorum Avieni emendationes non rejiculas plurimas allevi, remittam cum describi fecero: oculos tamen, ne quid dissimulem, ad utrumq; codicem sic adjeci, ut si pace tua fieri posset, cuperem redemptos ducato meos esse: Tu placeatne conditio, an minus significa: *εἰς ὑπεροχὴν* & mantissæ instar codicem epistolarum Symmachi, quem tecum habes, essem additurus. Sententia tua de usu rha-Barb. tosti in Dysenteria convenit cum Senn. tr. proprio c. 7. Assatum rha-B. etiam improbant Hollierius, Rondel. meth. cur. m. c. 20: Amat. Lusit. cent. 2. cur. 44. & 53: Salvius Sebanus comm. in l. 3. art. med. Gal. c. 40: Joh. de Lamoniere obs. flux. Dysent. an. 1625. Lugdunenses adfligentes p. 95. & seqq. Sed si torrefactio fiat ex arte (rejicio enim & ipse vulgarem in sartagine ad ignem cinerum assationem) initio fluxus ubi & expurgandi & adstringendi indicatio obtinet, cum insigni fructu exhiberi posse existimo, quod roborandis intestinis ne fluxionem, quæ per se initio morbi *ἀθρόως*, conferuntq; sit, ita promptè recipiunt, & curando ulceri ob siccitatem majorem, aptius redditum sit. Acrimonia autem quam metuitis ex igne contracta lotionem tosti ex aq. ros. aut plantag. similisve mitescit ita ut juvet, neq; obsit. Præterea torrefactio exigua non absument partes tenuiores, quarum ratione purgat, nec relinquit empyreuma sed immodica quæ & speciem mutat. Separari verò tenuiores & igneas partes rha Barbari sola infusione cum aquis stillatitiis, quod vult Senn. ex Amato, paradoxum apud me est; non enim sufficiunt ejusmodi liquores secretis vegetabilium recludendis, sed spiritibus ad hanc operationem opus est, veluti notum. Quare faciam in hac controversia cum Matthiolo apud. in Amatum f. 31. Pereda schol.

notulæ, variantium nimirum Lectionum, ne nescias, in editionem Basilien-
sem, quam dedit Cornarius & ipsius *διδοῦναι* omnes propagatæ sunt: &
est hic dispunctus codex autographum seu exemplar editionis Basil. primæ
an. 1538. & an. 1543. Sed quia Veneta Aldina editionum Hippocratis
Græcarum Princeps est, etsi multis modis imperfecta & rudis si conferas
ad alias, & ob memoriam Cornari, quæ omnia medicis ob immortalia
Viri merita sacra esse debet, acceptissimum habeo, licet non necessarium;
habeo enim Foësi editionem Græco-Latinam: Cornari Græcam Basil.
an. 1538. Latinam Basil. an. 1546: Fabii Calvi Latinam versionem Romæ
an. 1525. Genuinæ restitutionis rha-B. dysentericis exhibendi modum ne-
mo tibi poterit præscribere; sed medici prudentiæ totum id negotium com-
mittitur, certis præceptis, quæ in præparatione qualibet teneant, non com-
prehenditur. Eum quidem leviter delineat Lamonjere; verum oportet
Medicum, qui uti volet, ipsum manus operi admoveat, ni velit decipi.
Certè ignis instrumentum tale est, quo Medicus *χρᾶται καὶ πυρὸς ὅπως* pro-
lubitu uti potes in qualibet materia medica suis usibus adparanda, & non
agit necessariò, eademq; activitate semper, quippe medici directioni sub-
jectus; neq; semper eadem ratio assationis tenenda est sed subjectis morbi
conditionibus & temporibus, quæ infinitæ sunt utpote singularium & extra
sphæram præceptorum cujusq; artis consistentium, adcommo-
danda. De
usu causticorum in eodem morbo quod dicerem quædam, idèd fiebat, ut
quod tu de vitandis acerbis in Dysenteria nimis generaliter agebas, id fal-
sum esse, & dari locum etiam acerrimis quandoq; ostenderem; addebam
etiam, in conclamata Dysenteria h. e. cum ulcere fordido & profundo,
quod tunicam intestinorum interiorem jam depastum esset, adhiberi;
quare non opus erat tua *ἐντερίῳ*, non indiscriminatim &c. Præterea neq;
hoc tibi concedo, caustica ad incisionem pituitæ viscidæ injici. Ecce, si
hoc sine injiciuntur caustica ut incidatur & detergeatur pituita mordax &
viscida, sequitur ea etiam principio Dysentericæ, quando deterfionis in-
cisionisq; indicatio maximè viget, injici posse: At hoc nefando quidem
audtum est vel fecisse, vel docuisse medicorum quenquam; Ergò nec il-
lud, & propterea pro absurdissimo absurdo habebitur meritò. Caustico-
rum autem effectus est, ulcera serpentina, præsertim in intestinis crassis, po-
tenter siccare, putrilaginem absumere, sigillare vasorum orificia, arctare
& inducta crusta fluxionem ulteriorem reprimere: quo facto sanescencia
præstò est: quæ singula si voles perpendere, & nodum in scirpo non quæ-
rere, facile in hac quæstione ipse tibi magister eris. Contradi-
cibus autem
tibi

tibi etiam sic, quod cum acria in Dysenteria, & ob acrimoniam rha-B. affatum rejecisses, igneas tamen partes rha-Barbari aquis stillatitiis, quib⁹ spiritus acidi ammixti essent elici posse, & tum rha-B. dysentericis convenire putas. Ego verò tibi dixerò rha-B. ita præparatum ob spiritus salinos fixos in se receptos multò quàm affatum minùs probandum esse. Et quid tibi volunt ista, partium tenuium deperditio plerunq; etiam ex levi affatione acquiritur? Acrimoniam immodica tostione nonnullis rebus (quædam enim quò diutius urantur eò fiunt mitiora & rariora, levioraque, scil. quæ sale copioso non abundant) induci posse nemo nescit; sed quid tibi cum partium tenuium deperditione, quantum ad tuam argumentationem velis, non intelligo. Si enim partes tenues, in quibus vis purgandi in rha-B. consistit, exhauriuntur tostione, & remanent partes crassæ terrestresq; quarum ratione adstringit, sequitur tostum quàm maximè prodesse dysentericis, quando adstringendi, siccandiq; potior, quàm purgandi indicatio est, quod tu negare ausus es. Zacutus, de quo quæris, fuit Judæus Olyssippon. Lusitanus, in exilium rejectus è patria; Vixit inter Belgas ab an. 1524. vel circiter maximè Amstelodami & Hagæ Comitum; obiit m. Febr. an. 1642. Octogenarius. Scripsit libros XI. de historia medicorum Principum, quibus historias curationum quas in Hipp. Gal. Oribasio, Aetio, Paulo, Tralliano & aliis, Arabibus etiam legimus, proponit, & super iis varias quæstiones resolvendo, dubiis respondendo copiosè differit, veteris medicinæ peritissimus tenacissimusq;e. Ii libri, quos in 7. codicibus habeo, venduntur X. Joachimicis, excusi Amstelod. ab an. 1634. Item libros tres praxeos medicinæ admirandæ, excusos Lugduni apud Gallos an. 1637. Cum honoribus & commodis tuis ex animo favcam, non possum non tuo cum facere ista litigio *ἔμβραση*, de qua scribis, salutarem adprecari, Optimè, mi Suavissime NESTERE, V. & S. Altenb. 10. Octob. 1646.

Tuus germanâ fide

Reinesius D.

EPISTOLA XXXIV.

S. & O.

Clarissime & Excellentissime Dn. D. NESTERE.

Vides igitur me tuas vias, scriptas m. Decemb. accepisse: quò minus verò Tu *ἀποσπάσας* meas, quas destinaveram, fecerunt catenati labores,

res, qui me cuivis æquo excusabunt; iniquo ne fonticæ quidem causæ. Observationi tuæ de fluxu hæmorrhoidum in puero octenni, qui tertianam exhauserit, adfinē est quod in puella decenni vidi profluvium mensium alborum; Erat ea florido colore, inoffensa valetudine, & satis vegeta, habitiorque; nupsit matura viro; sed sterilis marito supervivit hodièque. Hinc colliges, si comparaveris utrumq; excretum, quanquam è diversis locis prodians, non esse vacationem eam tam insolentem etiam in ætate puellari. Fiunt ut in morbis, sic in corporibus monstra. Guilh. de Bailou seu Ballonii medici Parisiensis circa an. 1570. Decani & antiquioris Scholæ magistri nihil, puto, extat de Febribus inscriptum: Noti sunt ejus libri Epidemiôn & Ephemeridum duo, in quibus σύμψυλα: l. definitionum medicar. l. de convulsionibus; & comm. in l. Theophr. de Vertigine; Eos habemus operâ Jac. Thevarti med. Paris. ad an. 1640. Consilia ejus, quæ laudantur nondum videre contigit. Si puero tuo stillarunt hæmorrhoides internæ (quibus autem signis hoc deprehendisti? nam quæ commemoras, imprimis compressio inter assellandum circa ani exitum, uti loqueris, de externis potius testantur) tertianæ istius focus fuerit lien & vena porta, quod paradoxum est apud Scriptores de Febribus. An quia fluxus cruentus biloso & mucoso successit, Dysenteria potius cacochymica fuit, ex illuvie variarum sordium collecta in mesenterio, cui tertianas & alias tribuunt communiter, putrescente? Abfuit dolor notabilis ideò, quia nulla in intestinis continui solutio; sed sola sordium extra vasa circa glandulas cumularum exclusio. Sed Tu videris. Optimè Vale & Salve, mi Carissime Dn. D. NESTERE, Scr. eis τὰς αὐτὰς Altenb. 6. Febr. 1647.

Deditissimus Tibi

Reinesius D.

EPISTOLA XXXV.

Salutem plurimam!

INter Philotesia pocula, inter risus, jocosq; amiculorum, quibus prandium apud me condixeram, cum tuis quàm gratissimis respondere deberem, Cl. Dn. D. NESTERE, amice multò jucundios. & fautor honoratissime, brevissimis id facio; at nihilominus prolixè Te amo de animo erga me Tuo, quem benevolum expertus sum semper, experiorq; hodièq;

H

DEUS

DEUS Ter Opt. Max. votis Tuis pro sanctissimo beneplacito suo annuat, tribuatq; etiam TIBI ὅσα ὁρᾷς ἢ σὶ προνοίας ἐ largissimo benignitatis suæ penu. De conditione in aula Electorali satis splendida, quæ divino beneficio & suffragiis doctorum, fautorumq; efficacia TIBI obtigit, ex animo Tibi gratulor & successus honoribus commodisq; tuis, quorum me semper studiosiss. fuisse meministi, respondentes opto. Malignè quidem solvuntur hodiè præsertim in aulis stipendia, impensæ etiam majores iis, qui in locis illustrioribus morantur, faciendæ sunt; sed hæc Te morari non debent, quò minus vocationi obsequaris & reliqua divinæ providentiæ, quæ fidentem & in officio sedulum, nunquam deserit, unicè committas. Hæc ex animo dicta videri velim. Cum filio autem tuo quid fiet? annè procuras ut Tibi succedat? Si ante abitum ad me visere Tibi lubuerit, acceptissimum id habebō, si præsertim per occupationes amico vacare mihi licuerit, eiq; pro dignitate conversari. Senties benevolentiam meam non verbis, sed re ipsa: & si non eam, quæ dignus es, & quam pro dignitatis conscientia à me expectare potes, eam tamen quæ mearum erit facultatarum, & pro præsentē Mercurio. Optimè Vale, mi Opt. Dn. D. NESTERE, & ama me amantissimum TUUM sine fūco. Scr. Altenb. stans pede in uno 27. Dec. an. 1647.

Tui amantiss.

Reinesius D.

*****?*****

EPISTOLA XXXVI.

S. Pl.

Mi Carissime J. M. NESTER E.

INsuaves, cætera gratissima fuit epistola, querelæ tuæ de fortuna, quam speraveras apud Schneberganos tuos longè aliâ, alienâ & adversâ, mihi, qui omnia Tibi ex animo succedere & studiorum quorum sementem feceras messem aliquam metere te posse, toties optaveram. Sed passivæ eæ sunt, & rectè referuntur in ILLUM, qui peccatis majorum & perversitate nostra provocatus patriæ nostræ hæc clades & fatales turbas immisit, per quas neq; literis sua constare potest dignitas, neq; literis debita obvenire emolumenta: ILLE medebitur huic malo, quando placuerit. Interea placidè feramus quod à divina manu procedit, & sortem quisq; suam non deplo-

deploret ignobilius quàm decet eos, qui à paterna Numinis providentia & bonitate spem & fortunas suas omnes suspendere didicerunt; quod ut facias, etiam cum angustissimis rebus, etiam atq; etiam Te adhortor. Qui providit hæc tibi ut honestè loco tuo vivere posses, vivit & videt, quid patiari, quid agas: eum si inspectorem vitæ tuæ fueris reveritus & sincerè colueris, non aberit sed prospiciet porro quoq; , præsertim precibus, vitæ innocentia, sedulitate in officio, amicus tibi factus. Consilium verò tuum de ambienda parentis, nunc Elector. Saxon. Archiatri, Sparta omninò probo; neq; dubito, si eam ornaveris adhibendum olim fore majoribus: præterea malim Te potius quàm alium ignotum in hac vicinia medicinam facere. Libros, quos mitto, donatos ab autore mihi, diligenter, si vis, evolve, & ruminare: doctrinam enim de humoribus, de qua paradoxa te quædam imbibisse novi, arti faciendæ accommodatiorem inde arripies. Optimè Vale, mi NESTERE, & Salve

à Tui amantissimo

Altenb. 25. Febr.
an. 1648.

D. REINESIO.

EPISTOLA XXXVII.

S. Pl.

Mi J. M. NESTERE.

AD quæsitum tuum hæc habes: Nimirum eā φιλοπρωσία nimio perē mihi places, & segregaris propterea meritò à vulgò mustaceorum istorum, qui solis titulorum crepundiis insignes, non laborant valdè, qui eos defendant. Certè honores isti non faciunt doctos, sed inveniunt, vel saltim, ut esse adnitantur, monent. Læctione assiduâ præsertim veterum (apud hos enim vera possessio artis ac sapientiæ est) meditatione, conversatione cum doctis, & exercitatione circumspectâ, acquiritur medicinæ habitus: non otio, luxuræ, nec inter aularum intemperies, ad furnos Chemicorum, aut in circulis conciliabulisq; agyrtæum. Sed ad quæsitum, inquænam, tuum. Dysenterix vox πολύσημος est & inter ὁμώνυμα. Significat, si vocis etymon consideres, quemcunq; intestinorum adfectum & quamvis eorum læsionem; hoc enim innuit particula δύς, quæ hic detri-

H 2

men-

mentum notat, uti docuit Scalig. ad l. Hipp. de infomn. apotel. 45. & H. Montuus Pract. p. 1. l. 4. c. 16. Unde *δυσεντερικός* adpellare possumus, qui quocumq; modo ea intestina læsi, & ob ea infelices sunt: al. *δυσκοίλοι*. Qui verò intestinorum difficultatem interpretati sunt, nesciunt ipsi quid dicant, & neq; Græcè se scire, neq; Latinos esse sic prodidere: manet tamen hodièq; ea adpellatio, ut fieri solet in iis, quibus, etsi perperam adfucimus. Usum verò vocis varium observare est: Hipp. l. 2. Epid. 6. f. 1056 utitur voce *δυσεντερικός* pro quolibet alvi profluvio, cum scribit *εἰλεῖν* solvere *δυσεντερὴν ἀνευ ὀδύνης*: eademq; significatione accipitur cum audimus nominari *δυσεντ.* *ἐρυθρὴν* seu rubram, 2. Ep. f. 3. extr. quam Galenus *αἱμαλινὰν* seu cruentam, com. 3. in 6. Epid. & com. 4. ad l. de artic. f. 651. *αἱματώδη*, & *αἱματώδη ἐκκρίσιν διὰ τῶν ἐντέρων γενομένην* adpellat. Confit enim hinc, esse & aliam non cruentā, vel sanguinis, sed aliorum humorum & pro natura horum diversicolore *Dysenteriam*. Deinde specialius significat sanguinolentorum ad intestini cujuscumq; abrasionem exulcerationemq; cum dolore defectionem; & hanc sanguineæ excretionis differentiam quosdam solam *Dysenteriam* adpellandam esse censere scribit l. 3. de cau. Symp. id quod hodièq; tenet: vel sanguinis excretionem sine exulceratione, sine dolore, ut in epatico dicto fluxu, cujus mentio apud Gal. 6. de loc. aff. 5. de Symp. caus. & aph. 65. l. 5. item in accidente iis, quibus membrum aliquod abscissum est: historiam habes apud Fabric. cent. 2. obs. Chir. 100. (Nota interpretem ista verba comm. 4. ad l. de artic. *δὲ ἀπέκοπῃ τιλῶλον*, malè reddidisse, quibus excisum os aliquod fuerat) aut evacuatio aliqua suppressa, aut exercitatio consueta omissa, &c. de quibus sanguinearum excretionum modis accuratè Galenus l. jam laud. egit. Et duplex hoc significatum insinuat com. 3. ad 6. Epid. ubi *αἱματηράν* *dysenteriam* unam ἐξ ἐλκώσεως ἀναβρωθέντων τῶν ἐντέρων, alteram πολλὰ *αἱμάς* per venas in intestina desinentes ἐκκρινόμενα (id quod variis de causis, diversis etiam à partibus, in morbis diversis fieri potest, observaviq; ipse in puella trienni morbillis laborante sanguinis ex intervallo mediis morbi diebus per alvum copiosissimam & salutarem, sine molestia ulla, eruptionem) esse docet. Ex hac non inutili scrupulosave, sed ex ipso Hipp. & observationibus medicorum natà vocis distinctione deprehendis fluxum istum torminosum, frequentem, mucosum, cruentum, qui vestrates præterito autumno populariter adfluxit, nomine *Dysenterix* adpellari posse & non posse adpellari: simul non omnem *Dysenteriam* (hoc enim quaris) excretionem sanguinolentam esse, neq; omnem *Dysenteriam* esse à solutione

fione continui : ad Dysenteriam verò *αἱματηράν*, quæ cum exulceratione
 intestinorum est, nullo modo debere referri, multò minus eadem metho-
 do curari. Est enim in eo nulla intestinorum exulceratio, sanguisq; se-
 cernitur paucus, vix notabilis & per excretum mucum hinc inde dispersus,
 ac propterea nulla adstringendi consolidandiq; indicatio. Sordes autem
 istæ mucosæ (alii aliter denominant : accuratè rem pertractavit Sennertus
 noster, quem legisti) quæ nondum exulceratis intestinis tanta copia tan-
 toq; cum dolore prodeunt, non solum temperiem intestinorum everfam
 (laborant ea tam in hac quàm reliquis speciebus *φλεγμονώδη διαβήσεις*, quæ
 fit ut nec publicum officium, quòd est *ἀνάστος* chyli & fæcum iusta ex-
 clusio, nec privatum, quod nutritio est, ritè exequi possint : eaq; *φλεγμο-
 διάβεις* & intemperies intestinorum sufficit ad collectionem tot excre-
 mentorum, nec opus est aliam peculiarem, & quam, uti loqueris, expli-
 care vix liceat, dispositionem fingere) sequens excrementum sunt ; sed &
 adfluentes è toto ichores acres & malignitatis simul alicujus participes,
 quæ humoribus alimentariis similem, intestinis peculiariter infestam, qua-
 litatem imprimere apti sunt, habent pro materia. Eos ichores si ipsum
 etiam chylum stabulantem in venis lacteis, quæ confertim implantatæ
 sunt jejuno (propter hanc causam id semper vacuum reperitur, non ob
 eas quas varias comminiscuntur medici) corrumpere, & malignitate suâ
 inficere dixerò, nihil absurdi, puto, dixerò. Nam & sic ratio reddi faci-
 cilius poterit, cur tanta copia sordes istæ egerantur, & cur cremori viscido
 potius crudoq; sanguini, quàm puri sint similes : cumq; sine dubio acer-
 rimæ sint ob amixtos diversi generis sales, etiam crustam villosam, quæ è
 tertiæ coctionis excrementis genita est & interiorem intestinorum su-
 perficiem obducit, cujus post Fallopium Riolanus l. 2. anthropogr. c. 14.
 Asellius tr. de ven. lact. c. 19. & Sennertus noster meminere, resolvunt,
 colligunt, simul deturbant : quæ & ipsa quantitatem sordium augere po-
 test, facitq; sic abrasa, ut dolores sentiantur progressu morbi acutiores, et-
 iam nondum exulceratione facta ullâ. Hæc, mi NESTERE, de adfectu
 isto vera Philosophia est ; facillimèq; inde perspicit *ὁ τὰ τοιαῦτα τεθω-
 νευόμενος* quid factò opus : scil. evacuationi, diligenter attendendo miscel-
 las humorum, & deterfioni inprimis incumbendum esse : corrigendas hu-
 morum qualitates peregrinas nocivasq; ; & si quæ est, malignitatem ; in-
 hibendum confluum è toto ; præcipuè verò maturè leniendum esse dolo-
 rem, ne malum fiat rhevmaticum. Quæ quò ordine & quibus mediis ex-
 equi oporteat, non erit difficile perspicere isti, qui in generali methodo

H 3

exer-

exercitatus est, & in ὕδριαι τεσσάρων non omninò hospes. Egone ab adhibitis enematis detergentibus solis dolor exasperaretur, anodynâ & emplasticâ vi intestinorum superficiem oblinentia cum fructu exhibere memini; & ne ab his materia adfluens mordax detineretur, per vices ad illa redire. Quin & clysterem talẽ, qui duplici seopo inserviret, è lactis calentis ℥b. ℥, vel emuls. è sem. papav. factæ, ℥iij. ammixtâ portione unguenti Ægyptiaci injici quandoq; curavi, quo pituitam plicis intestini recti infixam, tenasmo excitato molestam, omniaq; detergentia alia ob summum lentorem eludentem egregiè deturbari, & simul acrimoniam sordium corrigi, dolo-remq; sine suspectâ ναρρώσει sopiri conspexi. De Ægyptiaco noli mirari: nam & ea mundificantia, quæ pro sordidis intestinorum ulceribus præscripsere veteres etiam vehementissima, ob insignem vim σμηκτικὴν ad phlegmatis viscidî incisionem educationemq; faciunt plurimùm, ut propter ulcerum sordes solùm adhiberi non sit existimandum. Habes ita, mi NESTERE, sententiam meam; qua si quid fueris adjutus sive in iudicando sive in medicando, est quod mihi gratuler, tibi aliquà benefecisse; sin res cadataliter, feci sic tamen quod potui, securus cujusquam censura. Erant alia, de quibus ex epistola tua monendus esses: sed nolo in alienis esse ὀξυβλήτης. Τὸ λίαν ἀκριβὲς λυπεῖ: & novi fieri, ut quis unico, etiam vero dicto, interdum perdat amicum; quod nolim: reserventur ergò ista congressui aliquando nostro, ut & de Poëtice tua quaecunq; iudicium meum, Amabis autem candorem. B. V. Altenburgi d. 24. Mart. 1648.

Tum

Reinesius D.

EPISTOLA XXXVIII.

S. Pl.

Mi Carissime J. M. NESTERE.

GRatiam responsi ad Tuas mihi facere poteras, imò ne perderem bonas horas, debebas. Sunt enim ex reverâ nihil aliud, quam, quod dici solet, ὑπὲρ περιστροφῆς, & exit urceus cum amphora instituta esset currere. Ita tibi in iis planè non consentis, & luctaris plerumq; cum larvis. Quæ.

Quærebatur in prioribus, an omnis Dysenteria sit excretio sanguinolenta; an omnis à continui solutione? Negavi utrumque; & sat puto de re feci verborum, quæ animum sciendi avidum exaturent: neq; audio te contradicere. De fluxu autem, qui hornò Vestrates adflixit, in quo defectiones ægrorum non fuisse cruentas, etsi adessent tormina atrocia, assellationes continuæ, & sordidæ egestiones plurimæ, ipsa narratio tua insinuat, quærebatur: an ad Dysenteriam referri possit; an eum curandi eadem sit ratio, quæ veram Dysenteriam? Et si ne Pyrrho quidem dubitaret, cum de sit Characteristicus veræ Dysenteria, *ὑποχολήσις αἱμαλώδης*, & intestinorum exulceratio ad Dysenteriam referri non posse, & *aut me non intelligere quid sit de quo me consulat, aut valde sinistram esse consultationem Tuam*. Tibi, quod olim Jul. Celsus Domitio Labeoni amico suo & Collegæ, D. qui testam. fac. poss. respondere potuissim, putavi tamen, quod serio quærere videreris, tibi satisfaciendum esse, ejusq; sententiæ necdum quidquam muto, quod Dysenteria vera. & propriè dicta nullâ præsentē exulceratione (demonstravi autem sine hac copiosissimas nihilominus succedere cum tantis torminibus sordes in fluxu nostro) nihil aliud sit quàm illud Scaligeri insomnium sine somno. Imò tuopte testimonio verum dixi; scribis enim te adstring. purgant. & roborant. adhibuisse: si sciebas esse simul exulcerata intestina, ecurrer detergentia & consolidantia omisisti? Quantum hujus rei observare mihi licuit, non relicturi aliter sunt ejusmodi fluxu laborantes, quàm iis, quæ commemorabam; neq; memini totò praxeos meæ curriculo quemquam sive diarrhœa sive Dysenteria sola laborantem occumbere. Vel solo igitur illo, quod Massaria magnū Hippocr. argumentum adpellat, *ἢ ἡσυχίᾳ*, te premo, eique, scio, cedens lubens. Illa verò velitatio de definitione morbi & ejusdem anxia ad regulas Logicas, de quarum certitudine ipsi earum conditores adhuc digladiantur, reductione cum magno tuo damno, siquidem circa ejusmodi fagitaris, tandem senties quàm sit sterilis, & ad faciendam medicinam impedimento; Ego ad talia, quæ plerumq; in meras *λογωμαχίας* desinunt, didici, postquam nihilo doctior ab iisdem ad medicinam reverti, nauseare. Quàm bonæ horæ mihi in Argenterio periēre, in Silvatico, in Vallesio, in Eraſti nonnullis, præsertim ubi contra adversarium aliquem disputat? Feror enim talium, nimius plerumq; nihil sani & quod lectorem doceat suadet, ubiq; concurrente adfectu *τῇ ὑποθέσει δαλέυειν*, & sua defendere etiam cum virtutis jactura, vel minimū obfuscatione. Sed ad Te in viam: In primo argumentorum tuorum, quibus me impugnas, doces cruenta
simul

simul secesisse in tuis ægrotis; hoc verò vel subticuisti in prioribus tuis vel negasti, ibi: observavi in illa nostrâ &c. committis ergò elenchum ἐτεροζητήσεως; eodemq; laborat & alterum, ubi recenset Symptomata in dysentericis Schnebergæ visis, qui fortè verè tales fuere: at de fluxu eo, quem & idiotæ norunt ab aliis sui generis distinguere, non erat quaestio. Tertium autem clarissima injuria est: adfingis enim mihi ab & erosionem cum colliquationem & resolutionem solùm adpellaverim. De φλεγμονώδεις διαβήσεις intestinorum, quod dixeram, non percepisti. Est enim ea ipsius morbi συγγένημα quoddam; imò omnes diuturnos intestinorum adfectus, Lienteriam, Diarrhœam, Dysenteriam cum aliis constitutis, tu verò præviam quandam ad morbum dispositionem me docere sic voluisse putas: poteras ex eo scire, quod explicāram per eversam intestinorum temperiem: quā in quācunq; parte factā, excrementorum copia præstò est: Eò scilicet ista adduxi, ut constaret unde tanta excrementorum sordiumq; copia, quam tam solent admirari, proveniat. Quid opus autem, repetendum enim est, aliam peculiarem intestinorum dispositionem præterea fingere, si eam qualis sit & quid in subiecto super reliquas causas faciat, explicare ne quidem possis, & quò ad curam ægroti nihil adjuvêris. Non sunt multiplicanda entia præter necessitatem. Adsertio vasorum lacteorum sit sanè tibi παράδοξον: Ego verò pro verissima, utilissima, summèq; necessaria doctrina habeo, scilicet quod Evenus quondam ajebat:

Σοὶ μὲν ταῦτα δοκῶν' εἶναι, ἐμοὶ γὰρ τὰδε: & contra

-- ὃ σὺ θαυμάζεις, τὰθ' ἐτέρωσι γέλως.

Ita ubiq; nobis adversamur ipsi, & quos vel natura fratres constituerat, ita minimo negotio maximum dissentimus. Eorum naturam, exortum, progressum & implantationem, dehiscunt enim in epar, (non ergò in epate quærendæ) docebit te Asellius, cui propterea debes didacteron. At Galenus ista non vidit? aufer mihi istas inlicitas, & audi Sanctorium in meth. vitand. errorum; Fuit possibile, ut Galenus vel quia fuit homo, vel quia non secuit humana cadavera (id etiam visum fuit Vesalio & Amato Lusitano cent. 4. cur. 100. Ego vidisse humana sceleta adcredo Hofmanno in l. de offib. c. 11. & probare possum è 5. de loc. aff. c. 1. & alio Artis parvæ loco) in anatomia à veritate in paucis saltem desisteret; quare cum Galenus neq; meus fuerit adfinis & consanguineus, vel majorum meorum avunculus, quod sciam, neq; in Sanctorum catalogo sit collocatus, qui adflatu divinitate fuerit locutus, non video, cur omnes non possint honorificè, si sensibus adversatur, eum relinquere, & quòd ipsum fu-
gerat,

gerat, medicinæ superaddere. Est autem ἀνισορροσία notabilis tua, Galenum gloriari, quod ultra 600. vivas (velim doceri quæ sint vivæ sectiones) sectiones administrarit. Fuit justò ambitiosior & contentiosior Galenus, scio; & novi ingenium hominis, si quisquam at de hoc λαπίσματι eum injustè accusas. De Herophilo Erasistratego, medico sive Ianiō, est apud Tertull. l. de anima c. 10. quod sexcentos secuerit; ubi magnum numerum, sed quem exactè nesciret, numero certo expressit ille. Per quas verò vias chymum ad epar vehi ostendes mihi, ὦ γὰρ, si non sunt lacteæ? Vexatas enim istas mesaraicas omnes ejusdem generis aliud quid continere prætereà quàm sanguinem quis, quæso, docuit? imò non facilè reperies, idq; nunquam mirari desino, qui commeatum Chymi ad epar docuerit: habeoq; propterea pro uno magnò absurdò, eodem vase ad epar Chymum ferri & referri ab epate sanguinem ad intestinorum nutritionem. Vos ista concilietis, quibus lacteæ, quæ soli Chymo apportando dicatæ sunt, figmentum videntur. Cremorem ibi hospitantem in adfectis tali fluxu torminoso simul deturbari, & hinc verosimiliter augeri copiam sordium scripsi, scil. in nonnullis, in quibus nimium sordium similium viscido cremori egeritur & quibus intestina superiora patiuntur, lætis verò solùm crassis seu inferioribus tenesmus molestior est quàm alia Symptomata; Intelligis hinc frivolum tuæ collectionis, qua quod de particulari copiarum sordium causâ & de circa intestina superiora lætis dixeram, quasi universaliter dictum arripuisti & omnibus, etiam adfectis circa inferiora, adplicuisti. Quod autem sapius in isto morbo inferiora patiantur, superiora rarius, id præter alios medicos & nimis audacter videris definire, cum nulla causa cur illa præ his addiciantur, & fortassè hæc, utpote adfluxui è toto opportuniora & quæ labem visceribus facilius communicent, propiora utique, frequentius, quàm ista. In Dysenteriiis gravibus & quæ plerosq; jugulant, omnia intestina secundum totius ductus unicam dimensionem, longitudinem scil. exulcerari, saltem ante mortem verosimile est, cum præsentē causa exulcerante maxime δραστικῇ & successivè omnia intestina attingente, non possit non sequi omnium exulceratio. Quæ contra vulgatam Dysenteriam in Fientem & Faëtam distinctionem disputas, doctrinam de temporibus morborum convellunt, & tam à generatione morborum ipsa, quàm ab artis nostræ exercitio refutantur; scis enim puto, aliter principio, aliter augmento, aliter statu, aliter declinatione tractari morbos: alia levibus, alia gravibus & consummatis adhiberi, varièq; invicem transmutari morbos. Quando quidem igitur uti vis, initiis Dysenteriarum adest exulceratio, stante

autem indicante requiritur indicatum; jam initiis ejus consolidantia, quæ sola ab exulceratione indicantur, præscribenda erunt è tua sententia: quò absurdius quid ne fando quidem audire memini: & fortasse nec ipse juxta hanc Philosophiam tuam unquam medicatus es. Et vide mihi, quomodo argumentatio tua cum re, ad quam probandam adhibetur, consentiat: Scribis Medicum esse Philosophum sensualem, considerare ea quæ sensibus obvia sunt; (debebas, à sensualibus cognitionis suæ initio ducto ad alia progredi, hæc enim vis ejus aphorismi est, non quod in sensualibus considerandis defigatur & consenescat.) Ergò licet *ἐν ἀρχῇ* Dyf. solum erumpant ulcera, in principio tamen morbi ea adfuere, sed obscurius. Si Medicus considerat quæ sensibus obvia sunt, ulcera autem in Dysenteriarum initiis sensibus obvia non sunt sed *ἐν ἀρχῇ* demum morbi, certè illi facient rectè, qui cum sensui obvio symptomate morbum & uti reverà est, definiunt: quod tu volebas ritè fieri. Reliquas *δυσκολότητας* & contradictiones Tuas tædet examinare: tute eo me labore, si relegere volueris tuas & *ἑρμηνεύς*, sublevabis. De Divino Critices studio non sentis pro merito ejus, nimisq; angustè eruditionem mihi circumscribis: *Κριτικά ἡμῶς κλινικῶν ἁπλῶς τὰ ἀλφειὰ, αἰς.* Ne verò acerbius Tu & alii, qui injustè hoc sentiunt, à me excipi fortè queramini, mi NESTERE, Heinsum Vobis respondere pateremini, cujus ista Prol. Aristarchi sacri verba sunt: Cum
 1 imperitis frustra in certamen quis veniat: Qui ubi omnes machinas ad-
 2 versus magnos ac præclaros homines produxerint, si causa cadant aut ab
 3 eis repellantur, uno axioma defungi solent, nihil ad famam hæc confer-
 4 re: Quod nunc omnium qui eruditionem negligunt intercalare carmen
 5 est. Et profectò nec scientia, nec eruditio (fatendum enim est) ad famam
 6 quidquam conferunt quò boves, aut Carduum quò asini pascuntur: Neu-
 7 tri autem in scientia ac rationis usu fructum vita, sed in cibo finem ejus
 8 pariter & fructum ponunt: Quod nebula profiteantur, nihil præter lin-
 9 guam obstat. Et tamen tanta fuit veterum simplicitas, ut T. Livius bo-
 10 vem locutum esse inter prodigia non semel posuerit: cum hoc tempore ita
 11 homines quotidie loquantur, & has voces ac opiniones comitatur contume-
 12 lia in eruditos ac contemptus. Et quid? Cum omnis actio nostra à scientia,
 13 felicitas ab actione pendeat, quomodo, si eos autores pravè intelligamus,
 14 è quibus scientiam haurimus (non autem rectè intelligemus, si da-
 15 pravatos legimus & incorrectos) scientia nostra solida erit, quomodo actio
 16 iusta, laudabilis, felix? Ut verò rectè percipere possimus mentes præce-
 17 ptorum nostrorum & fundamenta artis, ei rei est Critice, quæ loca à tot
 18 sequitis

seculis depravata, nondumq; restituta, corrigit, genuinosq; sensus, etiam ante obscurissimorum, aperit: Et hæc non facient *πρὸς τὰ ἀλφита*, si doctior & qui abstrusa sententiarum medicarum supra vulgus calleat medicus lectione talium evadas? Jam si locum corruptum à vitio non vindices, eoq; siue in *διαγνώσει* morbi & disputatione tecum privatim, siue in curatione ægri publicè utaris, nitarisq;, fieri nequit, quin infelicitèr ideò res cadat, quia vitiosum instrumentum, pro iusto tamen arreptum, operis tui adhibuisti. Si cum adversario res tibi sit, & adhibeas auctoris alicujus testimonium, ille verò tibi ostendat vel librum illum non esse auctoris sed eisdem falsò suppositum, vel verba mutilata aliterve corrupta esse doceat, vel etiam ex antiquitate & auctoris genio seu *τότῳ λεκτικῷ* alium ejus loci sensum esse quàm tibi videatur, evincat, nōne pueret tam fragili principio ad causæ defensionem usum esse, non vidisse *ῥέθνεμα*, quod ille tamen viderit, non intellexisse, quod ille tamen intellexerit. Et hinc est illa inter artifices differentia: quam soli Criticæ, cujus beneficio ille te sic confutet, adscribere non dubito. Idem fuit judicium Galeni, quem tu de neglecta vel non exercita Criticæ, sed invitò ipso, & cum ingratis ejus, excusas: Eò hominæ nemo ex omnibus antiquis præter Aristarchum, plura, nemo magis accurata in Grammaticis & in reliquis disciplinis alii tradidit: scripsit libros 48. de vocabulis, Atticis maximè; item alium de vocabulorum rectitudine: habemus ejus exegesi vocum Hippocraticarum: multa in Hippocrate recensuit, transposuit, emendavit; spurios legitimosq; libros adnotavit & distinxit; adversus editores ejus ac interpretes Artemidorum, Dioscoridem, Sabiaum Lycum, alios, etiam præceptores suos, eum curâ disputavit: divertere, si vis, ad ejus in Hipp. commentarios, reperies, quod dixi, omnibus paginis: an subiturum fuisse id laboris putas, si inutilem esse censuisset, & nisi ad artis perfectionem talia requiri scivisset? In uno Wowerii doctissimo de Polymathia commentario plura de Galeni studiis leges, quàm in omnium ferè medicorum in eum Adnotationum voluminibus: eaq; *πολυανγνωσία* Galeni & judicii soliditas una causa fuit, quæ eum super cæteros eâ ætate nobilissimos, in summa auctoritate constitutos, medicantes in Imperatorum aulis (quas hic noster semper declinabat) evexit: à quibus quam ipse invidiam, detractiones, insidias fuerit passus, semper tamen superior abiverit, eruditione scil. omnes antecellens, patet abundè vel è II. d. Præcognit. ad Posthumum. De Ceramicò nōris duplicem fuisse Athenis, alterum in urbe, à Ceramicò herōe sic dictum (Vide Suidam in *ἡσ.* Item Aristoph. in schol.) ubi meretrices

proflare solebant; alterum suburbanum, à siglinà adpellatum, qui & Academia, ubi sepeliri solebant, qui in bello occubuisse, & certamen lampadum λαμπάδοδρομία peragi: V. Meurs. de popul. Atticæ. Cornarii autem emendationem & interpretamentum quasi in ceramico lapsus sit iste, de quo agit Hipp. non posse subsistere claret. Reclamat enim proposito à πὸ, de vel ex: item vocula καταπεσὼν quæ cum ex alto cecidisse, non in planò, insinuat: vidit Cornarius subesse mendam; sed quomodo eluenda, ea non pervidit. Historiam 52. l. 5. Ep. et. 80. l. 7. sic edidit Foësius: τῷ μαγείρῳ ἐν ἀνάνθῳ τὸ κύρωμα ἐκ φρενίτιδος ἐγένετο, vertitque; Coco è phrenitide gibbus in spina exortus est. Cornarius: Coco in spina gibbositas facta est è phrenitide. Miram verò morborum causarumq; morbificarum μετασάσιν & μετάδοσιν! Phreneticus fit gibbosus, idq; è morbo suo! Quis unquam tale quid vel fando audivit, vel vidit factum? Portentum hiltoriæ est & impudentis fabulatoris non Hippocratis, ista ἔφη. Scripsit verò Hippocrates: τῷ μαγείρῳ ἀνάνθῳ κύρωμα ἐκ φ. ε. Coco in Acantho surditas è phrenitide contigit. Vides duos magnos viros totidem errores magnos errasse, habesq; simul cum restitutâ per unius literulæ in adfinem similemque mutationem ὡ in ω. Hipp. Verâ scripturâ effatum ejus ratione & experienciâ testatissimum. Experimur ipsi febricitantes, maxime qui malignè, esse ὑποκώρις, & cum delirio proximi sunt, omninò τυφώδεις & stupidos. Senex ipse scribit l. 3. ep. f. 2. agr. 4. Philistæ continua febre laboranti & phrenitico surditatem contigisse, qui Coco Acanthino similis, & minari mentis emotionem τὴν κοφότητα, I. Porrh. 32. Quæro nunc, si quis ex istò textu: Hipp. adseruisset tibi, futurum ut ægrotus vester, phreneticus, fieret ex morbo gibbosus; nam & id Coco Hippocratico contigisse, annè risum teneres? usq; adeò enim incredibile est istud, quod sic prædiceret, fore: nec haberes tamen, qui hominem compesceres ut qui auctoritate Hippocratis te premeret: quas, quæso, hinc machinas adhiberes, quam exeundi adversarium viam inires? Omne aliud effugium, omnis alia interpretatio vana erit & inefficax, neq; constringet adversarium; si quam divina Critice hinc suppeditat, objeceris, obmutescet, & mirabitur stuporem suum, qui non viderit quod vidisses tutè, & quod ita facile atq; obvium esset. Acantho autem urbe Macedoniæ ægrotasse istum cocum intelligo, nisi Acanthus peculiaris in Cò insula locus est: cum in spinam quam Græci ἀνάνθον, non ἀνάνθον adpellant, puerili errore transformarunt interpretes. Sunt talium mendarum in Hippocrate, Aristotele, Plinio, Dioscor. Galeno & reliquo classicorum Scriptorum genere in-

finitæ:

gnitæ : quos quamdiu legimus non attentò, non disunctò, quod prave scriptum est, falsas doctrinas imbibimus ipsi, & dum easdem tradimus juventuti totum orbem erroribus, qui in consuetudinem tandem abeunt, & veritatis locum, exulantis interim, præscriptæ sic à nobis; occupant, implemus. Sentisne igitur nunc studii ejus, quod veritatem *ἐν βυβλῶ* latentem, oppressam caligine ignorantia & falsitatum vindicat, & luce sua errorum nebulas discutit, nobilitatem ac cum summa utilitate conjunctam parrem necessitatem? In meletemate tuo gratulatorio mutavi nonnulla, sed sine eversione sententiæ. Ypsilon in *λύπη* nunquam corripi nôris: Habebis exemplaria quamprimum recepero à Typographo. Axioma illud tuum, quo Medicus Provincialis adpellaris, non intelligo: Si fortè manus mentem prævertit, mone maturè, antequam excudantur ista. Meas de peste antehac publicatas chartas, quarum indicium Tibi pharmacopœum fecisse scribis, mitto, quia rogas: non sunt eæ tales, quippe properatæ, ut obtrudi non postulanti mererentur. Optimè Vale ac Salve, mi NESTERE, & amantem tui redama: quod te facere sensero, cum crebrò iter hoc literarum relegeris. Scr. alienâ manu quod vix dictandis his sufficerem, nedum scribendis. Altenburgi 19. April. 1648.

Tuus seriâ fide

Reinesius D.

P. S.

Resigno has, mi N., quod interea dum lator offerretur cum N. verstrate, juvene hant proletaria eruditionis, egregiarumq; minarum aliarum conversari contigerit: Id quod tibi duxi significandum. Is me consulit de molesta *τερυόφδω*: quam quidam nostratium attrahentibus alimentum curandam esse dixerat, in eamq; rem præscripserat capitilavium è lixivio decoctionis radic. nymph. asphodeli, capill. Vener. & sem. nasturt. Zij. Tui verò judica.

THOMÆ REINESII
EPISTOLA XXXIX.

& Obs.

CLARISSIMÆ DN. D. NESTERE.

Observationem raram, quam desideras, de ancilla rustica bufones, ranas & lacertas per alvum excludente, bonâ fide transcriptam En! habes.

Catharina Geislerin ancilla rusticana è pago Rurendorff districtus Waldenburgenfis, annos circiter 30. nata, quæ per annos multos operis fervilibus in oppido nostro vitam toleravit, corpulenta, colore florido, postquam vere anni præteriti varios in abdomine dolores lancinatorios, insolentes in eodem motus, & inflationes sensitset (eadem Symptomata uti & fastidium quorumcunq; potulentorum, insanum verò appetitum aquarum & lactis à quinquennio vernis mensibus se experiri & vomitibus vehementissimis affligi consuevisse refert ipsa) 23. Julii an. 1647. nescio cujus consilio adsumtâ Theriacâ balneum ingressa, nocte insequente ingravescens doloribus, post investigationem multam sudores frigidos, amputationem vocis & alia suffocatis ex utero, vel alioqui graviter ventriculo laborantibus familiaria, evomuit 26. Junii bufones duas majores, (die grösste Bröte hat 1. Lot und ein halb Quentlein gewogen) quatuor minimos, magnitudine fuci majoris, & lacertas duas exiguas, auricularis digiti longitudine, crassitudine calami scriptorii, vivos omnes. Territi hæc inusitatâ ferarum excretionem domestici ine vocarunt. Reperi adhuc de doloribus rosis, sensu molesto volutantium in intestinis glomorum, & nausæa querentem; præmissis igitur clystere è lacte, cui aliquid Philonii, olei verò plurimum addideram, exhibui pilularum ex aloe succo Citri imprægnatâ, & extr. tr. alhand. seu diacolocynth. quod describit Libavius in Apocal. Hermericâ, & oleo citri paratam massam; ventriculo verò roborando mixturam ex aqua theriacali, stomach. Man. c. rabarb. Syr. acetos. citr. & momento aceti scillit. præscripsi. Dici vix potest quanta sordium visu & odore peregrinarum, viridum, luridarum, maculosarum, viscidarum copia ex intervallo ad usum duplicis istius medicamenti secesserit; ægrota interim ad omnia benè habere, reverti adpetitus, cerevisia etiam sine fastidio ab ea sumi, tumultu interaneorum aliquâ sedato. XII. Julii sentire se in hypochondrio pondus quasi quoddam ajebat, accedebant tormina & motiones impetuosæ, cum summa anxietate & inquietudine, donec

ad

ad mictum urgeretur; quo conatu secessit bufo minor virus, & post biho-
rium major comite minimo quodam mortuus. Hasce feras ipsa ē puden-
dis produsse & enixa se esse ferebat; (*die grössste hat am Gewicht ges-
habt 3. Lot / weniger 1. Quentlein*) sed delusam arguit hoc, quod sem-
per iusta muliebria recte processerint, id quod ex ipsa primo ad eam in-
gressu quasiveram, & per alvum igitur excretæ fuere. Nihil autem no-
vavi, sed ex præscripto iussi pergere, uti cæperat. XVIII. Julii ingruere
vomitus aquarum lulentarum, crassarum, lentarum, citrinarum, summæ
foetentium; urinæ etiam similes mingebantur cum sedimento farinaceo
copiosissimo, ipsa viribus admodum dejectis, nihilominus perrexi, ex-
hibitis etiam subinde analeptis ægram refeci. XXVIII. Julii post noctem
progressam gravissimam cum consuetis sordibus (quæ interea ad mensuras
triginta secesserant) massam albam è luteo fibrosam, corruptam, foetidam,
puncticulis lucentibus velut oculis interstinctam deiecit: similemque ad
usum extr. tr. alhand. & theriacæ, è quibus formari bolos & per quatri-
dium exhiberi iusseram, IX. Augusti: ab eo tempore paulatim conva-
luit, consuetos cibos potusque adpetiit, lacte tamen & aquis semper de-
lectata est, & nonnunquam usa; autumnum hyememque sine notabili of-
fensâ peregit. Die 24. Martii proximè de familiaribus in abdomine ro-
sionibus & turbis, ventris duritie & inflatione, adpetitu dejecto, corporis
inutilitâ gravedine, pigritie & ad motum citatiorem ineptitudine, cum in-
somnia turbulenta & dyspnæa molesta, ad me ventitans querebatur: Sti-
spicatus quod erat, sine cunctatione exhibui ei manè sumendam massam
pilularum è maro-cost. Mindereri succo apsinthii imprægn. extr. panchymæ
& tr. alhand. vespere verò bolum è pul. dictam. Cret. Contrayervâ exce-
pto theriacâ formatum: Deiecit sordes instar gelatinæ consistentes, via-
rides, viscidas, cum aquis viridibus foetidissimis, & cum usu horum per qua-
triduum continuasset, 29. Martii post tormina atrocia excrevit ranam
muco plurimo involutam, cum tribus lacertulis & quarto dimidiato, vi-
ram, subinde in aquis suis coaxantem, & effusis aquis in tinâ saltantem: eâ
in sextum diem in aquis suis vixit. Die Jovis ægrota satis erat hilaris: iussi
igitur pergere. Die Mercurii 4. Aprilis evomuit ranas virides majores
duas, vivas, & 11. Apr. bufonem grandem, turgidum, cum acutissimis uni-
guiculis, mortuum alvo exclusit. Referebat soror per horas sex exitu co-
natam fuisse excludere feram, sed non voluisse, donec ipsa manum admō-
veret & extraheret. Nihil post hanc excretionem, vivorum animalium,
cum copiosissimæ per dies plurimos, prioribus similes, contingerent, eva-

cuationes, secessit præterea, etsi per mensis ferè spacium aloeticis cum summâ *εὐφροσύνη* uteretur, & biberet aq. salviæ aceto scillitico temperatam. Vivit autem hodiè valetque, ne minimum quidem morboſi indicium præ se ferens; non desinam tamen proximo, si DEUS vitam concesserit, vere quid cum ipsa tandem futurum, accuratè observare. Variè quidem jaëtavit, ut solet, vulgus, è naturâ exclusas fuisse istas feras; idemq; de bufone illo grandi mihi persuadere volebat soror; sed minimè omnium verosimile est, in utero naturaliter constituto (qualem nostri subjecti esse ex absentia Symptomatum signorumq; malè adfecti & menstruis ritè semper, uti ad me fatebatur, progressis colligere potui) gestatum, totum alitumq; fuisse. Non ignotæ sunt historiæ enixarum serpentes, mures, ranas & similia monstroſa, quas collegit Schenckius observ. lib. 4. de molis; duas etiam miras hujus generis recenset Zacutus lib. 2. prax. med. admir. obs. 140. sed diversissimus est casus noster ob ea, quæ dixi. Quæſtionem & dubitationem omnem de generatione diversorum in corpore isto animalium, nimirum à seminario eorum hausto cum aquis corruptis, & sic ab errore externo factam, tollit narratio ipsius agræ. Refert enim se, cum ante sexennium, & quod excurrit, pestilenti contagio infecta putaretur, domo ab hero extrusam, ad matrem se contulisse, villanos autem quod Altenburgo, ubi pestis grassari diceretur, & quidem ægra venisset, se in ædes maternas admittere noluisse, unde coacta fuerit in casam quandam tumultuariè pro recondendo fœno extructam in prato vicino se abdere; ex eo gurgultio subindè, impellente siti, se obviis lacunis & stagnis adrepſisse, & manu hausſisse, quod sitim compesceret, liquidum; ab eo tempore, cum utcumq; convaluisset, sensim ventrem intumuisse, & Symptomata suprâ recensita se adſixisse. Ego non dubitem adlerere, proximo ab haustâ feminibus animalium fœtâ aquâ verè per vomitum, quem singulis annis vernis mensibus pati solebat, exclusas fuisse feras: sed aquas nec ipsa quidem, utpote, quæ vel in cloacas, vel in fimeta evomere consueverat, observasset; sensisset interim multa crassa & corpulenta ore suo extrudi paroxysmis vomituum creberrimorum. Hæc sunt. In manu tua nunc est, judicare de singulis, & quid Tui super hac judicii sit, fac sciam. Optimè Vale, mi Clarissime NESTERE, me ama, & si quid ulterius me velis, impera. Scrib. Altenburg, 20. April. an. 1648.

Totus tuus

Reinesius D.
EPI-

EPISTOLA XL.

Mi CLARISSIME NESTERE.

Impensè delector φιλοπυσία communis amici Dn. Wildvogelii: amo etiam ingenium, quod rarum ipsi & directum divinâ contigit benignitate, & ad arcana quævis penetranda aptum; judicium verò de me ejus pro adfectu, quo me Vir optimus prosequitur, interpretor. Cæterum farina ex julis (sic enim malim adpellare quàm conos) abietum teneris quod in extremis ramis, in cælum obversi mucronibus, surgunt, non penduli sunt, quo ipso à conis satis distinguuntur, emergens primo vere, nunquam observata mihi fuit; non ignota tamen: quippe quam à Clusio l. 1. hist. stirp. Pannon. c. 6. accuratè descriptam memineram; quem omninò adire Vos velim. Eam pro floribus abietis habere viros doctos video; sed decepit eos supina lectio Ruellii. Hic quidem l. 1. c. 10. flores croceos tribuit abieti: sed c. 46. circa Solstitium florere abietem annotat; & sic Camerar. in epit. de plantis. Matth. p. 49. Non ergò pro floribus abietis habendus fuerat pollen iste è lateo pallidus, quem primo vere juli abietis expirant; non lubet refutare pluribus, quod evidenter falsum est. Ego, si quid judicare valeo, pro aërea & subtiliore resinæ abiegnæ parte habendam esse dixero: adpellem etiam, veniâ audaciæ hujus à Medicis & Philologis prius petitâ, cremorem vel florem resinæ. Sanè refert resinam omni sua substantia, & ab julis tenerioribus & viscosioribus adhuc evomitur, abscedit, & restat: perinde ac fuligo à resinis ultis accensivè. Stante hoc de ejus essentiâ & origine, de facultatibus ejus differere & decernere promptum est, esse nimirum ejusdem cum resina virtutis; calefacere, mollire, maturare, suppurare, digerere; siccare sine morfu, cicatricem ducere; unde ulceribus manantibus & Chironiis inspergi non sine emolumento posse reor. Ab eo tempore, quo ejus copiam mihi jussu D. Wildvogelii, fecisti, analogismo usus, tussi ferinæ, qua pueri apud nos præteritâ hyeme & currente hoc vere, simili illi quæ morbillos & variolas solet præcedere, populariter laborabant, eam adhibui, linctibus & aliis pectoralium medicamentorum formulis eam admiscendo, & deprehendi lenire egregiè & planè satisfacere intentioni meæ; neq; dubitarem igitur aliis vitis pectoris & ὑπὲρ τοῖς pulmonum, phthoicis dispositionibus, asthmatis & suspirio opponere, quod glutinandi & incarnandi facultate etiam pollere omninò verò consentaneum sit, ob lentorem & siccas partes plurimas sine morda-

K

citare

citare contemperatas. Pulveri luteo, quem vestrates post pluvias in plateis confertim sparsam viderunt instar ochræ, nihil est cum hac farina commercii: Vidi ipse hoc loco à silvis abietibusq; remoto toties annis proximè præteritis, tam vere quàm adulta ætate & autumnò, talem subtilissimi & impalpabilis pollinis instar aquis cœlestibus cisternâ exceptis innatare, hisq; quasi cuticulam iducere, odore sulphureo, quem in farina abiegna non est animadvertere. Eum phthificis profuturum non minus quàm flores è sulphure sublimatos, non dissiteor. De usu abietis in Scorbuto nihil dum ausim adfirmare; sit fides penes nos qui suam quandam experientiam hic jactitant; cremorem resinæ, de quo potissimum quærebatur, nihil eò facere, nisi fortasse ad exsiccanda ulcera scorbuticorum certus sum. Πολλὰ κενὰ πολέμῳ, ajebant olim; nos hodiè possumus, πολλὰ κενὰ ἰατρικῇ; multa vana medicinarum; & nemini ferè promptius creditur quàm novam medicandi rationem, & nova medicamenta venditaria lingua promittenti: scil. cum omnes præsentium tædeat & suspectentur futura, etiam incerta & fortasse nunquam futura. Sed hæc hæctenus. Si catalogum Bibliothecæ Electoralis tua opera, mi carissime NESTERE, mihi procurares, solidam à me gratiam inires, audio typis vulgatum esse: Dispice igitur quæso. Dn. Wildvogelium cum conjuge & filiolo peramanter meis verbis salutabis. Opt. Vale & amantissimè Salve à

Cultore nominis Tui

Altenb. 13. Mai.

an. 1648.

REINESIO D.

EPISTOLA XLI.


Mi Clarissime NESTERE.

NEQ; Tu sit temporis esse definit mihi! Ita occupatissimo & in Bibliothecam abdito apud solos foli supervenis, manum injicis, aurem vellicas intentor aliis omnibus, & horam mihi perire facis narrationis pænè fabulosæ (scio enim videri multis πέραν ἢ κατ' Ἀλκίνας ἀπόλογον) recoctu. Eam verò uti optima maxima est, nihil enim ultra verum me extulisse scias, avidus, sis accipe; Te si credere fabulanti de iis, quæ viderim ipso hisce oculis meis, intellexero, pascam simili non minus παραδόξῳ ἀέσματι; de intestabili quodam (ἐκδομίαν non ausim adpellare; neque enim

enim artificis manu sectus fuit; adpellem à calamitate *δεχόμενον*, quod testes perdiderit) nihilominus fecundo. Ei de scroto à militibus chordâ suspenso & relicto dum vicini fortè fortuna intervenirent, uterq; testiculus abscessit an. 1640. ante octennium feriis Pentecostes; ei tamen conjunx integræ famæ, filiam peperit dies 3. m. Maji, annò præteritò. Hac observatione, cui similem habes apud Smetium l. 10. miscell. & apud Riol. l. 2. anthropogr. c. 30. destruitur machina omnis illorum, qui testibus principatum quendam adstruere conantur: deciditur etiam controversia de usu testium, quâ seminis generationem; hanc ipsi denegavit Aristoteles, eiq; tanquam genio suo adtestatur ipsa Natura, & nonnunquam Galen. Ad Hofmannum meum l. 1. de generat. hom. c. 15. & l. 2. Instit. c. 40. 41. Multò plures, fateor, sunt qui testium corpori *γονοποιήσιν* adscribunt; novissimè Plazzonus de partibus generat. c. 10. Sed pondere, non numero æstimanda sunt suffragia. Catalogum Biblioth. Elæct. cujus spem mihi fecisti, expecto. VV. CII. Collegas tuos meis verbis peramanter salutabis. Amplifs. Dn. Wildvogelio ejusq; dilectissimæ Conjugi plurimam à me salutem nunciari velim. Altenb. 20 Jun. an. 1648.

Tui studiosiss.

Reinesius D.



EPISTOLA XLII.

S. Pl.

Mi Carissime J. M. NESTER E.

CAusa patrocínio non bona pejor erit: usq; adeò excusando *ἀσυνλογισίας* & contradictiones tuas nihil proficis: semper enim *προαίτιος* τῆ λυτρῆς *περιγίνεαι*, podex vincit lotionem. Eò possem superledere labore hoc scriptionis, quod res, de qua primum querebatur, non ultra dubia sit, nisi cæcuturienti in meridie merò; sed ne *χαλκέντερον* delassasse videaris, en repono pauca ista; obsecrans simul ut ulterioris responsi gratiam mihi facias; facesset enim omnis hæc velitatio docta utilisq; in ineptas *λογομαχίας* denique, & vel aliàs nimium altercando veritas amittitur. Fluxus storminosus mucosus (Tu appellas *Dysenteriam vestram*, in quâ nihil planè sanguinis, sed mucosa tantum & alba substantia, sæpius sincera, raro

K 2

strius

striis tantum sanguinolentis intertexta excreta fuit; hæc tunc tua verba) quò sensu ad Dysenteriam referri possit, quò non possit, docui clarissimè, & ut spero, ex artis fundamentis: Eam verò doctrinam meam frustra hæcenus sollicitasti. Adparet autem quàm simulator sis, qui non satis meminisse scribis, an in prioribus subticueris negaverisvè, cruenta in ægrotis tuis secessisse. Ergonè verba epistolæ tuæ recitanti non adcredes mihi? Ergonè tibi quidquam adfingerem? Judicavi de sententia tuâ è verbis tuis, non ex eò quod fortè in animo habebas: neq; putavi te loqui aliud, aliud *ἐν φρεσὶ κεύθει*. Ejusmodi hominum genus quàm sit detestabile vel ex Homérico *πολυβουλῆτι* noveris. Quod autem verba ista mea, quibus nullam in fluxu, de quo quæritur, esse exulcerationem intestinorum sanguinemq; paucum excerni &c: è tua relatione desumpta esse contendis, & propterea te sanguinis in dejectionibus fecisse mentionem vis videri, planè falleris. Dixi enim jam quid Tute scripseris: Ista verò insolidum mea sunt, & ex meis observationibus, sine tua suggestione nata. Ita scilicet mirè sophisticaris: scripseras, *nikul planè sanguinis excrevisse ægros:* jam vis scripseris, *secrevisse sanguinem:* Quò tandem abibit disertatio nostra nisi modum aliquem tandem fixerimus? Simili ludificatione in tertii mei argumenti solutione uteris: Scripseras in prioribus, *ipsis initis morbi exulcerata esse intestina,* & hinc distinctionem Dysenterix in fientem & factam reprehendebas, & subruere posse putabas: nunc idè te non adhibuisse consolidantia ais, quia intestinorum exulceratio non erat notabilis, vel talis quæ indicantis rationem haberet, scilicet nondum præsens seu in actus si scivisti adesse exulcerationem, oportet fuisse talem quæ notari observariq; posset: adfuisse scribis in prioribus: nunc non fuisse notabilem; quid putidius ejusmodi fucis, cauponis loquendi modis, & perplexiloquentia? Cæterùm *ἀνεξέτηται* logicam, quod scribis, à Te non expectavi. Sed quod videreris persuasus medica nostra ad regulas Logicas examinari oportere & quadrare exactè omnia, interesse tua sensi, si te monerem de studii istius sterilitate, siquidem argutiolas Logicorum rixosorum quis tantum confectetur, & ad rem medicam ineptitudine. Certe neq; ut quis intelligat medicos, neq; ut feliciter faciat medicinam, inde tantillum juvabitur. Negas adfersionem Venarum Lactearum tibi esse *παράδοξον:* at cur commentum adpellas, si pro *ἐνδεξω* & probabili doctrinâ habes? Si tibi non esset *παράδοξον*, adsentireris Asellio tantisper, imò sensui: cujus evidentia longissimè superat fidem rationis: Atqui non adsentiris Asellio; neque enim puto te scientem hominem nupera & novitate suspecta commenta

pro-

probare; Est ergo, quod tamen negas, tibi *παράδοξον*. Occasionem, quā factum est, ut de Chymi & lacteis venis simul in adfectis fluxu torminosō deturbatione scriberem satis explicatam habes; non est tibi quod merito reprehendas, nisi libidine solā contradicendi stimulatus fueris. Quod valvulas impedire scribis relapsum Chymi in intestina, id de sanis corporibus verum est: nos verò de morboſo ſtatu loquimur, in quo quiri naturalia evertantur, nemo dubitet. Valvula coli initio adpoſita prohibet regurgitationem ſœcum ad ſuperiora inteſtina; & tamen in Ileo contingunt vomitus ſtercoroſi: ſcil. ibi de eo quod naturale eſt inteſtinis; hic de ſtatu præter naturam ſermo eſt. Inteſtina tenuia in dyſentericis frequentius adfici quàm craſſa, non abſolutè ita definivi; ſcripſi enim fortalſe; addidiq; rationem, quam tu nondum refutaſti. Et ſententia igitur mea tam vera eſſe poteſt quàm illorum, qui craſſa frequentius pati in dyſentericis ſtatuērunt, poteſtq; modò hoc, modò illud, modò etiam utrumq; in ægrotis fieri. Quæriſ, per quas vias olim, antequam Aſellius venas lacteas propolavit, *ἀνὰ δούριον* Chymi fieri dixerim; Ego per vulgatas meſaraicas, quas aliam quandam ſubſtantiam præter ſanguinem vehere nuſquam Galenus docuit, eam non fieri, ſed neceſſariò ſtatuendum eſſe, aliud vaſorum, ſimiliter meſaraicorum genus ſemper iudicavi: donec quod eſſe conjectaveram, certò ſic eſſe demonſtraret Aſellius; cui eo nomine magnas debere gratias proſiteor. Tu, mi Cariffime NESTERE, ſi tegeris idem, id ſanè erit laudabilius æquiusq; quàm quod virum benè de arte meritum novitiū Comenti inſimulas. Vidit is quod multi alii providere nequiverunt; ſunt enim ſcientiarum ortus, ſunt incrementa, nihilq; ab initio conſummatum eſt perfectumq;. Galenum de ſexcentis ſectionibus adminiſtratis gloriari ſcribit Aſellius c. 14. & ex eò tu id ſublegiſti: ſed quæro, *πῶς νεῖται*? Certè allegatio margini adſcripta non ad id, quod tu viſ, ſed ad hoc, *Galenum plura animalia à paſtu ſecuiſſe*, pertinet: id quod non omnino lippus deprehenderit. Non eſt ad manum mihi Galenus ut ſatisfacere de hoc plenius tibi poſſim: Ipſe inquirito, ſi de iſtò eò remitti ab Aſellio leſtorem putas; mihi, uti dixi, videtur ſecus, dum Galenum ipſum inſpexero.

Hæc, mi Cariffime NESTERE, hætenus: quæ uti candidè excipias, neq; de amore in te meo, quem plenâ manu ſeruiſſe (malim ſeviſſe, ſcripſiſſes) me ſcribis, ſubdubites, rogo. Liberè loqui amo; ſed ſum ſine felle & innox totus; ſi quid verò videtur dictum duruſculè, id odio, quod tam erga Sophiſtas & perviciaciâ ſuâ iniquos altercatores, reſcribas velim.

K 3

Cæteris

Cæteris sum εὐπρόσιτος, φιλήκοος, εὐμενὴς καὶ φιλοκείμενος. Tu, mi NESTERE, Vale ac S. amoremq; tuum mihi constanter conserva. Scr. Altenb. 31. Jul. 1648.

Tuus

Reinesius D.



EPISTOLA XLIII.

Salve, mi Clarissime NESTERE.

Quod mirum tibi videbatur & simile mendacio, intestabilem generasse, faxo id verissimum esse deprehendas, si patienter audire volueris narrantem, non fabulam aliquam futilem, ἀλλ' ἀληθέστερον τῶν ἐν Σαγγελ. **Hanns Andres** incola pagi **Braunschayn** / in ambactia **Altenburgensi**, Nobilis ab **Ende in Lumpzig** recognoscentis, annorum circiter 30. cum an. 1640. latronum è factione Suecica truculentia de Scroto & pene firmissimâ chordâ, licet exili, colligatis suspensus fuisset & aliquandiu sic relicto, remoto cui insistere coactus fuerat scabello, uterq; testis cum scroto abscidisset, post curatum à carnificis Altenb. Valent. Heilandi junioris vidua vulnus, ex uxore integræ famæ, quam an. 1637. duxerat, filiam suscepit 6. Mai, an. 1647. cum ante illatam calamitatem his fuisset ex eadem factus pater: ex attestazione pastoris loci & hæc & circumstantias alias cognoscere licet, quæ omnem suspensionem conceptus ex alio, quem tu, ut incredulitati tuæ præstruas, fingis, removeant. Ego cui examen à summo magistratu paucis à puerperio diebus commissum fuerat, in loco iudicii, adhibito Chirurgo ordinario **Hanns Caspar Rosen** / reperi dictum rusticum scroto non tantum inani esse, sed & contracto & pænè nullis ejus vestigiis, nisi cicatrice lata, inæquali, dura. Secretim adseverabat se ad Venerea satis esse promptum, neq; ullam causam habere cur quod natum ex uxore esset pro suo non cognosceret; saltem intrâ annum ab accepta clade, etsi coire desideraret, semen etiam emitteret, inofficiosum uxori fuisse & inefficace diligentia, quod non satis arrigeret, eam verò paulatim ut satisfacere uxori potuerit emendatam. Habes ita rem omnem; nimirum eum qui fecundus fuisset cum testibus, etiam sine his talem; & hinc firmissimè eliditur ille principatus testium à Gal. 1. de sem. c. 12. **Laurentio** & aliis γαληνομαγέστῳ adstructus, & seminis à testibus confectio, vel fecundatio.

emunditatis impressio, vel necessitas testium ad generationem seminis quæ
 semen; datur enim semen absq; testibus & quidem sæcundum. Ego sic
 censeam, salvis virorum doctorum judiciis, vasa spermatica, præparantiæ
 & deferentia seu ejaculantia, itemq; mediam inter hæc & iis continuantem
 ἐπιιδυμίδα illæsa mansisse; & vasis igitur primas in γονοποιήσεσιν tribuendas
 esse. Sanè vasa seminalia, & quæ meatus materiæ seminalis sunt, & quæ
 gyris anfractuosis varièq; tortis plexibus constituunt super testes seu ad-
 stites glandiformes, integris testibus ab horum corpore avelli possunt, te-
 ste Cabrollo; super testes verò communi vasis spermaticis tunica velut
 suis extremis inhærescere testiculis, reliquo corpore ab eis sejuncto, & se-
 men per eos diffusum reperiri, detracta leviter exteriora membrana, fa-
 tetur ipse Riolanus: Veslingius etiam sanguini in vasis præparantibus
 nonnihil immutato seminis rudimentum indere; qui ambo tamen humo-
 rem seminalem ipsam testis substantiam subire & ingredi, ut testibus vini
 generandi semen insolidum adstruere possint, statuunt. Ista non tantum
 ipsa partium genitalium structuræ diligens inspectio & ratio mihi sugges-
 sit; sed habeo præterea, ut ita sentiam, autorem fide dignum Hollerium,
 „ qui in Comm. adaph. 63. f. 5. spadones generare adserit, modò relicta
 „ sit pars superior testiculæ. Si enim ea (ἐπιιδυμίδα) remaneat cum vasis
 „ seminariis integris ut sit illa continuïtas (viæ seminalis ad prostates) po-
 „ terit quis generare absq; testiculis; & hoc ipsum in nostro factum est.
 Neq; tamen tam Suffenus mihi sum ut verum in re abstrusissima & quæ va-
 ria quibusvis seculis ingenia exercuit, me vidisse tam ut verius aliquod in-
 dagando capi nequeat, contendere velim; propono ista Tibi, Collegiis
 Tuis, & si qui eruditi alii in participatum συμμιλογησέως & suavissimæ
 inquisitionis mecum venire velint, neq; examen cuiusquam, qui de tali-
 bus iudicare quieverit, defugio. Palma in medio posita est; & tam vincæ
 sententiæ alijs quàm vincere sententiæ meam habeo pro decore; quippe
 Veritatis τῆς ἐν τῷ βυθῷ, causa est quæ agitur. Alioquin circa genitalium
 partium structuram & nomenclaturas magnam confusionem in Anatomî-
 eorum tam veterum quàm recentium libris esse queritur Hofm. l. 2. Instit.
 c. 40. & Riol. l. 2. anthrop. c. 30. p. 269. de usu verò testium trixæ & rixæ
 sunt longè plurimæ: cognoscere est e Laurentio l. 7. Anat. qu. 2. & Bau-
 hin. l. 1. Th. c. 37. Mercurialis l. de gener. hom. Christ. à Vego l. 1. de
 arte medic. c. 3. Zacutus l. 3. de med. princ. hist. n. 26. Veslingius,
 Plazzonus, & vulgus reliquum acerrimè pugnant pro γονοποιήσεσιν testium;
 neq; neget quisquam, rectè id fieri καὶ τῷ. Sed quod contra Aristot. se
 pugnat

pugnare putant, alucinantur; nam & hic, licet vasis tribuat *σπερματοποίησιν* 3. hist. an. c. 1. 1. de gener. an. 4. in testibus tamen fieri *σπέρματος πέρι*, scil. in iis in quibus sunt, pariter adserit, 1. de gen. an. c. 12. Quare non est in re ipsa tanta discordia, si factiones & capita in concordiam venire contigerit. Non memini recentiorum quempiam hoc solo argumento, quia semen in testibus non reperiatur, testibus *σπερματοποιητικῶν* denegare: dicat Sennertus, vel Tute, quinam iste: multò alia sunt & momentosiora quæ pro vasis contra testes adferri possunt & solent; & huc referas etiam historiam meam: cui non ita facile respondebit, scio, Sennertus, quàm Cabrolly observationibus respondit; quanquam Smetii istam ne attigerit quidem, quod tamen facere oportuit; nam & eam tanquam contrariam suæ sententiæ adduxerat. Analogum quiddam testibus habere potuisse Cabrolly scortatorem effugium tantum est, ne vasis seminis confectionem in intestabili tribuere cogatur; & habuisse minime probat tamen. Et quid opus fingere analogum quid testibus, ens præter necessitatem, cum adsint vasa munere *σπερματοποίησεως*, quod testibus tribui solet, fungentia? Riolanus autem quàm sibi ipse contradicat vide: Vult seminalem materiam postquam substantiam testium intrò subiit, ibi scœunditatis characterem, quem imprimant scil. testes, acquirere; & tamen historiam Fontani de Nobili, qui etiam postquam ei uterq; testis catapultæ evulsus fuisset, è pudica uxore filium suscepit, velut creditam sibi veramq; producit: unde enim in hoc scœunditatis seminis, si soli testes eam efficiunt? Dodonæum allegat idem Riolanus ad balistam, ut loquuntur J Cti Itali, eumq; in fonte non consuluit; & proinde Te quoque, qui securus arripuisti, decepit de Hispano: Anglum fuisse scripsit Dodonæus. Risi verò, quantum satis fuit ad risum, hoc præsertim lacrymabile tempore, non admodum proclivi, quòd Te evnuchum natum vidisse putas, cum vidisti puerum cum scroto vacuo, & tumultuarius cum *φορτικῶ* illo tuo *herus*. Novi & ipse talem in familia nobili; sed evnuchum tamen non adpellem, reverens Grammaticorum & Medicorum *χάριτον*. E Galeno didici talem vocari *κρυφόρχιν* vel *κρυφόρχιδα*; occultari enim in abdomine latent testiculi, nondum in scrotum descenderunt: id quod in scœtibus perpetuum ut lateant intrà peritonæum, vel hæreant in ventris capacitate, ad os sacrum. Rulandus pater duos fratres orphanos Gundelsingæ, unum XV. alterum XII. annorum vidit, quibus suprà pectinem supra ossa pubis in ventre conditi delituerunt, à parentibus, ab obstetricibus, à tutoribus, à vulgo habitos in-testabiles, quod in scrotis parvulis nihil deprehenderetur glandosi; adi-
ejus

ejus Cent. V. curat, 97, & 98. Hosce etiam non adhibita opera medica, (quàm frustra insumsit Rulandus, testes in scrota puerorum balneis, inunctionibus, & ligaturis detrahendo) semen & fortasse fœcundum quoq; emissuros fuisse non est dubium; testes enim habebant, etsi dislocatos, non demissos in scrota; quæ demissio, cæteris paribus, generationem per se nec promovet si adfuerit, neq; si defuerit lædet aut reddet sterilem, quod metuerat Rulandus. Libautius in schol. ad aph. d. f. V. multis adesse ut intrâ ventrem conditi sint testes, eosq; ferè primis coitibus descendere fatetur: etsi minus rectè eum situm testium inter causas sterilitatis recenseat. Melius Theod. Collado observ. in Anat. Laur. c. 12. in penis distentione, cute testium sursum retractâ, testes quoq; sursum ferri adeò, ut sæpe omninò sub cute pectinis occultentur: unde quoq; vasa seminaria tum nulla ratione tensa, sed omninò relaxata semen melius profundunt; & Sennertus ὁ πρῶτος nonnullis naturale esse scribit planè in abdomine reconditos habere testiculos. Ridiculus igitur Rulandus cum suo παραρρηγνῶ & curatione. De numero librorum Biblioth. Electoralis non quæsi; gratias tamen Tibi ago pro opera; ipsos librorum titulos, loca & tempora editionum volui; Eos si per Bibliothecarium licet, describi meò sumptû cura. Eo verò etiam nomine me Tibi obstrictum agnosco, quod amicos tuos, meos quoq; esse velis; ita enim intelligo, quod à pl. Rever. Dn. D. Wellerō salutem mihi nuncias, cui fui hæctenus, perinde ac iste mihi, ignotissimus; Eum meis verbis reverenter saluta, quæso, & quoniam sic voluisti, interesse nimirum amicitiaë sauciendæ judicans, frivola illa mea, certè indigna tanto Viro obtrudi vicem muneris cum multa tamen excusatione obfer. Amplis, quoq; Dn. Wildvogelium meo nomine amplectère, Optimè Vale & Salve mi NESTERE,

Ego Cui omnia facta esse cupio, cupiamq; quæ voles

à TIBI deditissimo

Altenb. prid. Kal. Sextil,
an. 1648.

REINESIO D.

L

EPI.

EPISTOLA XLIV.

MI CLARISSIME NESTERE.

Mictus sanguinis variae à Medicis causæ enarrantur; omisere, si quid valeo judicare, suppressam per venas hæmorrhoidales evacuationem. Hanc mictus sanguinis copiosissimi (matulam enim implevit) meri, sine urinarum aquis, & crassi (quidpe in vesica restitabat, & summè angustabat hominem) magno cum impetu tandem prorumpentis hisce diebus in Pastore suburbano, ante mensem huc è Thuringia promoti, quinquagenario, gracili cum venis latis turgidisq;, & quantum videtur *σπληνικῶντι*, qui per totam vitam suam nihil sanguinis vel è venis, vel ex habitu amisit, causam videor observasse. Intra novem septimanas ter eundem paroxysmum, stato circuitu, expertus est. Cum de hæmorrhoidibus à me interrogaretur, à triennio eas sibi substituisse referebat; Vos an tale quid vel fando utquam audivistis, vel legistis? Mihi ea *μετάστασις* non videtur impossibilis ob viciniam partium ne de *ὑπὸ πύλῃ καὶ συμπαθείᾳ* quid dicam; eòq; hanc insolentem *ἀμύρῃσιν*, absentibus signis vulgarium causarum & adfectuum locorum seu partium, hepatis, lienis, renum, ureterum, vesicæ, &c. ad suppressionem consuetæ evacuationis referre malo, eòq; curam interim dirigo, dum locum affectum alium dies ostendat. Fortasse Anatomicus diligentior vias & cuniculos à venis ani ad vesicam invenerit. Hofmannus meus l. 3. Instit. c. 97. per *ἀναστροφὴν*, cum copia peccat sanguis, accidere sanguinis mictum illis, quibus singulis mensibus hac exit, ut videatur foeminarum naturam induisse, annotat; sed venas tamen è quibus ad vesicam præcipitet non determinat, & videtur sola viscera in causa ponere. Zacutus l. 2. prax. admir. obs. 69. vidit, cui aliquoties febris ardens solveretur mictu sanguinis critico, quantitate duarum librarum. Suspicioni meæ de hæmorrhoidibus, ne quid dissimulem, nihil adeò videtur obstare quàm copia sanguinis, quanta è venis ani uno impetu & cursu excerni vix potest, nisi diuturnus congestus tantum ejus accumularit; id quod tamen foeminarum menstruantibus accidere, ut insigni copia & *φορὰ* prædeant nonnunquam iis iusta, experimur. Cogitemus. B. V. & S. Altenb. d. m. 8. Ann. 1648.

Tui

Reinesius D.

EPL

EPISTOLA XLV.

S. PL.

Mi CARISSIME NESTERE.

Persuasi igitur Tibi de rustico exteste & nihilominus patre? Pœnitet cum homine non tantum incredulo (hoc enim non adeo culpabile foret) sed etiam perricace, qui tot historias, à medicis eruditis & gravibus consignatas, idem narrantes, quod ego Tibi, & negligeres & fastidiosè ceu figmenta seponeres, tot egisse testibus & rationibus. Quod enim dicebas omnem id fidem excedere idem etiam tuam excedere, h. e. Te non credere significabas. Multò cautius loqui oportuit de re, nova quidem & inaudita Tibi, at non nova & comperta aliis. Ad medicastram istius rustici injustè torques verba constitutionis Mosaicæ, cum ea Judæa non sit sed Christiana; ad quam Lex forensis & Politicæ Ebræorum propria tam non pertinet, quàm ad Te: certè Tibi eam latam esse non agnosces, si sapias: & putasne, si contingat uxorem pro viro suo se objicientem adversario casu ejus penem prehendere, ἀποχρευσθὲν ei pro pœna decreturos esse judices in Dicasteriis, Scabinatibus, Tribunalibus nostris? Sanè non adeo stulti sunt; imò, ne nescias; rusticus iste suam uxorem secum habuit adsiduam per diu pernox, quæ medicamenta ipsi, si non esset αὐτοδιδάκτορος adplicare potuit, ut eum contrectare medica necesse non habuerit. Poteras ergò tacere, cum nihil aliud retulerim ego, quàm quod curaverit eum fœmina; non addiderim, quod ipsa suis manibus; quod Tu tibi fingis ut verba Mosis epistolam tuam complerent.

De puero cum scroto vacuo errorem tuum nunquam poteris satis excusare. Paralogismus est ex insufficiente enumeratione partium specierum vel causarum natus: Puer non habet testiculos in scroto: E, nullos planè habet: E, evnuchus natus est. Intelligis enim nunc è tuis, posse habere in abdomine latentes, uti alios habuisse loquuntur observationes, & aliquando generaturum, nisi aliud impediatur. Quia facultatem suo tempore generandi habet, ecquid eum evnuchum rectè adpelles? Si quos evnuchos nasci scripsit Sennertus, nihil pro Te id facit; eò ipsò enim non negat nasci ὑποσπέρχειν, qui sanè non sunt evnuchi: hos ab illis debebas distinxisse.

Pastor ἀμυνέσθους d. X. hujus ad me venit ipse, utcumq; sanus. Aiebat octavo hujus postquam meo consilio vino usus fuisset solito largiùs, hæ-

L.

mor-

morrhoides sibi fluxisse. Præscripseram diebus aliquot continuis deglutiendas pilulas ex aloë succo cich. imprægnata & extr. troch. alhand. His absumtis successit fluxus. Cum autem etiam antequam is contingeret, dolores in hypogastrio sinistro & regione renis, qui fuerant acutissimi, ne tactum quidem ab extrâ ferentes, omnino remiserint complicatum morbum fuisse colligo; & superius quidem vexantes dolores de adfecto rene, inferius de hæmorrhoidum suppressarum symptomate testari. Casus ab Hôchstetero notatus eò differt à nostro, quod illis sanguinem per vesicam fuderint hæmorrhoidæ externæ, ut expressè indicat autor; nostro internæ, uti supposui intereà, dum aliquod verius expiscer: nec enim quidquam molestiæ in ano sensit unquam, sed tantum gravantem dolorem in ilio sinistro. Quæse quod viam mihi monstras è Bauhino ab externa hæmorrh. ad vesicam, id est ἀπορροήσεων; neq; enim hanc quæro, sed aliam ab internis ad vesicam vel penem; potest enim etiam ex hoc venire sanguis, quem impropriè mingi dicimus, etsi in vesicâ non fuerit. Imò licet vena quædam hæmorrhoidalis ad vesicam pertingat, fortasse in ejus superficie dispergitur, vel in cervice obliteratur; unde nisi eam in vesicâ fundum per ejus funicas implantari & notabili esse amplitudine demones, non poteris ex ea mictum sanguineum elicere. Quod aloë in suppressione hæmorrhoidum adhibere times, nihil est, & facis contrâ rationem: refutatq; Te ipse casus noster & totus practicoꝝ chorus. Quod ais tutum non esse ejus usum, vellem dixisses, quâ suâ facultate intuta sit aloë, & definivisses quibus: aliud Te docebit Scaliger Ex. 160. l. 3. Matthiolus ad Dioscor. l. 3. c. 22. Sennert. Pr. l. 3. p. 2. l. 2. c. 12. qu. 2. Incommodare potest ejus usus hæmorrhoidas patientibus ob igneas partes: at noster non patitur hæmorrhoidas, sed pati debebat pro naturæ suæ ratione: & cum eas ordinariè pateretur, nihil adversi circa valetudinem sensit: Adi Minder. aloëdarium c. 10. *der wird dem Herrn aus diesen seinen Träumen* de aloë helfen. Nunc restat, ut observarem in isto meo, an ordinariè fluentibus hæmorrh. nihilominus dolores renales reversuri sint; si redierint è rene, sinistro defluxisse mictum sanguinem concludam potius quàm ex hæmorrh. in vesicam se insinuas, quod videbatur prius. Copia sanguinis, ejusq; uno tantum mictionis actu (secutæ enim eum sunt proximè urinæ naturales & limpide) secedentis dubiam mihi reddit conjecturam de μεταστάσει ex hæmorrh. in tu eam stabilire vis ex adfecto splenæ nostri, quo fiat, ut in vena cava sanguis calidior & adustus colligatur & ἀσπόμεν ad famum epigastricum præcipitetur. Verùm quid loquaris non intelligo. Quid

Quid enim venæ cavæ communionis cum splene? nullam agnoscunt anatomici: sed venam portæ adhærere spleni tradunt. An sanguis quem elaborat lien apud Te in cavam traditur? Nemo medicorum ante Te hoc docuit: alios sanguinis lienaris usus, & quò didatur iste, nimirum confici pro alendo liene, ventriculo, intestinis & aliis ventris inferioris partibus, eòq; dividi demonstrant: An hæmorrhoides externæ (semper enim has nominas, nunquam internas) à splene derivantur? Contradiciunt omnes & esse à vena cavâ, ejus plenitudinem deplere ajunt. Vides in quem labyrinthum incideris discursu tuo, quem meæ suspicioni, (à copia sanguinis excreti desumtæ, non esse ex hæmorrhoidē) opponere posse putabas? Et licet in isto viro adfectum esse lienem non admodum negare velim; non tamen adfirmem ejus πᾶθος tale esse quod sanguinis mictu curare instituat natura. Fecerit hæc potius consilio curandæ plenitudinis, quæ est adfectus totius in eo cui sanguis nunquam missus. Non enim sequitur: Lienem malè vel præter naturam dispositus est: E. sanguinem quem mingit è liene profundit. Et quas vias è liene ad vesicam mihi, quæ sanguinem vehant, ostendes? De aquis enim scio (etsi viam à liene ad renes non agnoscat Galenus 13. m. m. c. 18.) per arterias ad renes venire posse, hinc enim illæ per urinas nigras purgationes criticæ in spleneticis, melancholicis, scabiosis & similibus. An abutetur natura meatu qui aquas vehit ad deducendum sanguinem? Imò cum sanguis à liene confectus sit ὑπερσπληνικός, ὑδαρής, λεπτός; noster crassum & qui non nisi summo conatu, tandem expressus quasi per penem, prorupit, excreverit etiam hinc mictum à nostro, sanguinem non venisse è liene manifestum facio. Remotò igitur adfectu lienis, qui causa esset mictionis istius restat conjectura secrevisse eum vel è rene sinistro, vel ex hæmorrh. internis. Si varices testium (in sinistro enim qui laxius propendere & semper dextro turgidior esse ab ipso dicitur, sentit conglomeratas quasdam ad duritiem venas instar funiculorum) aliquando dehiscere & sanguinem eructare solere à quoquam observatum meminissim, non invitus eò perpenderem sententiæ, ex iis hiascentibus ob copiam sanguinem per penis ductum prodiisse: prodiit enim non permixtus lotio; & è vesica igitur, quæ nunquam omnino vacua, non prodiisse videri posset. Sed ἄλλως δρῶντες: feci ut sententiam meam redderem probabilem, & ostenderem Tibi ἀνυπαγορίστην tuam in argumentando pro mictu eruento è liene: quæ si me amas, candidè interpretaberis. Facile autem Tibi perinde ac cuivis alteri permitto porro dissentire, modò id eum ratione facias, & contra fundamenta præceptaq; artis & experientiam

L 3

tiam

etiam artificum nihil decernas. Catalogum Biblioth. Electoralis amico, qui Helmstadii hodiè agit, eumq; per me sibi procurari petiit, transmissurus sum: quare matura curare ut describatur. Pro opera satisfaciam Tibi, quamprimum ille mihi; quod sanctè recepit. Dubito in ea contineri libros rariores, præsertim Græcos ἀνιδότους, quos ego præcipuè venor. Cum cremore resinæ abiegna, super quo tanta Vobis inquisitio, ecquid sit? Cupio audire iudicia eruditorum, præsertim Freibergensis illius, qui pro floribus abiectis habebat. Sulfur, quod cum pluviis vernis æstivisque, præsertim per calores intensos, decidere aliquando dicebam Tibi, iisq; collectis supernatare, etiam hac æstate, etsi non ita copiosum, collegi. Picturas meas revoco. Optimè V. & Salve à REINESIO. Altenb. 19. Aug. an. 1648.

EPISTOLA XLVI.

S. Pl.

Mi Carissime J. M. NESTERE.

Ritè abs Te factum est, quod silentium tibi tandem imponis; nihil enim restat in controversia nostra dubii, quantum quidem videre possum Ego. Verum est de ejusmodi, etiam mel esse saturis insuave; & molesta sanè res est, si eadem de iisdem toties respondere quis cogatur. Si faceres aliter, soli esses oblocuturus, simulq; amici facilitate abusus; quin & otio tuo. De duplici verò errato, quod excusare tamen frustra contendis, monere te audeo præterea, etsi impatientem talium; Ferè enim sic comparatum est nobiscum, ut, quod ait alicubi Scaliger, quisq; simus castigatorum nostrorum hostes acerrimi. *Ἀέξῃς* Galeni, quando sexcenties se in animali à patu sectò deprehendisse scribit, intestina suo complexu iis, quæ continerent, esse adplicita, tropica est & exponenda vel per hyperbolen, vel per synecdochen, qua numerus definitus major aliquis, in definitum magnum significat, eòq; vocula *Sexcenties* per multoties, sæpius, creberrimè. Habes sæpiissime apud Ciceronem, aliosq; autores classici: *Sexcenta talia possem proferre; sunt mihi sexcenti in hanc rem testes*; ubi sexcenta permulta, plurima explicari debent. Quin & in istò Græcorum, *εἷς ἰμοὶ μύριοι*, i. e. unus mihi instar millium; *μύριοι* seu mille illi non sunt tot numero, sed multi, sed plurimi. Similem hyperbolen in scripturis etiam sacris observare est, quæ multitudinem & copiam alicujus rei denota-

cura,

turæ, multiplicatam eam dicunt præ stellis cæli & arenis maris: Gen. 1. 5. 2. 17: 26. 4: Exod. 32, 13. Nahum. 3, 16. Nehem. 9, 13. & alibi passim. Eodem tropo utuntur eadem in vocula septies, quam poni pro multis, Gen. 4, 15: 33, 3. Jobi 5, 19. Psal. 12, 7: 79. 12: Prov. 9, 1: 24, 16. norunt omnes docti: Deprehendis igitur nunc quo vitio laboret collectio tua: Galenus hoc vel illud Sexcenties deprehendit in secto à pastu animali: Ergò animalia à pastu sexcenties secuit. Debebas sic arguere; Galenus multoties & vel sexcenties deprehendit in animalibus à pastu sectis: Ergò multoties animalia à pastu secuit, Id quod nemo tibi negabit. Id verò quod erat de sexcentis sectionibus, numero rotundo, non pluribus, non paucioribus, propriè, est immane λάπισμα, ein allzuweites Schuß / sed contra Galeni mentem: neq; potest è verbis hujus confici. Vim & significationem dictam γνώσεως Galenicæ non adtendens penetransvé Afellius, & lapsus est ipse & te non satis cautum decepit. Impertinenter verò huc advocas Cl. Sennertum; loquitur enim ibi è mente Afellii, idcoq; cum etiam αὐτολεξεί exseribit, in gratiam eorum ad quos fortè Afellii opusculum de Venis lacteis non pervenit, & ut sententiam ejus, ipsius plane verbis, proponat. Neq; imputandum propterea Sennerto quasi verba Galeni cò sensu quò Afellius capiat, statuatque, Galenum tot viventium animalium sectiones administrasse. Inspice verò textum & mirare simul errorem tuum. Dejerare ausim idem responsum & interpretationem eandem te à Sennerto accepturum, si super isto loco Galeni eum consuleris; quando adhuc in vivis esset. In τὸν servisse amorem plenâ manu, graviter errasse diffiteri non debebas; quod autem excusas præterea, eo culpam magis facis conspicuam. In compositis à verbo sero eâ forma præter ordinariam habemus præterita ut *conservisse, differuisse, &c.* Sed tum alia significatione sunt quam simplex cujus præteritum semper *servi*, nunquam *servi* formatur. Vellem effati tui, *obsoletum esse τὸ servi à sero*, ex antiquitate testem produceres; etsi obsoletum esse nôras, habebasq; aliud usitatus, cur hoc non utebaris? Ista enim κακοχρησία potius est; & fatua cæcorum adfectatio. Cave autem opponas Grammaticum & Medicum. Scientiæ enim horum sibi πῶς subalternantur, nisi barbarorum & eruditorum Medicorum in classem referri habeas in promiscuo. Seria ea res est & nos à barbaris & imperitis Medicis unica discernit, literarum elegantiarum studium & cognitio artium humanitatis; non igitur joco transigi à te debebat, seil. *medicos non vivere in Tulliano vel Tusculano*; Ergone ex officinis barbaricis, in quibus nec linguarum nec artium cultura ulla, producis

mihî

mihī vitæ humanæ arbitros, valetudinis magistros, toti humano generi utilissimum hominum genus medicos? E Tusculaneis, ex Academicis, è Lyceis, è Musæis prodeunt tales; in quibus si qui plus profecere, eò nomen dignitatemq; suam tuentur felicius gloriosiusque. Petis ut tibi condonem, si quid erraris humani; nunquam detrectavi; facerem enim convivium humanitati; at indicare tamen salvâ modestiâ meâ & autoritate tuâ, si quid errares, potui. Beatum Te si intelligis & amico sana monenti *συμπεριφεύγῃ*! Ignoscimus errantibus, præsertim *ἀεὶ ὁσίων*: sed oportet hos errorem agnoscere. Tu verò cuilibet solœcismo, cujus argueris sine injuria, colorem quæris, & temerè excusas, quæ nullam excusationem merentur; Qua igitur fronte petis ignosci tibi, si nihil dum admisisse vis videri? Mera *ἀσύνετα* loqueris. Dic verò, mi NESTERE, quorsum evasura res esset, si ad omnia cæcutiremus, si nemo erranti monstraret viam? In beneficio reponere ego soleo doceri, castigarivè ob meritam noxam, ut loquitur Plautus; tu propterea stomacharis. Sed horum *ἄλλος, ὡς ἄνθρωπος* De ne- nidone ad tumultum N. amici mei desideratissimi ago tibi grâtiâs; Exhibe iste cum *λόγῳ ἐπιμνηστικῷ* propediem è bibliographicjo nostrate, in quo hæret. Eras monendus de quodam prosodiaco errato; sed quia me ægrè perfers, ab aliis expectes pipulum licet. Fortasse etiam hic, non ut Poëta, sed ut Medicus egisti, (sic enim soles excusare *παρορμήματα* tua) & propterea, sed te solò arbitriò, licuit tibi leges prosodiæ migrare. Viden' quanta ex excusatione tua, qua de supra, absurda, pullulent, si vel semel admittatur: Ita scilicet, nihil erit tam falsum tam ineptum cui non sit parata defensio: Quò verò candor me meus trahit? Tu, mi NESTERE, benè longumq; V. ac S. Scrib. Altenb. 6. Sept. 1648.

Tui studiosiss.

Reinesius D.

P. S.

*Cum ob signasssem has ad Te, mi NESTERE, incidi in Eusebium de Pre-
parat. Evangelica relego, in similem ubi μύριοι pro sexcentis seu multis po-
nuntur, locum. Ita verò iste l. 15. c. 32. Ταῦτα πάντα διαμυείων τοῖς φι-
λοσόφοις κατεσκευασμένα: qua ita reddidit Frane. Vigerius Soc. Jesu: Hac
omnia sexcentis Philosophorum Disputationibus agitata: quod idem est ac
si dixisset, multis Phil. Disp. agit. Adsentieris igitur mihi, spero; quod de
verbis Galeni scripsi. In præter ejus Græca erit vel ἱερασιῶς, vel μυείας.*

EPI.

EPISTOLA XLVII.

Salutem!

Mi CLARISSIME NESTERE.

ADsurgis igitur post inutilem cunctationem & contradictionem frustraneam Veritati? hac enim nitebatur narratio mea; non soleo cuiquam fumum vendere, nec extollere in majus quicquid ad illustrandam artem nostram pertinet; quæ ipsa nihil minus admittit quàm histrioniam. Prosper Martianus Prof. Romanus è Disp. quadam de Chylificatione habita Jenæ an. 1645. à D. Mæbio mihi innotuit; annotationum ejus in Hipp. etiam, ni fallor, meminit Marcus Aurelius Severinus Med. & Chir. Neapolit. in suis scriptis: Ipsas videre mihi nondum contigit. Significas an *εἰς ἐκκριντὰς βίβλους* Hippocratis, an in partes ejus quasdam sit commentatus. Libri de morbis IV. & II. de muliebr. licet à doctissimis interpretibus P. Salio & Maur. Cordæo enarrati multi etiamnum continent obscura & dignos vindice nodos; quos si solvit iste, vir sui nominis & verè Prosper mihi fuerit. Sensus eorum, quæ ex ejus comm. mihi descripsisti, hic videtur esse: semen ut sit prolificum non accipere à testibus: hoc velle Aristotelem, & in hoc se ei consentire; improbare verò usum testium, quem iis assignat Aristoteles, quemq; Galenus vehementer exagat I. de Sem. c. 15. In utroq; me habet *ὁμοῦ-ζυγον*; in reliquis semen decidi ab omnibus partibus corporis, & attrahi à testibus, & nutriri eo testes non item. Primum post Democritum Empedoclem aliosq; etiam Hippocrates tenuit; hoc enim volunt ejus verba, semen circa unamquamq; corporis particulam redundare vel ut excrementum ultimum alimenti: sed rejicitur ab Aristotele I. de gen. 17. & 18. & sequuntur hunc anatomici exercitatiores omnes: nimirum ex ipso vasorum præparantium, quorum unum à vena cava, alterum à sinistra emulgente pullulat, exortu adparet, non sanguinem illum qui ultimò partibus allapsus est, sed cum qualis in vena cava continetur & partes nutrire aptus est adsumi, retineri, alterari & rudem seminis formam accipere à præparantibus. Alterum semen à testibus attrahi est contra propriam ipsius hypothefin: quomodo enim trahent è vena cava, cum non continentur cum eâ, ne quidem per vasa præparantia; hæc enim non cum testibus, sed cum deferentibus communicare ipse adstruit. Tertium semine nutriri testes tam falsum est quàm ventriculum ali chylo: quod paradoxon tamen defendit Hier. ab Aquap. meritò propterea ab aliis, etiam discipulis

M

pulis

pulis suis, desertus: adi Afellium de ven. lact. c. 21. Hofm. tr. de liene c. 21. comm. ad lib. de usu part. no. 200. & 259. Et cui bono essent vasa per substantiam testium glandulosam dispersa purima, si nutrentur à semine quod ipsi sibi confecērunt? quo argumento utitur Sennertus ut à ventriculo removeat nutritionem chylosa substantia factam, quam adferunt nonnulli, inprimis Cæsalp. l. 7. spec. art. med. c. 1. & ex parte Avic. & Fallopius: (V. Bauhin. l. 1. anat. Riolan. l. 2. c. 20. inprimis Laurent. l. 6. qu. 20.) Venæ quas ventriculus accipit à portæ venæ, & arteriæ quas à Cæliaca, in ruborem dant illos qui ventriculum chylo volunt nutriri, inquit Hofm. l. 2. iustit. c. 30. §. 8. Ego similiter: vasa quæ testium substantiam perreptant, confundunt illos qui testes semine nutriri putant. Verba Legis Mosaicæ simpliciter applicabas Medicæ rustici nostri: aiebas enim pudendum esse quod vulnus in genitalibus viri tractârit scæmina, cum Moses scæminæ genitalia alterius viri in duello corripienti pœnam constituerit manus amputationem: quid apertius quàm te è verbis Mosis argumentari contra Medicam? Injustè autem istud Te fecisse agnosces tandem si cogitaveris Molen de contrectatione vel violenta, quæ damnum vasi inferre posset, vel è libidine profectâ loqui: non intellexisse eam quæ vel casu vel salutis hominis causa fieret. Certè à finibus modificantur omnes actiones: unaq; & eadem pro diversitate intenti finis vel culpam incurrit vel meretur laudem. Ego nostram, quod benè homini misero, cui aliud consilium non erat, fecerit, sive inspexerit solùm, sive attrectaverit adfecta loca (quod juxtà incertum est) nihil admisisse contra pudorem matronalem; multò minus incurrisse aliquam pœnam existimo; si Tibi nihilominus videtur aliud sis sanè ἀπάνθρωπος ὁ Δράκων, cujus leges ob asperitatem sanguine non atramento scriptas aiebat Demades.


Conatum tuum de asserenda ἀμνηστία è venis hæmorrh. in Pastore nostro refutant non tantùm ea quæ nuper dicebam, maximè quantitas excreci & modus excretionis: sed inprimis quæ interea evenerunt. Ab eo enim tempore quod nuper significabam, ex intervallo subinde fluunt ipsæ hæmorrhoides, iusta copia, sine ullo symptomate molesto, plerunq; per biduum; & recruduere tamen dolores flanci sinistri, uti referebat uxor ejus die Saturni 10. Sept. quibus etiam medicamenta opponere opus fuit; addebat, ante triduum semel, cætera sat sanum & inoffensa valetudine mixxisse urinas loturæ carniū similes; iis supervenisse dolores dictos: adferbat etiam congelatum sive è carne, sive quod ego puto è sanguine crassiore concreto constantem grumulum seu glebulam pisæ majoris quantitate;

ea cum urinis procefferat fabæ magnitudine, mollis & lubrica primum: tum ab aëre externo indurata paulum & contractior.

De aloë pergis philosophari, sed infelicitè; Quis Te docuit aloën esse inter electivè purgantia & evacuare trahendo? Ais enim humores acres & bilolos è remotis partibus ad vesicam deducere; nemo sanorum medicorum nisi in classe τῶν ἐκκροφητικῶν aloën reponit; prævit Galenus l. 6. de simpl. med. fac. Mesue de ea; Est de tardè solutionem facientibus, & sua operatio non multum extenditur in corpore. Quare nihili est tuum illud φιλοσόφημα. Si hæmorrhoides referat sumta aloë, quod fateris, cur ei cui fluere debent, cui cum fluxissent antea restitant præter naturam, absente eò quicquid ejus usum prohibere posset, exhibere nolis? Eo ipso enim quod non fluentes revocat, avertet derivatum ab iis ad vias urinæ sanguinem, non quod tu times eò deducet; nam & hoc tuum est dogma, aloën humores ad vesicam deducere, & novam idèò circa doctrinam de simplicium facultatibus hæresin condis. Quod autem non conducit hæmorrhoidas patientibus fit quia ἀνασφραγιστική est h. e. quia referat oscula venarum, cum adfectus indicet earum occlusionem, non quia, ut tute reris, humores deducit ad venas ani; quid quod vis ejus qua hæmorrhoidibus & ano nocere scribitur lotionè corrigi solet & additione mollificantium, bdellii, tragacanthi & similium? Sed horum desino, B. V. & S. d. 30. Aug. 1648.

Την

Reinesius D.



EPISTOLA XLVIII.

CLARISSIME NESTERE.

HElmontius Brabantus, quippe natus Bruxellis, non Batavus est, ut putas: Ejus ante 20. annos meminit Heinr. ab Heer in observat. sed empiricum indigitat: diu vixit Colonia, Opuscula quæ Colonia an. 1644. excusa sunt, videntur esse quantivis precii mihi, Imperfectionem artis medicæ, hoc præsertim seculo, sine adminiculis Chemiæ considerata, nemo non intelligit; nemo etiam ignorat multa in scholis Galenicis tradi dogmata Juventuti quæ vel ad praxin nihil conferant; Imò deploramus tan-

M 2

dem

dem cum agnoscere fucum à Præceptoribus nobis factum incipimus infelicitatem nostram plerique; & hinc quæ ipse initio Tamuli pestis de suis in Academia Lovaniensi studiis & mutato vitæ genere narrat digna sunt quæ tironibus artis medicæ omnibus maturè innotescant. Saltem majori modestia, præsertim quando medicis Cathedralicis, quorum intemperies non excusam planè, inequitat (quod unicum sibi videtur habere propositum) verum tradidisset; & haberet adplausores plures; nunc illa *φορτικὰ σκώμματα* quibus suos libellos stipavit, animum malignum & in confusionem despectumq; proximi unicè intentum arguunt & probantur aemini probo. Sunt etiam multa ejusmodi quæ cum principis usitatis & præceptis facillè conciliari possunt tanquam subordinata; & propterea omnia vetera uno quasi ictu convellere posse præsumere temerarii hominis potius est quàm prudentis & communis boni seriò studiosi. Satis etiam notæ sunt ardelionum Paracelsicorum, *τερβόων*, somniatorum, & Mirabiliariorum artes; promissorum nimirum vani sunt pleriq; & cum inaudita præstare posse videri velint, cum in rem ipsam ventum est vel infrà Galenicorum profectus subinde consistunt, vel per mortes experimenta agentes cum morbis ipsos ægros jugulant: cum isto genere an partem aliquam habeat Helmon-tius, an secus, judicent dicantq; qui hominem novè propius Tungri Ebunones, Ubii, Brabant, Flandri, Batavi, & alii per Galliam Belgicam eruditi, imprimis Lovanienses & Leidenfes Medici: Fortassis nundinæ futuræ aliquid de ipso, si non in ipsum, parturient; miraborque, si intra pulpita nihil de ejus nomine insonuerit: Certè non debent scholæ ejusmodi *θράσωνα ἢ πλειστονίαν* silentio transmittere; neq; tamen fastidiosè aspernari, si quid salutare monuit. Est enim cuilibet homini sua hora. Si substantiam quam ego pro sulfure aëreo & cum pluviis demisso habeo, rusticis vestris habere pro polline abiegno placet, nihil id præjudicat veritati; neq; miror; oportet enim judicicia vulgi & doctorum discrepare. Interdum verum vulgus videt, est ubi peccet. Catalogo biblioth. Elect. describendo nolo Te ultra fatigari. Seposui eam cogitationem prorsus; cum quod tot in re ambagis videam, tum quod tanti non sit. De iis saltem, quæ adpellas Suidæa, plenius me edoce; describe autem mihi verba initialia aliquot, itemq; clausulam; adsignatò quot paginas ea compleant. Optimè Vale, mi NESTERE, & Salve

Α ΤΗΟ

Scr. Altenb. 16, Sept.
1648.

REINESIO D.
EPI.

EPISTOLA XLIX.

S. Pl.

CLARISSIME NESTERE.

Nihil adeo continebant nuperrimæ Tuæ, de quo respondere me Tibi oporteret; officii igitur tantum & salutationis causa has huic dedi. Saltem hoc *formulas Cylindræus* quas mihi vidisse ais, esse mihi nebulam pictam in pariete. Nosse enim debebas formationem vocabulorum in **ACEUS** designare ut plurimum materiam & colorem; sic oleaceus, formaceus, polentaceus, fursuraceus, limaceus, porraceus, coriaceus, scorpiaceus, æraceus, testaceus: Tu verò præter Grammaticorum regulas & contra analogiæ rationem etiam cum figuram significare vis hac formatione abuteris, cum retinere posses Græcum *κυλινδρῶδες* vel Latinum Cylindriformes adhibere. Si dixisses Cylindratas Gazæ autoritate qui hoc vocabulum finxit in 8. hist. de plant. Theophrasti, aliquā tueri te posses; & te intelligerent docti; fortasse Calepinum nobis aucturus es, audaci atq; inutili vocabuli fictione. At ignosce joco. De re ipsa, excreto insolente quid sentiam exponam cum reliqua istius ægroti per Te rescivero; sine quibus inaniter fatigabor ætiolando. De Helmontio iudicium nondum muto: Erro est: Si tibi in multis satisfacit, cur id curent alii, quibus non satisfacit, nisi cum se calumniatorem prodit? in hoc enim artificio mirum quàm excellit, plurimum valet & facit plusquam satis. Libros Variarum si X. futuros minimum scripsi Tibi privatim an. 37. anno autem 40. publicavi Tres priores, facile Tibi etiam dormitanti fuit colligere me consilium mutasse & datum sex publicè profiteri. Est autem in talibus hominis voluntas maxime ambulatoria nec præjudicat constantiæ ejus quidquam: & dic mihi, *τὸ γὰρ*, cujus tandem interest de *Cute* quid faciat ILLE vel ISTE sua? Poteram ego libros quos X. futuros scripseram semel, uno volumine comprehensos non numeratos edere, & repræsentarem nihilominus uno eo illos decem. Quare pilam quam in me jacere minaris, inconsultò te cepisse nunc intelligis, & fuisse adeo simplicem ut Epistolæ meæ verba è titulo Variarum mearum interpretari nequiveris, (semper autem priora à posterioribus capiunt interpretationem) vel tam iniquum ut cum posses nolles. Benè Vale, mi NESTERE, & Suidæa è vestrate Bibliotheca, si potes, mihi cura. Scr.

Altenb. Kal. Nov. an. 1648.

T. amantiſſimus

REINESIUS D.

M 3

EPI.

EPISTOLA L.

Sal. atq. Off.

CLARISSIME NESTERE.

Nondum finis narrationis de morbo Pastoris Cosmani. Ab eo tempore, quo scribebam, satis benè habuit, habetque: Die verò Lunæ 2. Oct. horis pomerid. cum urinas reddidisset quasi loturam carnis, mox cylindrum sanguinis concreti floridi, dimidio minorem nupero concremento exclusit, & urinas immediatè proximas exactè quoad omnia naturales; ita die 3. ad me visens Ipse: tantum de in flanko sinistro versus spinam ἀρυσικῶ τινι, sive ἀρὺς φύσιν renitentia quadam & ad exspiratum inspiratumve contentiorem gravativi dolorculi sensu queritur. Renem læsum esse insigniter & ejus παρέγχυμα minari corruptionem apud me non est dubium; huic malo quid provideam delibero: subinde etiam ruminor quod de varice sinistri testis cognovi; an fortasse etiam huic imputari possit excreti hoc genus. Historia vermīs à Schleinitzio mihi perfectius cognoscere aucto: an Medici non secuerunt cadaver? certè pulcherrima ea occasio fuit rimandi ejusmodi ferarum interancarum cubilia & origines, quæ al'is satis sunt obscuræ. Hauferat iste meus suo pte consilio aliquoties, cubitum iturus, spiritum vini infusionis baccar. juniperi: an hinc θρομβωσέως hujus causa peti potest? memini enim ab esu crebriore ἀρμευθίδων urinas cruentas processe nonnullis; vidisseq; idem testatur Carolus Piso: quod alii alii esui largiori imputant.

Helmontium talem esse qualem descripsi Tibi, ὑψιγρόαν καὶ λοιδορον, vel ex eo intelligere nunc potes, quod asciten à renum vitio *ignotum*, cæteris nimirum medicis, à se autem solo, nimirum αἰτῶ ἐν νεφελῶς, visum cognitum gloriari præsumsit. Renes enim in officio segnes, etiam salvo hepate lieneve, tam calidum quam frigidum asciten caulari dudum est cum ex observat. Schenkianis didicimus, idemq; præter Platerum, Car. Pisonem, Sennertum adstruxit Hofmannus l. 3. Instit. c. 67. 68. & Pathol. parvæ c. 22. §. 5. Quo si nescivit Helmontius, inscitiam: sin dissimulavit, malitiam suam prodidit. Nihil itaq; vidit hic quidem παραπλῶς iste quod non vidissent alii multò oculatiores Philosopho per ignem. Marmora Arundelliana de manu Nobiliss. Dn. à Friesen venerunt in tempore; fervet enim nunc opus, cum à reliquis gravioribus curis ferari aliqua licet. Digessi quas nactus sum Grutero vel præteritas vel non visas, quasi bis mille, in

Classes

EPISTOLÆ.

Classes XX. similiter Gruterianis : Commentarius qui intra classem primam (hæc enim inprimis copiosa est & reconditæ eruditionis) mihi adhuc consistit, centum excedit quaterniones: Index erit capitum XXIV. ipsiq; operi amplitudine æqualis: an suffecturus sim edolando operi *θεῶν ἐν γένεσιν κείται.* Ibo, quod potero. Postulant quidam solas inscriptiones edi nunc, post commentarium; sed nolo ego deludere lectorem, uti fecit Gruterus qui quas dedit nec emendavit satis, nec explicavit: cui autem bono legi antiqua repolta ista & non intelligi, vel incorrecta legi. Variarum libri tres posteriores (lex enim promisi, non decem, uti mihi adfingis) confecti extant in forulis, & potuisses coram inspicere, si desiderasses: In iis multa medica sunt & adversus Barthium plurima; luctabuntur autem cum blattis dum idoneus adpareat Typographus. Neq; enim licet, neq; expedit privato sumtu eos extrudere ut priores; è quibus, cum eorum editio trecentis florenis me emunxerit, ne teruncius quidem ad me rediit. Pro Filio nisi Tu me rogare destiteris, ego incipiam negare; & quidem licitè negantur, quæ exhibere nequeas: agnoscis candorem meum cui nihil magis repugnat, quàm vanè promittere quod præstare haud possim. Suidæa, quæ ajebas, expecto, uti & picturas quas filium redhibiturum esse scribebas: hic autem post carecta latet & nusquam comparent istæ. Benè V. & S. mi NESTERE. Altenburgo 5. Oct. an. 1648. quo felix de constituta tandem Monasterii inter partes pace nuncium ad nos venit.

P. S.

T. Excell. studiosiss.

Ampliss. Dn. Wildvogelio vicem
reddo peramicæ salutationis.

Th. Reinesius D.

EPISTOLA LI.

S. Pl.

MI CARISSIME NESTERE.

Parcius ista mihi tamen objicienda memento. Si meæ, in quibus errantem Te liberè & sine ulla indignatione moneo, quod amici officium est, cholericæ sunt, Tuæ, quibus quàm impatienter feras castigatorem prodis & muliebriter indignaris, Te atrâ bile vexari planum faciunt, Ecquis autem nostrum gravius laborat? Non Cholera faciebat ut Te re-
pre-

prehenderem & joco adspicerem præterea: sed amor Veri & candor mihi congenitus; quem si in me ferre non potes, jam ædes quantum ad me habebis liberas: non obtrudo Tibi meorum quidquam: sed nec tamen obtinebis, ut rationibus tuis acclameis *ὦνα καὶ θαυμασῶς*! De Calvisio Tibi dico; fidejussor tuus fidejussore indiget, juxta Ebraeorum proverbium; eiq; plus nemo credit, quam sibi credi debere legitime probaverit. Magister iste trivialis non est Dictator, neq; ea autoritate in Comitibus Litterarum, qua civitatem Romanam vocabulo malè ficto dare possit, testimonium auctoris classici mille Calvisiis potius mihi erit; id producto, si potes: & adquiescam. De Helmontio quæ scripsi ex intervallo, ea non pugnant inter se: si Tibi videntur pugnare, acumen ingenii tui facit, qui plerunq; tria vides, cum tantum duo sint: Nobis non licet esse tam beatis. Colligas per me licet ex isto sterquilinio uniones; sed hoc tamen scio Te manus permerdatas relaturum. Viro, quem calculos, progressis formulis cylindræis minxisse ais, læsum fuisse vesicæ musculum ex attritione, immane paradoxum est, ne dicam absurdum; ecquod signum mihi dare potes solutæ continuitatis, ut sanguinem fundere posset, in musculo? Tantam læsionem necessariò sequeretur impotentia continendi urinam seu mictio involuntaria: quæ quia non aderat, quomodo adeò insigniter læsum fuisse musculum dicere audes? multò probabilius est è renibus vel ureteribus præcipitatas fuisse tuas cylindræas formulas. Suidæa vestra recipis, nulli usui sunt ob nimiam brevitatem. Ampliss. Dn. Wildvogelio, cujus interven-
tu factum esse vides, ut ea mittere mihi posses, plurimam à me salutem. Optimè Vale, mi CL. NESTERE, & me ama. Scr. Altenburg 28. Nov. an, 1648.

Tuis

Reinesius D.

EPISTOLA LII.

CLARISSIME NESTERE.

Quid die 10. Sept. de mariti sui valetudine ad me pertulerit conjunx, habuisti in nuperrimis literis; præscripseram tum pulverem è Tartaro Vitriolato, troch. de alkek. s. opio, g. lacca, mag. ocul. cancr & succin. in XII. partes dividendum, & quotidie unam sumendam cum brodio; ad dolores atrociſ,

atrocis, flanci sinistri mitigandos pingued. cunicul. c. ol. rosar. & mastich. adhibere jusseram. Paruit : remiserunt inter horas 24. ab acumine suo dolores, urinæ, quas quotidie observare præceperam, præcessere sine impedimento naturales. Dieverò 16. hujus, quo manè quintam pulveris dosin forbuerat, ipso meridie cum in aræ ædium parochialium deambulans micturiret & fecessisset in cubiculum, sensit urinas morari nonnihil ; cohibito igitur paulum egerendi nisû tandem repetiit, & unâ substantiam carneam teretem oblongam, cylindri forma, sive vermem adpellare licet, cujus picturam vides, protrusit è canali penis, quem mox urinæ instar loturæ carnis, crassæ & copiosæ secutæ sunt. Eum odore virosô & gravi, qualem lotium vetustate corruptum exhalat, intrâ horam, postquam per vias mictuales emissus fuisset mortuus, & uti adparet mutilus altero extremo : Ipse mihi attulit spei plenus bonæ, & stupore tamen quodam, quoddâm foedum animal hætenus intrâ se aluisset, tactus. Jussî pergeret uti pulvere & quid singuli mictus laturo sint accuratè observare. Picturæ seu turundæ carneæ, sive feræ longitudinem, crassitiem & colorem è nigro viridantem seu luridum cum maculis latis antris duabus ; item rostrum seu corniculum colore gilvo seu figulino crenatum sive scabrum hirtumq; exhibet ; in incisa nullam capacitatem deprehendere potui, sed constare è fibroso mucosoq; tabidam carnem referente concremento. Hæc bestiola, si fuit, in rene stabulans quin ἀμύγησις, qualem Tibi descripsi nuper, quovis scabro acutove calculo citius, perterebrato nimirum vase insigni, causari potuerit apud me non habet dubium. Si quid mali præterea reni inde vel ureteri illatum est dies docebit ; neq; enim illæsum existere vel hunc vel illum imaginari possum. In observationibus Schenckianis l. 3. c. de vermib. vesicæ D. Viscerus Med. Noriberg. vermem calami scriptorii crassitudine, longitudine digiti minimi mingi vidit quam pariter dolores hypochondrii sinistri diurni & ex excretio sanguinis meri fuerat prægressa, sed vivum & integrum ; unde de essentia ejus certiùs pronunciari potuit ; similes Tulpius l. 2. obs. 49. 50. 51. & alii apud Forestum l. 25. obs. 34. & Senn. Pr. l. 3. p. 8. f. 1. c. 2. quod hic secus est ; ut tam de concremento ex humore excrementitio vel putrescente alio in renis vel ureteris tubulo à natura in simulacrum vermis formato, quàm de animali, quod dum viveret rofionibus in flanko sinistro adedò molestum esset hospiti suo, probabiliter suspicari & adfirmare liceat interea, dum scientia certior emergat.

N


Veniet

Veniet intra paucos dies ad Vos civis Weidanus & Pharmacopœus in patrio opido Valerius Sontag / aliquando nostras, questum de injuria quam ipsi inturbando professionem inferre minatur ardello quidam, & ipse *φαρμακοποιον* profitens. Eum ut benignè audire tum velis, ejusq; negotium Dnn. Consiliariis recommendare maximoperè abs Te contendo. Vir est probus artisq; suæ benè gnarus; sed planè redactus ad incitas; sanè dignus meliore fortuna & commiseratione Patronorum. Indignum etiam est apum victu & laboribus frui inertes fucos; talem petit ipse à suis præsepibus arceri autoritate magistratus supremi. Optimè V. & S. Altenb. 18. Sept. an. 1648.

Tui observantiss.

amantiss.

REINESIUS D.



EPISTOLA LIII.

CLARISSIME NESTERE.

IN enumeratione morborum Vesicæ, Symptomatumq; circa mictionem, & in digerendis eorum causis multò diligentiores fuisse video antiquos recentioribus; & meminere igitur fluoris sanguinis è vesica Cælius Aurelianus l. 5. de chron. pass. c. 4. Aet. tetr. 3. serm. 3. c. 3. Paulus l. 3. c. 45. *αἱμορραγίαν νεφρῶν* vocat à loco adfecto, similem ei quæ ex hæmorrhoidibus. Expresè verò à suppressione hæmorrhoidum mictum sanguineum oriri docet Nicolus serm. 5. tract. 10. c. 19. & Savonarola Pr. tr. 6. c. 19. rubr. 19. Etiam Alex. Benedictus l. 24. c. 22. & Duretus schol. in l. 1. Holler. de morb. intern. c. 48. à menstruorum. At quò minus ob suppressas eas primariò & proximè in hunc adfectum incidisse Pastorem istum existimo, facit modus excretionis & qualitas qualitasvè excreti: factus nimirum sanguinis mictus fuit confertim, unò impetu, & largissimè, sanguinis crassi, floridi, æeri: hæmorrhoids autem fundit exiguum, sensim, stilletim, & intervallis quibusdam, ut scæminis menses decurrere solent, (sæpè etiam sordidum & cœnulentum, ammixtis humoribus cœnosis aliis) qui non repente à prima eruptione desinunt, ut in nostro *αἱμορραγία* cepit subitò & desit. Renibus autem largam sanguinis profusionem sive *πείρασον* ad curandam plenitudinem totius & abundantiam ejus minuendam, sive ob

ob privatam eorum morbum, solutam unitatem eveniat, tribuit Galenus comm. in aph. 78. f. 4. & interpretes omnino omnes idē, quod venæ in iis magnæ sint & quod ad eas sanguis plurimus veniat cum æqualitate, ex Avic. Niculus l. d. & Mercur. Pract. l. 3. c. 31. Duretus l. d. τὸ ἀπὸ ταυτομάτου, i. e. sponte, Hippocratis exponit ibi Gal. per repente, univ-
 „sim & copiose, qui modi in excretionē nostri contigerunt. Novum
 „planè & notabile, eodq; dignum quod tecum communicarem duxi esse,
 „quod apud Cælium l. d. legi, solere sicut in podice vel fœminarum sinu
 „aut matricis collo etiam in vesica hæmorrhoides generari, quæ fluorem
 „sanguinis præstent quibusdam intervallis variatum; quod oporteat ad-
 „prehendere prudentem, cum non coadervata primò fuerit effusio, sed
 „augmentis quibusdam promota, interjectis defectionibus, ac sæpè re-
 „tento sanguine doloris pubetenus admonitione vexante (ita lego pro quod
 „elidēre cessante: ratio huius corruptelæ petenda est è modo scribendi ve-
 „terum librariorum, qui loco X. semper ponebant S. vel ss. ut ostendo in
 „Var. l. 3. c. ult. quem non intellexēre editores) cum tensione inguinum
 „& gravedine clunium i. e. iliorum, vel renum (testes si adpellat hic scri-
 „ptor) consensu: & cum sanguis eruperit, supradictorum (symptomatum)
 „relaxatione (ita lego pro relatione) sequente. Est ipsissimus casus no-
 „ster, si modum excretionis excipias, quæ non fuit paulatim aucta (ita enim
 „inrelligo ἤσιν obscuram autoris intricatius scribentis) ut in Cæliano isto,
 „sed statim quasi momento prorupit & cessavit, doloribus simul in hypoga-
 „strio è vestigio remittentibus; nimirum vena ob copiam, quæ gravabat
 „ἀναστομμένη iterum connivente. In periodicis enim hæmorrhagiis, quas
 „Natura suo bono instituit, ad quas etiam nostram refero, non rumpuntur
 „vasa sed hiant, vel ut loquitur Cælius, deosculantur (ἀναστομνύται) dum ea
 „opus suum peregerit. Sed & hoc, mi NESTERE; Prodeuntis ex urete-
 „ribus sanguinis signum communiter statuitur, quod paucus excernatur.
 „At vidisse ait G. Steeghiius l. 8. Pract. c. 41. cui in dextro inguine excitato
 „per intervalla tumore & dolore (uti & in nostro) multus sanguis crassus per
 „urinæ ductum prodibat ab uretere, non secus ac solet à rene. Refert etiam
 „H. Saxonia l. 3. pract. c. 40. in nobili Patavino per quinque annos ex inter-
 „vallo sanguinem multum, sponte & subito, ante urinam, ex apertis venis
 „colli vesicæ vacuatum fuisse; & hac observatione refutat argumentantes à
 „copioso sanguine excreto ad adfectos renes. Singularia ista sunt & Ana-
 „tomicorum ingenia & diligentiam excitare debent, ut curiosius adq; mi-
 „nutius minimas ureterum & vesicæ conformationem, itemq; hæmorrhoi-
 „dum

dum cum vesicæ venis communionem, inquirant: hinc enim fortasse doceremur, quæ venæ vesicæ colli tantam sanguinis copiam vel recipere à partibus superioribus vel congerere possint. Naturæ quidem, cum pro conservatione sui molitur vel depositiones vel vacuationes sanguinis, omnia, puto, pervia sunt, & collo vesicæ majusculas etiam venas, quæ largius sanguinem fundere possint & supplere ita vicem hæmorrhoidum, in nonnullis implantari non habeam pro paradoxo. Ex hisce de casu nostro judicari posse puto; neq; enim quidquam tanquam penitus exploratum certumq; adsevero, dum & plenius hominem noscam, & quid cum ipso fiat in posterum resciscere datum mihi fuerit. Ero tum in omnes occasiones intentus veritatem nudamprehendendi. Optimè, mi optime NESTERE, Vale & Salve cum Tuis, Altenb. 22. Octobr. An. 1648.

Tuis

P. S.

Salutaamabò, mi suavis. NESTERE, ubi fert occasio Amplis. nostrum Wildvogelium, quo cum ut quamprimum *ὡς ἔστιν* redeat in gratiam, est quod voleo intimè.

REINESIUS D.

EPISTOLA LIV.

Sal. & Off.

CLARISSIME NESTERE.

NON erat, quòd admodum referret scribere; nolui tamen hanc horam alioquin perituram ob *δυσάρεσιν* & languorculum nescio quem, aliter prodigere, quàm si animum ad officia quævis paratissimum Vobis & deditissimum nomini Vestro testificarer epistolis quamvis brevissimo & fortassis *πρὸς τὸν ἐν χειμῶνι καὶ τῇ τῶν πραγμάτων ὄντα* importuno. *Ἀλλὰ καὶ τὰ μικρὰ γράμματα σύμβολα τῆς μεγάλης διαθέσεως πολλὰ ἄξια ποιείσθαι*, didici è Basilio. Facio ut intelligatis mihi curæ esse & animo semper observari tam desideria quàm fastidia vestra circa Collegæ designationem; tam enim contingere potest quod aversamini, quàm quod optatis, quod satis perspiciam *πρὸς τὸν μείζονα ἐπιπόρως ἔχειν* plerosque; & in hunc finem insinuari audio undiq; corrogata testimonia, quibus reddatur

com-

commendabilior, etiam tirunculorum, παρ' ὧν ἀνω καὶ κάτω θαυμάζειν φασι; Præcipue non vana suspicio est, cum qui sibi generum hunc veller, frigidius laudare alios, quamvis digniores, ut suis hic possit ἀειεῖν καὶ ὑπείροχος ἕμμεναι ἄλλων. Istæ sunt artes fucati huius seculi & nundinationes, quæ privato cuiusq; benè sit, solliciti plus satis: quicquid fiat publico, non admodum cauti. De N. scio sermones quoq; fuisse inter Vestrates; scriptasq; in eam rem commendatitias ad τὸν δῆνα; sed nostrates mussant: unde quid futurum sit coominari licet. Non admiror, si pater utrem quantum potest inflat de filio; παρασάδεια ἐν ὄξυδερεῖ: non videt quantum desit ei, cui nihil ad summam perfectionem deesse suaviter sibi fingit. Quas linguas calleat, nec scio, nec scire desiderem; In Latina frigidus affectator est; In Græca etiam ridiculus: in cæteris sarcinator optimus; & hoc publicè occantatum fuisse homini, cum de N. se venditaret, ex ipso Respondente ejus cognovi, qui adfirmabat seridò, quendam opponentium, qui ab aliis fuisset subornatus, per singulas paginas plagii eum summa cum παρησιᾷ accusasse & convicisse. N. ἡδύλογος non sunt tanti ut adtendi abs Te mereantur; ea ab optimo quidem animo profectæ, nimirum ejus qui benevolentiam inter vos sarciri cuperet; sed reverà ex ignorantia. De N. cur nihil respondistis? an & hunc collegam nolletis? Judicium de eo meum, quod è nuperis scitis, nolim præjudicare vestro; interim persuasus sum, me præter verum nihil scripsisse. Quam libenter vellem invitationi ad convivium accessorium vestræ morem gerere, & frontem hanc tot adversis, amaris, tristibus & seriis caperatam semel inter tot illustria & amica capita exporrigere! Sed fatum professionis meæ, graves officii curæ, omnem vitæ libertatem, & si quæ est dulcedinem, immò usum ejus omnem mihi intervertit. Et quis ferè ausit hac tempestate miserabili vel honestissimi gaudii captare occasionem, id delibare, eiq; indulgere? Certè mihi minimè omnium competere id videtur. Quare ut me excusatum habeatis, obnixè rogo. Rev. pl. Dn. D. Wellero, ut & Dnn. Collegis vestris occasione συσσιτίης, quod vobis suaviter decurrere & expetere ex animo opto, plurimam à me salutem dicetis, nisi grave est hoc officium. Optimè Valet & Salyete. Altenb. d. 23. Mai. An. 1649.

Amantissim. P.

REINESIUS D.

N 3

EPI.

THOMÆ REINESII
EPISTOLA LV.

Sal. & Am.

Mi Carissime Lic. J. M. NESTERE.

DE honoribus & commodis tuis, quæ me semper, quâ potui, curasse intelligere potuisti ab eo, quo primam mei notitiam venisti, tempore, Tibi gratulor: probo etiam propositum tuum, ambitum nimirum illum legitimum: qui ut feliciter Tibi procedat DEUM precabor ex animo. Pro honorifica compellatione, qua Disputationis tuæ aliquot exemplaria nomini meo consecrare voluisti, habeo gratias, & refero munusculo trium Ducatorum. Æstimabis autem animum magis offerentis quàm ipsam. In ea nonnulla sunt quæ aliter dicta scriptavê oportuit; ea verò Prætidis tui censuram subterfugisse miror; sed fortasse *αὐτὸς ἔβριχεν, μὴδ' ὅγῃ ἡγήτας*. Quod th. 27. de quodam Dialectices Professore ratum facere Diodorum Cronum narras, error est. Ille enim ipse Dialectices Professor, qui præ pudore expiravit, Diodorus fuit: quod è verbis Plinii l. VII. c. 53. planè percipere potuisti. Eadem historia extat apud Diog. Laërtium. Falsum etiam quod th. 89. de Livia Aug. vino Punico (nisi Sphalma fortassè sit Typographicum) LXXXVI. vitæ annos acceptos ferente pariter è Plinio recitas. Ecquod enim vinum Punicum quod lectoribus tuis propinas? In Utopia, puto, provenire narraverunt tibi *οἱ τετραγέης*. Varia vinorum genera recensent Galenus, Gariopontus, Al. Trallanus passim: Athenæus in 1: Theodorus noster Diata c. 12. Plin. l. 14. Cassiod. 4. Var. 4. & 12. Corippus l. 3. alii: nemo Punicum agnovit audivitvê. Pucinum adpellasses, si è Plinio potius ista quàm è lacunis nescio cujus fabulatoris hausisses. Est autem Pucinum Castellum Carnorum five Japidum in Venetia ad Timarum, tunc nobile: Iste l. 3. c. 18. Nostrates vinum illud *Reinfall* vocant. Mirabile humanæ miseræ & miserabile luxationis femoris exemplum hodie vidi in puero rustico 14. circiter annorum ex vicino pago, hîc jam decumbente, cui ex præcedentibus vehementissimis coxendicæ doloribus, quos ob nimiam partium externarum hiberno tempore refrigerationem fortè contraxerat, utrumq; os femoris capitibus suis coxarum sinibus excidit & luxatum est, dextrum nempe extrorsum & sinistrum introrsum, unde factum ut non solum propter caloris nativi alimentiq; ob venarum & arteriarum compressionem defectum abolitamq;

mem-

qui sit eum molliter suaviterq; vivere, quicquid accidere possit æquo animo expectantem; ea verò quæ jam acciderunt, fortiter dolorantem, dicentemq; super omnibus: *εἰ ταύτη τῇ θεῷ φίλον, ταύτη γενέσθω*. Non autem ista ignobilis & humilis animi lamenta: *τάλας ἐγὼ! ἐπὶ ταῦτα μετὰς πολίας ἐτήρησα*; edentem. Consilium autem tuum, quomodo hoc nodò expediri posse cogites, nondum equidem probare queo. Videtur esse præcipitis, vel certè desperabundi alicujus. Fortasse summa rei perplexitas tale sugessit, in qua si Fata viam invenerint, quod futurum esse speramus, compones astum istum animi tui, & senties aliter: Id ut ab Opt. Max. Tibi contingat, ex animo precor. Miror autem te, ut subindicas, iterum mutaturum locum. Es, ita audio, Schnebergæ inter cognatos & adfines, & jamdudum in aliqua fortasse apud vicinos famâ; si veneris aliò, jam paranda prius erunt ea, quæ jam tum parata habes. Qui Rebuspubl. tantum & civibus inservitis, non per eas difficultates inceditis, per quas nòs qui aularum simul intemperies quotidie perferimus & molestias infinitas devorare cogimur: quæ & ipsæ ita me attribuere, ut aulæ hocce moros mores & vitam turbulentam jamdudum detestari didicerim, & si ita fieri vellet Clementis. DEUS inter cives quàm aulæ turbines, in malacia Reip. alicujus tranquillioris degere exoptem. Pereunt mihi bonæ horæ quàm plurimæ aulicæ hac servitute; quas absq; hac si esset, curis literariis consecrarem & bono publico juventutis. Si vel maximè de aulis optimè quis hodiè mereatur, *ἔνδεο χάρις*; & si vel semel noluerit adsentari, jam benefactorum priorum oblivio, jam ingratia, jam injuriæ præstò sunt: quas quando superiores intentant, inferiores & vilissimorum mancipiorum manipulus ingerent. In Rep. verò prudentum plus est, quàm judicia contra vulgus imperitum quem defendant; & adsentationum minus, & libertatis plurimum. Tute, mi D. NESTERE, videris ne aurea ferreis commutes; Ego agrè te cariturus sum, si è vicinia hac discedes: Fac tamen, quid super hac re animi Tibi sit, & quid certò statueris, proximè resciscam, & non deero Tibi consilio meo. Plinii *ῥήσις* l. 28. c. 1. de qua quæris, satis apud me aperta est: ac sensum ejus rectè, præterquam quod de Epilepsia scribis, adsecutus es, nihil turbandum: Generaliter ad alia prodesse ossa cruciati è capite, ad alia hominis amici atq; familiaris adserit è Democriti sententia; quod absq; dubio vanitatis & persuasionis magicæ est, & ad *ματαλοχίαν* Ægyptiorum, de qua multa apud Cl. Conringium, quem antehac Tibi transmissi, legere potes, pertinet. Neq; enim supplicium irrogatum quidquam in calva mutare potuit, multò minus amor vel odium in defuncto

defuncto sua morte. De cranii usu in Comitibus testimonia multa congeffit Unzerus p. 212. de usu ossium: In articulorum doloribus Ant. Snerberg. Caral. Med. ad art. dol. Rhases l. 12. Cont. c. 1. Crato consil. l. 2. Horst. obs. 5. l. 3. p. 2. Oleum ex ossibus humanis olim Arnold. Villanov. hodieq; Ayrenus Archiater Brandenburgensis inter epist. med. ab Hornungo edit. no. 263. summè commendat. Benè longumq; Vale cum Tua, & me amare perge, qui Te, uti mereris, h. e. plurimum. εἰς τέρχος Altenb. 25. April. 1653.

Tui studiosissim.

Th. Reinesius D.

EPISTOLA LVII.

S. Pl.

MI CARISSIME D. J. M. NESTERE.

A Micitias, quæ æternum duraturæ fuissent, nihil æquè dissolvit quàm fauciatio sive jocò sive serio facta animorum. Quare si me amas, mi NESTERE, abstine ergà me ab istis, quæ tu jocos vocas; Urbanum quidem & lepidum & jocosum hominem te mihi fingis subinde; sed sales tui infusi sunt eò quòd amari, adparentq; dentati potius sermunculi esse quos vanæ suspiciones ventilant, quibus me nil merentem pungas. Quid enim aliud ajebas, cum me tibi ignoscere, quod Salicium fuisses vocatus, velles, quàm quòd me onerares suspicione invidiæ, à qua longissimè absum? quid, quæso, mea intererat scire, quòd tu Salicii medicarèris? Licuit, sine ulla injuria mea, Salicenis te vocare, quos ego nullà ratione obnoxios mihi ne agnosco quidem, excepto quòd debent etiamnum sistro, multo minus postulo, quòd tu putabas; licuit etiam tibi, me ne tantillum contradicente eò meare, & vel dominari ibi, & inclarescere & ditescere inde unctioremq; redire ad Tuos; non erat ut eam fortunam tuam μακροῖς αὐλοῖς, quibus nihil odiosum magis, intimares mihi, & peteres, ut paterer te nemini implorantium artis tuæ officia denegare. Quàm inertes sunt sales tui? Perebas ut concederem tibi, quòd ne invidorum quidem ultimus & iniquissimus erat prohibiturus; quodq; per se cuivis liberrimum est; agnosce scisne quàm justè vanitatem tuæ suspicionis, qua me gravaveras præter meritum, arguerim? Fuissent ista ἀπίστα ἀμείνα; sed Tu non poteras pasci

Q

tacitus,

tacitus, ut corvus sive *Ælopicus* sive *Horatianus*; an satis dapis habiturus nunc sis, nescio; interim cum te spes, quas immensas immanesq; conceperas, non succedere ex animi sententia, nunc deplorantem, & ne paulò post gratiâ mulierculæ unius excidas metuentem audio, risum vix contineo. De *Salvatellæ* sectione in *Quartana* & aliis morbis *Splenis*, loqueris *ἀνὰ τῆς*: si enim eam in praxi salutarem es expertus, ut ais, cur audebis contradicere eam commendantibus? Ita dum mihi contradicere niteris, te turpissima contradictione involvis, quippe dicis, te primùm elegisse communem brachii sinistri, & si reiteratio indicata fuisset, *Salvatellæ* incisione postmodum fuisse suppleturum; cum antea dixisses, te eam adhibuisse cum fructu. Sennerti *Paralip.* ad *Instit.* no. 23. lege, ut legisti lib. de febrib. & respices: item *Vallesium* l. 7. contr. c. 5. *Nicolum Flor.* serm. 5. tit. 7. c. 4. inprimis *Zacutum* l. 1. de hist. med. l. 54. qu. 27. p. 389. & l. 10. prax. historiar. c. 26. obs. 2 p. 313. *Spigelii* l. 1. de Sennert. c. 15. quo intermittentium febrium putredinem in vasis maioribus minoribusq; constitisse probat exemplis, ista sunt: De *Quartana* loco quid dicemus? cum sanguinis missio è *Salvatella* sinistra manus multos ab ea liberavit. Huius rei testes non ignobiles esse possunt *Galeatius*, *Valescus Tar.* *Cardanus* & alii. *Galenus* in 3. de anat. admir. huius venasectionem in splenis tumore (phlegmone, ita *Paulus* l. 3. c. 49.) commendavit, dummodo sinamus sanguinem fluere, quousq; spontè sistatur: (De isto verò loco *Galenus* novi quid *Augenius*, quid *Vallesius*, quid alii sentiunt; sed propterea dogma ipsum non est rejiciendum. Est enim pro eo alius l. de sang. mis. c. 14. & *Orib.* l. 7. coll. c. 5. & *Pauli* l. 3. c. 49. notabilis locus.) in quo *Quartanam* consistere omnibus *Galenus* adfectis notum est. Caterum cum intumesceat lien, non caro lienis, quæ parenchyma dicitur, in maiorem molem excrescit: sed venæ & arteriæ, quarum innumerabiles per hoc viscus paginae disperguntur, adimplentur & distenduntur; & *Wilh. Ballonii* Prof. reg. *Parisi.* l. 2. ephem. & epidem. p. 252. ista: *Quartana* septem mensium jugulata sectione in anularem & minimum digitum, & satis copiose detracto sanguine mulieri. In re aperta & discussa satis piget verbum addere; neq; opus est verbis cum rerum adsunt testimonia. Narrationi de curata à *Kneuffelio* podagra cur fidem denegare debeam, nondum habeo; & de curatâ *podagra*, qui iniquè iudicas de re incognita tibi, tanquam aliis quoq; impossibili. Si legeris quæ *Joh. Raicus Bohemus* med. Licent. Professoribus *Witteb.* benè notus, *Mariæburgi* *Borussorum* Practicus an. 1621, *Francofurti*; & quæ *Joh. Loyselius Borussus* Phil. & Med. D. *Lugd. Bat.*

Bat. an. 1639. publicavit de eadem, depones scio istud ferociæ, & aliter incipies sentire. Jubemur omnia probare; quod bonum est, tenere; quod ipsò studium sectarum tanquam perniciosissimum & artibus ipsis & humano generi prohibetur; me si quis, quod ad artem nostram locupletandam facere possit quovis modo, doceat

Tros Rutulusvé fuit, nullo discrimine habebō;

Tu si id facere nolis, *ἐχέτω μὲν ἑταῖρος*. Sed quid N. iste tibi nocuit, cui tam inclementer dicis? Ita planè cum ad me scriberes in fermento fuisti, & felle exundasti. Vocet se Archiatrum, & vocetur ita ab aliis sono quàm maximo, utre quàm maximè inflato, quid istam rem curem Ego, quid Tu? Sit superexcellens, ipsiq; esto aurea barba: quod si tu ferre nequis & invides Viro rem tantillam; ego tamen nunquam persuadebor, ut limites Christianæ caritatis in tui gratiam excedam, & improbem quoq; ipse, quod tu non probas, sine manifesta necessitate & justitia. Parce autem talibus ad me in posterum, neq; enim libenter audio indignationes, odia, invidias, calumnias. De pecunia quam D. N. destinata habes, Jenam perferenda, consilium ferè me deficit; neq; facile patior ejusmodi negotiis me immisceri: Interim quia audio quosdam è Consiliariis nostratibus ob causam quandam publicam brevè eò ablegendos esse, occasione eà uti te posse arbitror.

De pulvere Com. à Warwick lege Greiffi Decadem medicam. nobil. quam mitto, p. 28. Eo ab annis viginti usum me fuisse adfirmo Tibi. Sed quid? nuncius me interpellat nunc Gmandsteinio, qui quartanariam tuam obisse hodiè refert; quod mihi non sit verisimile ob relationem tuam, qui ajebas, eam febre omninò liberam, nihilominus ob leviculas querelas negotium tibi faceßere; an tibi levicula videntur, ob quæ hominem morsprehendit? Vides, quàm fallacia sint, quæ nobis aliisq; vel circa salutem vel circa exitum agrorum interdum promittimus; ideoq; parè de talibus; & nihil grande loqui satius est, tanquam quæ in potestate aliena potiùs quàm nostra versentur; pereunt interdum, quos medicus præceptis victuros prædixerat; & multos temeritas casusq; adjuvit, quos ratio destituerat. Pluræ volebam; sed reor mox adfore eum qui tuas attulerat, ablaturum meas, Igitur optimè Vale, mi optime NESTERE, & salve

à Thu

Altenb. 29, Dec,
an. 1653.

REINESIO D.

O 2

EPI.

EPISTOLA LVIII.

Mi Carissime D. J. M. NESTERE.

Non indiges monitore me quomodo *τὰ φέρειν* ferenda sint; obfirma autem mihi animum istum, quem præ se fers, & suavissimè ævum transiges etiam cum acerbissimâ sorte; quam lenire tibi in manu mea, ut maximè velim, non esse deploro. De domicella Salicena non equidem invideo tibi; fiat, ut montes ibi invenies auri, fiat; & me ditior domum redeas; miror magis suspiciones tuas inutiles & parùm amicas; nunquam erat intra retia mea fera ista, neq; eam venatus sum unquam; nec causam habere visus sum cur ambirem; planè igitur Tibi licuit per me quidem eam confectar: *Σὺ δὲ αὐτῆς ὄναιο*, & sit perpetuum Tibi hoc bonum! Ego libenter careo molestiâ, quam frustra subiturus sim, neq; de adplausu muliercularum verterim manum. Populariter etiam apud nos grassantur febres cum typo quartanarum; sed è facie potius sanguinis quàm humore atrabulario; eòq; nec periculi foveat quidquam, nec diuturnæ sunt; plerisq; omnibus qui convaluere Salvatellæ in utraq; manu sectio profuit, etiam sæpius repetita. Pulvis Com. à Warwick dictus, descriptus à Th. Cornachino lib. integro: laudatus Spiegel. l. 3. de semitert. c. 8. & Fonseca in Consil. egregiè contulit. De iis qui Te meq; perditos vel oppressos malint, non penetro tuam mentem; neq; luctabor cum larvis, ut inimicos mihi fingam, qui fortasse non sunt. Scivi dudum odiorum & invidiæ adfatim me sustinere; sed non angor. *Quid faciat mihi homo? Dominus mecum.* Eodem modo si Te solaberis, nec in animum tuum adscendunt malevolorum minæ, neq; adeò semper conquerèris de adversitatibus; Summa, *Es muß gelitten seyn*: solatium summum est pati iniquè, h. e. vacare culpâ. Adfinis tuus liberalitate in me sua, dum me onerat quasi Disputationibus, supercedere poterat; omnes enim Jena missas habeo dudum. Opt. V. & S.

à Tho

Altenb. 12. Febr.
an. 1654.

REINESIO D.

EPI-

EPISTOLA LIX.

Τὰ πρὸς τὴν πλεθυσίναν!

Mi CARISSIME D. J. M. NESTERE.

DE tumore labiorum, de quo hesternâ cœna inter nos sermo, transitario quidem, sed subinde recurrente, idem habendum est, quod de tremore eorundem. Cum autem tremor quandoq; sit ex communitate cum stomacho, ut loquitur Savonarola, significans futurum vomitum; quandoq; ex communitate cum cerebro & nucha propter nervorum indertorum furculos, qui labiorum musculis, quos varii ductus fibræ constituunt, implantantur; in promptu est colligere vitium istud alicujus vel ventriculi vel cerebri adfectus ἐπιρρήματα esse. Ventriculi cum labiis consensus notissimus est ob tunicam seu panniculum utriusq; communem. Hinc enim Hipp. in Coac. contractionem labiorum κοιλίας χαλάρους καὶ ἀρτηρίων significare docuit; nimirum admorso ab humore acri ore ventriculi biliosa alvo proturbari facile est. Cum cerebro autem communicare labia nervorum interventu itidem compertissimum habemus; neq; opus est, puto, testimonia anatomicorum huc advocare. Hoc saltem addere oportet, quod de tremore labiorum ex Aben-Sina notavit Niculus Florentinus, si interius solum labium intumescat, è ventriculo; sin utrumq; è cerebro malum esse. Non observare memini ejusmodi intumescentiam præterquam in D. Georgio à Freywald Consil. Saxon. cui etiam tubercula pruriginola, culicum morsuunculis similia familiaria erant, quiq; ab omnibus habebatur pro Scorbuto. Præteritâ septimana puellæ quinquenni, filiæ Dn Georgii Kaiser, obscure febricitanti post exhibitum à me purgans confestim labia in deformem tumorem elevabantur; sed aderant simul vesiculæ confertissimæ, quæ abibant in ulcuscula & crustas. Verum id mali ad seminarium febrile, è venis & arteriis in labia, quæ ad fluxiones & ventositates recipiendas idonea maximè sunt ob substantiæ modum, à natura expulsum referebam. Præctici plerique omnes quatuor tantum labiorum ægritudines enarrant; fissuras, ulcera, æmorrhoidas, & tremorem: Sennertus vulnera etiam & tumorem, Pr. I. 2. c. 1. sed ibi, uti & aliis quibus tumores particulares tradit, locis nihil legitur de tumore labiorum, quæ Symptoma aliis morbi est, de quo heri apud Te sermo & quæstio nobis. Ex observationibus constat faciem ejusq; diversas partes, palpebras, ὑπερβολικά, genas, &c. inflari scorbuticis; subitòq; subsidere & evanescere tumores;

& fovent tamen ii ὑπελόν τι, neq; ideo insuper habendi. Benè V. & S. At-
tenb. d. 13. Jul. an 1655.

Tuis

REINESIUS D.

P. S.

Mi carissime Dn. D. Circa equisonem ne quid noves aut moveas, mo-
neo; res est in vado, quod præsentia attinget saltem vide ut insistatur iis ex-
ternis, quæ adhibenda & continuanda restant: da etiam operam, ut præscri-
pto decocto, ejus quatuor doses restant, utatur; cui ut gratus ventriculo
hominis imaginosi fastidioso accidat ammisceri poterit mixtura ex aq. cydon.
cinnamomitata, juleb. ros. & spir. salis 3ß. quam in vitreolo herè ipsi attuli
miscendam cum decocto. Sin velit admittere, facies, quod medici partium
est, & seriò adhorteris; non posse nimirum alio modo procedi. Poteris
etiam dolo bono uti, & simulare innovationem; Maximè autem labora quæ
refractorium sana ratione & monitis corrigas, ne sibi incommodet. 17^e
ἐνδιαγίσεις. Remitto Microcosmum Hypoch. Geigeri. Dieser guter
Geiger mag unter denen Baur- oder Bierfiedlern gar wol bestehen.
Cum enim magna quævis promittat, delirat pueriliter in plerisque.

Judicium

Dn. D. G. F. LAURENTII

De

Acidulis artificialibus.

Clarissime Dn. D. J. M. NESTERE, Amice atq;
Collega honoratissime,

Sicut heri præsens negavi, sic hodiè absens nego, cras & postredie sive
præsens sive absens negabo *acidulas artificiales ad naturalium virtutem
accedere posse*. Aristotelis in 24. partic. problemat. naturalia balnea sacra
appellat, quia è sacris & occultis causis generationem habent, & quia et-
iam mirandos effectus producunt. Par ratio acidularum naturalium est.
Iccirò dico, quod in cavernositatibus terræ est, & generatur ignis, ut ipso
experimento patet, tum in monte Ethna Sicilia, tum in pluribus aliis locis,
ut jam de Vesuvio monte nil dicam. Accedente itaq; aqua per caverno-
sitateq;

itates terræ, & destillante per loca Sulphurata, Aluminosa, Nitrosa, Vitriolata, Ferrata &c: substantiæ ejus aliquid abstergit, secumq; trahit, ut dicit Galenus. Imaginandum etiam est, ut cum hæc aqua ad ea loca pervenerit ubi est ignis, & ibidem esse aliquod cavum terræ, in quo tanquam in vase hæc aqua diu remaneat, & ab ipso igne usq; ad fervorem excalefiat, ad eò ut ex his fiat fortis & vera mixtio, & sic excalefacta, facta levis & vaporosa, adjuvante etiam natura ipsius aquæ, quæ sub terra naturaliter sita est, per cavernositates terræ ad extra exit, non in tanto fervore in quanto erat cum ab igne calefiebat. Nam cum per loca frigida deinde transfiret necesse erat in caliditate remitti. Hujus etiam mixtionis causa universalis est influxus cœlestis, & radius Solis, & stellarum per porositates terræ pertransientium, & ideo Galenus dixit, quod mixtio est opus DEI & naturæ. Et Aristoteles inquit, Sol & homo generant hominem. Et Plato aliq; Philosophi dixerunt, quod esse mixtum duplici dotatum est virtute, elementari sc. & cœlesti. Acidulæ igitur naturales sunt verè mixtæ, unam habentes formam, quæ huic dat esse, unam quoq; virtutem cœlestem, quâ operatur operationes nobilissimas, sicut in omnibus aliis mixtis videre est, & tunc dicitur operari à tota substantia. Et ideo Sapiientissimi Medici semper consuluerunt, ut hypochondriaci, Melancholici, etiam Scorbütici ad locum proprium Acidularum naturalium se conferrent: cum dulcior ex ipso fonte bibantur aquæ. Nam effectus, qui à tota substantia & virtute cœlesti fit, in loco proprio est, (cerevisia Servestana Servestæ coqui tantum potest, non alibi. Sic Brûhan/ Mûnime/ in suis locis propriis. Sic plantæ suo proprio solo gaudent, nec ubivis locorum vegetantur, juxta illud: Hic segetes, illic felicius nax proveniunt, India mittit Ebur, dant sua thura Sabæi.) Nunc satis videre & sentire possumus, an artifex possit imitari naturam. Nam acidulæ artificiales mixtæ verè non sunt, nec mixtione forti & fixa deducta ad unam formam, ad unam virtutem, nec ad unam proprietatem: ergò non habent unum esse, unum operari, nec nobilissimam operari. Acidulæ artificiales autem supra elementares operationes, virtutemq; cœlestem in se minime habent, sed privata sunt hoc dono & virtute; Et ideo ab acidulis arte factis prædici non possunt operationes nobilissimæ & cœlestes, & ut dicunt à proprietate, & à tota substantia. Potest igitur artifex imitari naturam, ut cum liquore potabili misceat ea mineralia, quæ in acidulis naturalibus conspiciuntur: non tamen acidulæ hæc artificiales operantur, nisi affatim, ut dicit Galenus, & copiosè cum aqua potabili misceat de substantia illius mineralis, quod vincere conspicitur in acidulis naturalibus. Quod verò

ars

ars non possit imitari & minus assequi virtutem cœlestem in acidulis naturalibus existentem, luce ipsâ clarius est, ut probatione minimè egeat. Nisi fortè dicatur, quod cum ars componit acidulas artificiales, expectetur aliquis cœlestis influxus, ut in componendis imaginibus referunt Sapientes.

Cum itaq; hæc cœlestis virtus, donum ac dos in artificialibus acidulis minimè insit, sacræ dici non poterunt, nec mirandos effectus & nobilissimas operationes producere, sicut acidulæ naturales. Quippe si acidulas artificiales acidulis naturalibus comparaveris, dices acidulas naturales sacræ esse, & verè esse, acidulas verò artificiales, etsi ex amussim compositæ sint, umbras illarum esse, & quidem umbris ignobiliore, cum acidulas naturales in compositione aut virtute minimè imitentur. Ecce quomodo ars naturam imitetur imperfectè, velut Christiani homines Christum hominem DEUM. Adeò distant ars & natura, veluti operis omnimoda absolutio, & manca imitatio. Nunc manum de tabula, sat biberunt prata, plura non admittit charta, & fugiens hora. Vale, Vir Clarissime, Amice suavissime, ac me amare perge, amore Medico. Medici enim debent esse, juxta mentem Hippocratis, veri Amici. Dabam Altenb. animo ac calamo currenti 14. Jul. An. 1657.

Dn. Doctoris atq; Collegæ honoratiss.

studiosissimus

G.F.L.D.

FINIS.

